

FS

6562

1



3

6562



პარლამ რუსთაში

გ. შიშინი

ცხოვრების ყვაკვილები

წიგნი მესამე



გამოცემა კანტორა „განათლებიხა“

879.962.1-1

65623




საქართველოს
საგარეო ურთიერთობების

ცხოვრების ყვავილები


საგარეო ურთიერთობების
საქართველოს

სან ნარე



548
—
3





თფილისი

სტამბა გ. ა. რუხაძისა, გაბაშვილის შესახვევი, № 1

1919

RS

6562

1

დაუსრულებელი ძიება

I

ბილიკს მივყვები მალღობზე,
მივდივარ სვენებ-სვენებით,
ხან კლდე შემზღდება, ხან ხრამი,
ხან ველი, სავსე შვენებით,
ხან ნარი გამკრავს, დამნესტრავს
თავის წვეტიან ენებით.

მე მაინც წინ წინ მივდივარ,
მსურს ვნახო ლურჯი სამყარო,
სხივთა ჩანჩქერში შევცურდე,
სული და გული ვახარო,
და შემდეგ კაცობრიობას
მზის უკვდავება ვახარო.

მომწყინდა მუდამ ქაობში
ხოხვა... ვაგლახის ყურება:
რა სიცოცხლეა სიცოცხლე,
თუ ნისლით დაიბურება,
ვერ ავა შვების მწვერვალზე,
კრემლთა ზღვათ დაიწურება?!

II

აჰა, ავედი მწვერვალზე,
ლურჯ ცას რომ თავით ჰბჯენია
და ვიხედები გარშემო:
ღმერთო! რა რიგათ შვენია!
აქ აუნთია ბუნებას
შემოქმედების გენია!

როგორც ბორბალი, სივრცეში
 ბრუნავს და ბრუნავს კანდელი,
 სხივი სხივს იჭერს, შუქი შუქს,
 ტალღათ იშლება ნათელი...
 ამ სიღიადეს ვერ აღწერს
 ჩახრუხაძე და შავთელი!

მაგრამ, ეჰ, აქაც მომწყინდა,
 სხვა სანახავი მწყურია;
 მსურს გადვიხედო ცის იქით,
 შავ ნისლს რომ დაუხურია:
 ვინ იმყოფება? რა ძალა?
 კარი რათ დაუხურია?

1917 წ.

დე, იტანჯე, ჩემო სულო!

გარს მარტყია ფიქრთა ქსელი, როგორც ღამე, შავი, ბნელი;
 ხსნის ღმერთს ვუხმობ, მაგრამ არ სჩანს... ნესტარს მასობს
 გულში გველი.

ფრთას შლის სევდა...

ვაი, დედა!

სად წავიდე? ვის მივმართო? სად არის ხსნა ტანჯულ სულის?
 ნუთუ დაშრა სამუდამოთ მიქეფრი წყარო სიხარულის?!

დილა არის, დილა უცხო, ილიმება ტკბილათ ზეცა,
 ილიმება არემარე, ილიმება მწვანე ტყეცა,
 ილიმება ბუჩქ-ბალახი... გავიღიმო შინდა მეცა,
 მაგრამ, ხედავთ, ღიმის ნაცვლათ ცრემლი აგერ სად დაეცა?

ხარობს ველი, ნამით სველი,
 ეგრიხება ვაზი ვაზსა,

და ყაყაჩო, ლაწე-წითელი,
 იას ჰკოცნის, ნაზი ნაზსა.
 აგერ წყაროც ქვიდან ქვაზე
 მოჰხტის, შეხეფებს აჰნევს მძივათ...
 ეს ბუნების სილამაზე
 რატომ ხედება ჩემს გულს ცივათ?

მეც ბუნების შვილი არ ვარ, მის კალთაში გამოზრდილი?
 მაშ, როცა ის ასე ლაღობს, ათასგვარად გადაშლილი,
 რათ კვენეს სული,

სევდით კრული,
 რათა?!.. მაგრამ რას ვკითხულობ: ან კი რა მაქვს სანეტარო,
 როს ჯოჯოხეთს დაუპყრია და ჩაუნთქავს მთლად სამყარო?!

აქ ბორკილი მიელარუნებს, იქ მუშაობს საბრჩობელა...
 ცოლი ქმარს ჰგლოვს, დედა—შვილსა, კრემლში სცურავს,
 კრემლში, ყველა!
 თუმც მომავლის ვარსკვლავებმა ჩაგრულთ ზეცაც ააქრელა,
 მაგრამ ჯერ კი მაინც არ სჩანს ხსნის სიმბოლო — ცისარტყელა!

დე, იტანჯე, ჩემო სულო:
 ტანჯვა ცეცხლს შობს, ცეცხლი --ნათელს,
 ნათელი კი, წამებულო,
 შორს გაჰფანტავს ბურუსს, შავ-ბნელს;
 და ვიხილავთ ქეშმარიტ ღმერთს,
 მზაკვრათ გულში ლახვარ მსობელს:
 ხელი მივსცეთ მას ერთად ერთს,
 ჯოჯოხეთის დამამხობელს!

ქ ა ლ ა ქ ი

I

აი ქალაქი, გაშლილი, ვრცელი,
 სადაც ოქროს კერპს ტახტი დაუდგამს
 და დიდი, მცირე, მეფე, თუ ბრძენი—
 ყველა თაყვანს სცემს და სულს მით იღვამს.
 თვალ-წინ იშლება ქუჩები გრძელი,
 ხელავ დარბაზებს უცხოთ ნაშენებს,
 ზოგს ყელს ავლია ჩუქურთმის გველი,
 ზოგს ფერადები ამკობს, აშვენებს:
 ეს თეატრია, ის სამკითხველო,
 თანამედროვე კულტურის შვილი,
 ჰა, ესეც კიდევ, ჩემო მკითხველო,
 საროსკიპოა, ნამუს-ახდილი;
 ეს საპყრობილე—ცოცხალთ საფლავი,
 ისიც სამსჯავრო ბრძენ ფემიდასი,
 მაგრამ სამართალს ოქრო სჭრის ავი,
 ქეშმარიტებას არა აქვს ფასი;
 ეს კი სოფდაგრის სასახლე არის,
 სადაც შუშუნებს შამპანიური,
 ხან ისმის კენესა წყრიალა თარის,
 ხან როიალის—ჰანგი ციური;
 ხან მზე-ასული, გრძნობა-აშლილი,
 ვნების ღმერთს ჰკოცნის, რაკრაკებს ტკბილათ
 და ბროლის მკერდზე, უცხოთ გათლილი,
 ბროლისვე ბურთნი უთრთიან წყვილათ;
 ხან კი ბატონი ჩოთქითა ხელში
 უზის მაგიდას დაეპრებით წინა
 და ანგარიშობს—თვის მახე-ქსელში
 ვინ სად გააბა, რა შეიძინა,

და როცა ხედავს სასურველ ჯამსა,
 კმაყოფილებით უბრწყინავს სახე...
 მას ვით მისწვდება ამ ნეტარ ეამსა
 მის მსხვერპლთა კვნესა და სივაგლახე!

II

აგერ ქარხანაც გრიალებს, გრგვინავს
 და ეს გუგუნნი, ეს ხმაურობა
 ყველაფერს თავის სიღრმეში სძირავს,
 ვით ნაზ მუსიკას ხალხთ ზაურობა.
 გრგვინავს და ბოლი ამონასროლი
 მიიზლაზნება მალლა ერთავათ
 და, ვით ღრუბელი, მწვერვალზე მწოლი,
 ქალაქის თავზე იშლება შავათ.
 ამ ყრუ გუგუნში, ტანჯვის აღმურში
 იხრაკებიან შვილები შრომის:
 ერთი ცეცხლს უქრავს იქ, ბნელ ჯურღმულში,
 მეორესი—ძალა არ შესწევს დგომის,
 მესამე ქურას თავს დასტრიალებს,
 თუჯის ზოდს ასხამს, ზედვე აღნება,
 მეოთხე, ძალზე დანატრიალებს,
 მანქანას მოჰყვა და აგერ ჰკვდება;
 მეხუთე... მაგრამ რამდენი ერთი
 უნდა მოეთვალო: ათი, თუ ასი?
 ახ, როდის მოვა სიმართლის ღმერთი,
 რომ კაცთ სიცოცხლეს დაედოს ფასი?!

III

ჰა ქობინებიც, ჩაკრულთ უბანი,
 ჩაშავებული, ვით ღამე ბნელი,
 სადაც გუზგუზებს ტანჯვის ვულკანი,
 დღესასწაულ ობს სიკვდილის ცელი!
 თვალწინ იშლება სურათი მწველი,
 ხედავ ჩამომდნარს ბალღებს და დედებს,

ზოგს ტანს უფარავს კონკების ძველი,
 ზოგი ამასაც ნატრულობს, ეძებს!
 ჩუ! ყური უგდეთ... არ გესმით გლოვა
 გულის მომწყვეტი, ვით შიშის ძრწოლა?
 ეს ისინია, ვინც გამოსწოვა
 ოქრომ და გარეთ გამოისროლა!
 და დღეს, მისულნი სამარის პირათ,
 დაწანწალი: ბენ კარიდან-კარათ,
 არა აქეთ საზრდო, არც ქოხი ბინათ,
 უკანასკნელ წამს თავ-შესაფარათ.
 ჰოი, ცხოვრებავე, უკმეხო ავო,
 რამდენი მსხვერპლი შეგიწირია;
 რისთვის ვერ გაძელ ამდენ ხანს, სვავო?
 ამდენი ცრემლი რატომ გჭირია?!

IV

ახ, აგერ ისიც—ნაძალადევი,
 თავისუფლების აკვანი, კერა:
 აქ დაიბადა პატარა მღვევი,
 აქვე ისწავლა ბრძოლის სიმღერა!
 ეს კარგათ იცნობს კატორღას, ციმბირს,
 იცნობს მეტეხის ნესტიან კედლებს,
 რომ წამომჯდარა ამაყათ მტკვრის პირს
 და ემუქრება მოძავლის მერცხლებს.
 აქ არა ერთხელ ყოფილა ბრძოლა,
 შრომას დასხმია უხეში ძალი,
 გაჩაღებული თოფების სროლა...
 ჰა, აგერ ახლაც ჩანს სისხლის კვალი!
 მაგრამ წითელი დროა დიადი,
 ისევ ფრიალებს, ისევ ირბევა
 და, ვიდრე მეფობს ქვეყნათ წყველიადი,
 ისიც იქნება, არ დაიხვევა!

V

ჰა, აგერ ქუჩაც—სარკე ქალაქის,
 მარად რომ ღელავს, ივსებ-იცილება,
 სადაც, ვით ტბაში თალი ლაქვარდ ცის,
 მთელი ცხოვრება მოსჩანს, იშლებს:
 აქ ხან ტრამვაის გაისმის ზარი,
 ფუსფუსებს ხალხი, რიგსა სკელის რიგი,
 ხან გამოჩნდება ცხენით მხედარი,
 ვინ გამოიცინობს საღ მიჰქრის იგი;
 ხან გაიქროლებს ავტომობილი,
 ხან ეტლი ეტლზე გაიგრიალებს,
 ხან მეგაზეთე, ქუჩის ძმობილი,
 „აზრი“! „სახალხო“!—გაიხშიანებს;
 ხან მძიმე ტვირთს ქვეშ მოხრილი მუშა
 ჩაივლის ხენეშით თვალ-სისხლიანი,
 ხან ქალიშვილი, ნახ-თმა ხუჭუქა,
 მიგოგავს: გულ-მკერდს უმკობს იანი;
 ხან ბორკილი ეღერს, ხან კუბო მოღის,
 ხან ქუჩის ქალი თვალსა ჩავიკრავს,
 თითქო განიშნებს: მნახავო როდის?
 ხომ იცი კარგათ, რომ შიმშილი მკლავს?

VI

შიგნით რა ხდება— ამას ნუ მკითხავთ,
 ან რა აზრი აქვს კალმით დაწერილის?
 თვით დაუკვირდით და წაიკითხავთ
 დარბაზ-ქოხებზე წითლათ წარწერილს:
 „მექრთამეობა, სისხლი, ლალატი,
 შიშველი ხორცის ტრფიალი, ხვევნა,
 ნამუსის ახდა სუსტის ძალათი,
 გაუტანლობა, ძარცვა და ღვენა“...
 „წინსვლა, შეგნება, განვითარება,
 ბრძოლა უკეთეს მომავალისთვის,

ძმური კავშირი, სოლიდარობა,
ერთი ყველასთვის, ყველა ერთისთვის“...
აი ქალაქის შეენიერება,
მისი სამოსი, მისი მანტია:
აქ იქედება ბედნიერება!
ტანჯვის კოცონიც აქვე ანთია!
1916 წ.

მკოსანი და მზე

I

პარნასის მთიდან მოსული,
ხელში ლამაზი კნარიტა,
მიმოდიოდა მკოსანი,
საესე ფიქრებით მწარიტა.
გარს ერტყა ლამის წყდიადი,
განუქვრეტელი თვალიტა,
მზეს დაეძებდა, იწოდა
იმისი ტრფობის ალიტა.
ხან აღმოსავლეთს გასცქერდა,
ხან დასავლეთის კიდესა,
მაგრამ ყოველგან ხედავდა
მხოლოდ სიბნელის რიდესა.
„მითხარით, — ევედრებოდა
ცას, მიწას, არეპარესა, —
როდის ვიხილავ ჩემს მნათობს
მოკაშკაშ-მოელვარესა?“
და სწრაფათ გადადიოდა
კლდით კლდეზე, მთიდან მთაზედა,
ხან მწვერვალს მოევლებოდა,
ხან დასკურავდა ზღვაზედა.

არ უდრკებოდა განსაცდელს,
 ცეცხლს აკეცესებდა თვალითა...
 გულ გატეხილი აწმყოზე,
 ცოცხლობდა მომთაბოთა.

II

ციცკარმა წყვილიდს გულში ჰკრა
 მკვეთრი ისარი სხივისა,
 ლაქვარდ სივრცეში ააგო
 მან კოშკი ოქროს მძივისა.
 ზედ გადმოჰკიდა ალაში,
 ელვარე აღის ფერადა,
 წითლათ დაღება ღრუბლები,
 ცა უცხოთ ააფერადა.
 სიცოცხლე იგრძნო ბუნებამ,
 ტოროლამ ფრთები გაშალა,
 თავსა მოეფლო მთა-ბარსა,
 ფრინველთა ჯარი აშალა.
 და გადმოსძახა მაღლიდან:
 წყვილიდი სულს ლევს, კვდებოა,
 იხარე, ჩაგრულთ ქვეყანავ,
 შენთვისაც ვათენდებოა!
 და ეს ნეტარი ჰანჯები
 მოედო ყოველ მხარესა,
 ბარმა მაღალ მთას გადასცა,
 მთამ—ზეცას, მან კი—მთვარესა ..
 და ახმაურდა მსოფლიო,
 რა იგრძნო წამი დიადი,
 შესძახა: ვაშა სინათლეს!
 ძირს სულის მღრღნელი წყვილიდი!

III

გათენდა. მზე შუქ-მოსხმული
 გადმოდგა მთისა წვერზედა,

გაშალა ოქროს დაღალნი,
 ბარს მოახვია ყელზედა.
 ისე დაშვენდა მიდამოს,
 ვით ცას ვარსკლავი ცისკრისა,
 კორდს — ბუჩქნი, წალკოტს — ყვავილნი,
 ლამაზ ქალს — თვალნი გიშრისა.
 რა დაინახა მგოსანმა
 მსოფლიოს ძალა, შვენება, —
 ფრთები შეისხა, გაფრინდა,
 მის გულში ჩაკვრა ენება;
 მაგრამ, როს მიუახლოვდა,
 მიაპყრო თვალი მწყაზარი, —
 ლაქა შენიშნა სახეზე,
 შეკრთა, დაეცა თავზარი.
 და დიდხანს გარინდებულნი,
 დაქრილი სევდის ისრითა,
 ერთ ადგილს იდგა უძრავათ,
 თითქო განვლილ ქირს ითვლიდა.
 ბოლოს სთქვა: მხოლოდ ორი რამ
 ყოფილა ყოფნის სიმბოლო:
 პირველი — მუდამ ეძიო,
 მეორე — მუდამ იბრძოლო!
 სთქვა და ჩამოჰკრა სიმეხსა;
 ააკვნესარა წყნარადა,
 ლაღადი ქეშმარიტების
 გაისმა მთა და ბარადა.

1913 წ.

ბ ა რ ა თ ი

1

კაზმული სიტყვებით, მრავალ გვარ ფერებით,
 ბარათს გწერ, შეენებავ, ალერსით, ფერებით.
 ნუ დახევ, უბეში ჩაიდე, ატარე...
 აკმარე შენს მიჯნურს, რაც ცრემლით ატარე.
 დამწვარი თვალები მოწმინდე, მობანე...
 შენს შკობელს, შენს მხმობელს, შენც ტკბილათ მობანე.
 მიეცი მას ნება — ბროლ-მკერდზე გემთხვიოს,
 რომ გყავდეს მთარეფლათ, როს ქირი გემთხვიოს...
 ნიავსა მიჰბაძე, ნისლთ ფარდას რომ არხევს:
 ფრთებსა სცემს გიჟმაჟად, მაგრამ მთლად ხომ არ ხევს?

2

ნუ მტანჯავ, გეთაყვა, ნუ მტანჯავ უწყალოთ,
 წყურვილით ვიხრჩვები, ნუ მომკლავ უწყალოთ.
 მომხედე, შემიტკბე, სევდა-ქირს მარიდე...
 ბადრ სახეს რომ გიმკობს, მაჩუქე მა რიდე!
 სული ჰვენესს უშენოთ, ძალ-ღონე ელევა,
 შენს სახელს ლოცულობს, სხვისთვის ვერ ელევა...
 ნაკადულს მიჰბაძე, ბუჩქთ-ალამს რომ არხევს:
 ტალღებს სცემს გიჟმაჟად, მაგრამ მთლად ხომ არ ხევს?

3

ნაზი ხარ, ვით ია, წალკოტის ასული.
 გიხდება გიშრის ტყე, ტევრათ ზე ასული;
 ტყის პირათ—მელნის ტბა, ეს დილის ცისკარი,
 ისე ღრმა, უძირო, ვით ღია ცის კარი;
 ქვეშ—ბროლის მესერი, ელვათა სადარი;
 ზედ—მარჯნის ქიშკარი... ვიშ, მსგავსი სად არი?!
 ცქრილაავ! მიწაზე ნაშობი, მგონი, ხარ?
 არ მჯერა, არ მჯერა: ცის შვილი მგონიხარ!

მაშ შენც მზეს მიჰბაძე, თეთრ ღრუბელს რომ არხეხს:
სხივებს სცემს გიქმეჲად, მაგრამ მთლიად ხომ არ ხეხს?

4

წამოდი! წამოდი! ია-ვარდს დაგიფენ...
ამ გულზე, დაგულზე, მალამოთ დაგიფენ...
მიგიღებ დიდებით, დაგვხდები ზეიმით,
ლალის ტახტს დაგიდგამ, გატარებ ზე იმით!
ტანთ მთვარეს ჩაგაცმევ, ლურჯ ცაზე ახეულს,
თავზე მზეს დაგადგამ, თუ მიტრფობ, ახ, ეულს!
ნიავექარს მიჰბაძე, ტყის ფოთლებს რომ არხეხს:
გიქმეჲად ატოკებს, მაგრამ მთლიად ხომ არ ხეხს?

1196 წ.

ს ი მ დ ე რ ე ბ ი

1

ჰა, ერთხელ კიდევ ჩამოვკრავ ქნარსა,
სიმთ ავაკენესებ, ავაწკრიალეებ,
ხან შემოვსძახებ ნაღველიან ზარსა,
ხან ბრძოლის ჰიმნსა ჩავეკრიალეებ,
რომ შემდეგ, როცა ვიქცევი არად,
ის მაინც დარჩეთ მომდღურავთ ბედის
და გაისმოდეს მთაში, თუ ბარად,
როგორც ვალობა მომავედავ გედის!

2

ბევრი ძირმწარე, ბევრი ნაღველი
შევსვი, ვიგემე ცხოვრების გზაზე,
მაგრამ, უზომო სიმწრის მნახველი,
ახლა სრულიად არ ვფიქრობ მაზე.
რაც იყო, უკვე ჩაბარდა წარსულს...
მომავლისაკენ მიჰიარავს თვალი,

და თუ ასრულდა, რაც უნდა ჩემ სულის,
 ვით შემაშინებს ტანჯვათა აღი!

3

მარად ვმღეროდი და ახლაც ვმღერი,
 მაგრამ კრემლებსაც ვაფრქვევ ფარულად:
 არ მსურს ჩემს კენესას ისმენდეს მტერი
 და თელიდეს თავსა გამარჯვებულად.
 მე მონა არ ვარ... და როცა ვხედავ
 ჩემს გარეშემო მონის ბორკილებს, —
 მათ დასამსხვრევათ მახვილსა ვსქედავ,
 ბრძოლის ველისკენ ვეძახი გმირებს!

4

სხვა დამივიწყებს... მაგრამ, მრწამს, მჯერა,
 არ დამივიწყებს სამშობლო ჩემი:
 ჩაგრულთ კერასთან ჩემი სიმღერა
 კვლავ იგუგუნებს, ნუგეშის მცემი.
 ის ტანჯვის ცეცხლში გამოიქვდა
 და ახლა მასვე სწავს თავის აღით,
 რომ სიხარულით შესცვალოს სევდა
 და მწარე ღწმყო — ტკბილ მომავალით!

5

ვიცი ბევრს თქვენგანს გაეცინება
 ამ უბრალო ლექსს როცა მოისმენს.
 დე ასეც მიხდება, არ მეწყინება:
 რა დამაკლდება, თვით თუ მოილხენს?
 ჩემთვის ერთია დაცინვა, ქება,
 შეწვეული ვარ ამგვარ ყოფის წამს:
 ოღონდ ვსთქვა იგი, რის თქმაც მენება, —
 თამამად შევსვამ ჯოჯოხეთის შხამს!

6

თუმცა ღროთა ბრუნვამ ღრმათ დამაჩინა
 მსახვრალი ხელით მოძღვნილი დადი,



გულში ჩაგუბდა მწარე ნალევლი,
წინანდებურად ვერა ვარ ლალი,—
მაგრამ სული კი გამიფოლოდდა
და ვერ მაშინებს მახვილი მტრისა:
აფხსენ მიზეზი ტანჯვის მშობელი
და შევისწავლე გზაც მისგან ხსნისა!

ახ, სულო ჩემო! მზეს დაეღარე,
მისებრ იბრწყინე, ითინათინე,
დაიწვი,—მაგრამ სხვა კი გაათბე!
დაფერფლდი,—მაგრამ სხვას შუქი ჰფინე!
შენ ხომ ქარიშხლის მოციქული ხარ,
თავისუფლების მღერალი გედი?—
მაშ შემოსძახე!.. რომ შენს წინაშე
თვით სიკვდილმაც კი მოხაროს ქედი!

7

ღიახ, მეც მიყვარს საქართველო, მშობელი ერი,
მაგრამ სრულიად ახალგაზრდა, სულით ძლიერი,
ხელთ რომ უპყრია ბრძოლის დროშა, შრომის გენია;
თავისუფლებას თაყვანს რომ სცემს, ეტრფიალება,
მაგრამ იგივე არც სხვისთვის შურს, არ ენანება,—
თანასწორობის დიდი მადლი გულს რომ ჰფენია!

1914 წ.

ა ნ დ ე რ მ ი

(ჩემს შვილს)

ჩამოვკარ ჩანგსა, აკვნესდენ სიმნი,
ჰანგი ჰანგს მოჰყვა და კილოს კილო,
ჩაგრულთა კვნესა და ბრძოლის ჰიმნი
ერთად შედულდენ... ისმინე, შვილო!
გიყვარდეს ხალხი უმწე, მკვნესარი,
ეცადე ჭირი რომ გაუტკბილო,

მის მტერს და ორგულს—სტუორცნე ისარი,
მოკეთეს—უძღვენ სალამი, შვილო!

და თუ დაეცე ეკლიან გზაზედ,
ტიალი ხედრი ვერ აიცილო,
შენც მიუთითე შვილებსა მაზედ,
რომ გააგრძელონ შენი გზა, შვილო!

ნუ გაგიტაცებს ოქრო, დიდება,—
წარმავალია და სათაკილო:
ვინც თავის თავსა ვერ გასცილდება,
იგი ქვეყნისთვის მკვდარია, შვილო!

1916 წ.

მომეცით ფრთები

მწვერვალზე ვდგევარ. მზე სხივებს მტუორცნის,
ნამი პირსა მბანს, ნიაფი მკოცნის,

გულში მიკრავენ ამაყი მთები.

მუდამ მიწაზე ხოხვა მომწყინდა,
რომ ვნახო ზეცა ერთხელ,— მეც მინდა:

მომეცით ფრთები! მეც გავფრინდები!

ტყვე არწივი



(ძღვნათ კაკის)

გაგლეჯს, გაგლეჯს გალიასა ის არწივი, დღეს რომ ტყვეთ ზის,
სადაც სხივი მოციმციმე ველარ ატანს ბრწყინვალე მზის;

გაგლეჯს... მძლავრათ გაშლის კვლავ ფრთებს,

მოვედება სამშობლო მთებს,

დაუკონის ხუჭუჭა თმებს!



თავისუფლათ მონავარდე მოიუწოდებს მისებრ გმირებს,
 მტერს შეუტევს, მთელ ქვეყანას მოხიბლავს და გააკვირვებს.
 არ მოიხრის მონურათ ქედს,
 თავს შესწირავს ჩაგრულთა ბედს,
 ან მოკვდება, ან გამოსქედს!

განა დღესაც მისთვის არ ზის გალიაში ფრთებ შეკრული?
 დღესაც მახედ არ ოცნებობს? იმისთვის არ უწუხს გული?
 ის არაა მისი ღმერთი,
 სალოცავი ერთადერთი,
 ამ სოფელთან შემაერთი?

გაგლეჯს, გაგლეჯს გალიასა ის არწივი, დღეს რომ ტყვეთ ზის.
 სადაც სხივი მოციმციმე ვეღარ ატანს ბრწყინვალე მზის;
 გაგლეჯს... მძლავრათ გაშლის კვლავ ფრთებს,
 მოველემა სამშობლო მთებს,
 დაუკოცნის ხუჭუჭა თმებს!

1913 წ.

ქუჩის სურათები

1

ვნახე ქუჩა... თოფით ხელში
 იდგა კაცი ბნელ კუთხეში:
 მსხვერპლს უცდიდა ავაზაკი,
 რომ მიერთყა ტყვია მკერდში.
 მისთვის ყველა ერთი იყო
 მოხუცი, თუ ახალგაზრდა,
 არასფერი არ ახსოვდა
 ძარცვისა და გლეჯის გარდა.
 ვკითხე ქუჩას:—კაცი რომ მგლათ
 გიქცევია, ვითომ რაა?!

მან მომიგო:—არ მაქვს ბრალი:
 დამნაშავე ცხოვრებაა.

2

ვნახე ქუჩა... ვილაც ქალი,
 ფერ-მიხდილი, თვალ-მიმქრალი,
 დახეული, დაფლეთილი,
 სარდაფის წინ იდგა მთვრალი.
 ყველას, ვისაც თვალს მოჰკრავდა,
 ეძახოდა, პატიუობდა,
 სამარცხვინო თვის საქციელს
 უბედური ვერც კი გრძნობდა.
 ვკითხე ქუჩას:—სიცოცხლითვე
 რომ მოგიკლავს, ვითომ რაა?!
 მან მომიგო:—არ მაქვს ბრალი:
 დამნაშავე ცხოვრებაა.

3

ვნახე ქუჩა... კურტნით მუშა,
 წელში ოთხათ მოკეცილი,
 მძიმე ტვირთს ქვეშ კირის ოფლათ
 ეღვრებოდა, ტანჯვის შვილი.
 ძლივს იძროდა, ძლივს სუნთქავდა,
 ჰკენესდა ბედის უმადური:
 „მუდამ ვშრომობ... მუდამ ოფლს ვღვრი...
 მაინც მიკირს ლუკმა პური.“
 ვკითხე ქუჩას:—ბედშავე მუშას
 რომ აწამებ, ვითომ რაა?!
 მან მომიგო:—არ მაქვს ბრალი:
 დამნაშავე ცხოვრებაა.

1913 წ.

ოხ, სად არის გაზაფხული?!



ზამთარია. ზამთრის დემონს გაუშლია მძლავრათ ფრთები,
 თოვლით თეთრათ შეუღლესავს დაბლა—ბარი, მაღლა—მთები
 ძლივს ბუტბუტებს ნაკადული,
 ყინულთ ხუნდში გახლართული...
 ოხ, სად არის გაზაფხული?!

ყინვა მეფობს. ბუნება მთლად გათოშილა, ველარ ყვავის:
 ტკბილ ქიკვიკის ნაცვლად ყველგან ჩხავილი-ლა ისმის ყვავის.
 ქარი დაჰქრის შუბლ-შეკრული,
 ტყე ჰკენეს, ცრემლს ღვრის ქირნახული...
 ოხ, სად არის გაზაფხული?!

მზე არ ბრწყინავს. ლეგა ღრუბლებს დაუფარავთ ცა ლაევარდი,
 მიწას მოლი არ აშვენებს, ხეს—ფოთოლი, წალკოტს—ვარდი.
 კუბოში წვეს სიხარული,
 გულს წყლავს, წიწკნის სევდა, კრული...
 ოხ, სად არის გაზაფხული?!

ჩემს მუხას

მწუბრის ქამი იყო, ბინდს მოეცვა არე,
 ზეცას არ ამკობდა გაბადრული მთვარე.
 ღრუბელს გაეშალა განიერათ ფრთები,
 მის ქვეშ მღვებებ იდგენ ბუმბერაზი მთები.
 მიმოქროდა სიო, ზღვიდან მონახებრი,
 და მიჰქონდა ველათ ვარდ-ყვავილთა მტვერი.
 ქალაქს არ ეძინა, ისევ ხმაურობდა,
 ქუჩა ბობოქრობდა, აურზაურობდა.
 მე კი მივდიოდი, მივდიოდი ნელა,
 თავზე მეხვევოდა ფიქრთა ცისარტყელა.

ირგვლივ ცრემლს ვხედავდი, მომესმოდა გლოვა
 და თვალთა წინ მიდგა უბედურთა გროვა.
 საღ ებოვა ბინა დაქრილ გულის თქმასა?
 მხსნელს ვუხმობდი, მაგრამ არვინ მცემდა ხმასა.
 მხოლოდ მომესმოდა ჩემივ სულის კვნესა,
 ისე მათრთოლებდა, ვით ნიაფი ტყესა.
 უცბათ შეკრთა ქუჩა, შედგა ფიქრთა გემი,
 უკან მოვიხედე, ვიცან მოძმე ჩემი,
 ჩემებრ უბედური, ჩემებრ დატანჯული,
 ხენგშით მოდიოდა ხუნდში გახლართული.
 და შეეყვირე: ძმაო, ტოლო, მეგობარო,
 მსურს მოგეყრდნო მკერდზე, ცრემლი გადმოვღვარო!
 ერთ ბედში ვართ, ჩვენთვის არ ჩანს, არა მხსნელი:
 შენ ბორკილი გახრჩობს, მე კი—შავ ფიქრთ ქსელი!
 და გავშორდით. დავრჩი ისევ მარტოდ მარტო.
 თუ რას ვგრძნობდი მაშინ, ძალმიძს განგიმარტო?
 ჯოჯობეთათ იქცა ჩემთვის ეს ქვეყანა,
 მწარეთ დავიკვნესე: ღირს სიცოცხლე განა?!
 ამ ღროს შენ შემომხვდი, გრძნობით მომეც ხელი,
 ყურში ჩამჩურჩულე: „გვიხმობს ბრძოლის ველი ...
 იქ ვიპოვით იმას, რასაც ეძებს სული:
 იქ ჰყვავის ხსნის ვარდი, შვების გაზაფხული!“
 და მეც გამოვცოცხლდი, ვიგრძენ სულის ძალა,
 რწმენის ყვავილები გულში გაიშალა.
 და მას აქეთ ერთად დავალთ ყოფნის გზაზე,
 ვიცით: ბრძოლაშია სულის სილამაზე.
 ვერ გვაშინებს ტანჯვა, ვერ გვაშინებს მტერია:
 გვრწამს შემესრავს ოქროს კერპს სიმათლის კვერია.
 და ჩვენც მას ვუგალობთ და ჩვენც მას ვუმღერით;
 ველით იმ ნეტარ წამს, ველით გულის ძგერით!

არიან წამნი

(პოეტს)

1

არიან წამნი, როდესაც გულზე
 შემოგაწვება ბოლმა-ნალველი,
 ფიქრობ აწმყოზე, ფიქრობ წარსულზე...
 და მომავლისგან არაფერს ელი.

მთლად ჩამქრალია იმედის სხივი,
 რწმენის ლამპარი გულში არ ბეუტავს,
 სიცარიელე, ყინულზე ცივი,
 გრძნობას ფრთებს აქრის, სიცოცხლის ხუთავს.

სიკვდილსა ნატრობ, თვალ-წინ გიდგია
 პირ-დაღებული შავი სამარე
 და ასე ფიქრობ: მხოლოდ იგია
 სასო-მიხდილთა მკვიდრი სავანე.

მოწყვეტილი ხარ მთელად მსოფლიოს,
 შენს გარეშემო ვერაფერს ხედავ,
 ზეშთაგონება თუნდაც გეწვიოს,
 ჩანგის აღებას მაინც ვერ ბედავ.

კრემლში იხრჩობი, კრემლში ერთაგათ,
 დაუშრეტელი ცეცხლი გედება,
 ველარაფერს ქმნი, ზიხარ უძრავათ, —
 შენში მკვდარია შემოქმედება.

2

არიან წამნი: იქვით პურობილი,
 ორათ იყოფა შენი ბუნება;
 ერთი იმედით არის მკობილი,
 მეორეს სევდა ესალბუნება.

გრწამს და აღარც გრწამს, გიყვარს და თან გძულს,
 ვერც წინ მიდიხარ და ველარც უკან,



ამ წამს რომ ერთ ფიქრს გადაუშლი გულს,
იმ წამს მეორეს მიჰყვები უკან.

რა ქნა, — არ იცი, თვალთ გაკრავს ბინდი,
დგახარ უძრავათ ჯვარედინ ვზაზე,
მუდამ იცვლები, როგორც ამინდი,
ველარ დამდგარხარ ერთ გულის თქმაზე.

სიცოცხლეც გინდა, სიკვდილსაც ნატრობ,
ხან ცრემლათ დნები, ხან ფრთა გესხმება,
ერთით რასაც ქმნი, მეორით ამხოზ, —
სულს ლაფავს შენში შემოქმედება.

3

არიან წამნი: იმედი ფრთებს შლის,
შორს იფანტება სევდა-ნალველი,
გულში იღვიძებს სურვილი წინ-სვლის,
გრწამს მომავალი, მისგან ხსნას ელი.

ძღვევა-მოსილი რომ იყო, გინდა,
არ უშინდები ხუნდებს და საკანს,
თვალ-წინ გიდგია მიზანი წმინდა,
თავს მსხვერპლათ სწირავ სანატრელ საგანს.

აზროვნობ, ფიქრობ, გრძნობითა იწვი,
სიცარიელე სულს ვერ გიხუთავს,
სიცოცხლით სავსეს, ვერ გიპყრობს იჭვი
და ეღარები უძლეველს, უკვდავს.

შესტრფი მსოფლიოს, გიყვარს ბუნება,
აყვავებული, ტურფა, ნარნარი,
მადლითა გავსებს ზეშთაგონება,
ხელში გიპყრია წკრიალა ქნარი.

გულთამხილაობ, საიდუმლო ხმა
გესმის უტყუერათ ყოველთა არსთა,
თვით ზეცას სწვდება შენი გულის თქმა,
ბრძენი ხარ, ბრძენი, მფლობელი აზრთა.

ჰქმნი ახალ სიტყვას, ჰქმნი ახალ ჰანგსა,
თავისუფალ აზრს სთესავ შენს ერში,
გულიდან აკლი მოდებულ ჟანგსა, —
შემოკმედების ცეცხლი სდულს შენში.

ფ ე რ ი ა

(ლეგენდა. თავისუფალი თარგმანი მ. გორკიდან)

დაბურულ ტყეში, მდინარის პირათ,
იდგა ფერია ცისფერ-თვალემა
და ბანაობდა ზვირთებში ხშირათ,
დღის სიხალისე, ღამის ზმანება.

ერთხელ გადასცდა იგი სიფრთხილეს,
თევზებთან ერთად ბადეში მოჰყვა,
მეთევზეებმა ეს რა იხილეს,
შეკრთენ, — შიშისგან დაიწყეს როკვა.

ხოლო მარკო კი აივსო ტრფობით,
მივარდა, მაგრათ ჩაიკრა გულში,
ამოუკოცნა თვალემა გრძნობით,
დადნა, დაიწვა მის სიყვარულში.

და ისიც, როგორც მოქნილი წნელი,
იგრიხებოდა მის მძლავრ მკლავებში,
ყელზე მოექდო მარჯვენა ხელი
და შესცქეროდა ცეცხლ მფრქვევ თვალემაში.

მაგრამ საღამომ რა მოატანა,
გაჰქრა ფერია, ნაზი, ცქრილა,
მან მარკოს სულიც თან წაიტანა
და გულში ცეცხლი აუპრილა.

და დიდხანს მარკო, ბოღმა ნაზარდი,
დუნაიას პირს მიმოდოდა,
„სად არის ჩემი სიცოცხლის ვარდი?“ —
ჰკითხულობდა და ცრემლი სდიოდა.

მაგრამ ტალღები, ბროლი, ანკარა,
 სიცილ-კისკისით წყნარათ გალობდენ:
 „სად არის იგი, არ ვიცი, არა“,
 და ცეკვა-თამაშს კვლავ განაგრძობდენ.

— „სტყუით! — შესძახა უკანასკნელათ, —
 „თვით თქვენ აღერსობთ იმასთან ალბათ!“
 და შიგ გადღეშვა ქაბუკი ხელათ,
 უღმობელ ტალღებს შეერთო ხარბათ.

ფერია ახლაც ბროლის ზვირთებში,
 როგორც მარკომდე, ისე ბანაობს
 და, ქაფათ ქცეულ ტალღათ რითმებში.
 მზის სხივებს იჭერს და დაქანაობს.

მარკო არსად ჩანს, მაგრამ იმაზე
 სიმღერა მაინც დარჩა ლამაზი
 და დადის იგი მთელ ქვეყანაზე,
 ვით სიყვარული — გრძნობის მალხაზი.

თქვენ კი, მლიღებო, შავ მიწის მკერდზე
 იცხოვრებთ ისე გონებით ბრმანი,
 არცა ზღაპარსა იტყვიან თქვენზე,
 არც იმღერებენ მუზათა ძმანი!

მიყვარს დილა

მიყვარს დილა, გაბადრული
 მზე ლაქვარდში როცა ბრწყინავს,
 მორაკრაკებს ნაკადული,
 სიო ფრთებს შლის, ლაღათ ჰფრინავს,
 ტყე შრიალებს, ძალზე გრილა...

მიყვარს დილა! მიყვარს დილა!
 მიყვარს დილა, როს იშლება
 კორდზე — ია, ბაღში — ვარდი,

ბუჩქს ჰეპელა თავს ევლება,
 ნამს აპკურებს ცა ლაევარდი,
 მდელი მწვანით შემოსილა...

მიყვარს დილა! მიყვარს დილა!
 მიყვარს დილა, ღმერთი შვების
 როს ტახტზე ზის, ხარობს სული,
 შორს მიმაფრენს ფრთა ოცნების,
 გვირგვინს მადგამს სიყვარული,
 სევდა გულში ამოშლილა
 მიყვარს დილა! მიყვარს დილა!

მეც ვნახე ზეცა

მეც ვნახე ზეცა, თალათ შეკრული,
 სადაც მზე, მთვარე, ვარსკვლავთ კრებული
 ბრწყინავს, ციმციმებს, სხივს იქერს სხივი,
 მაგრამ იმისი სიტურდვე სრული,
 თვალის მომქრელი, ვით ბროლის მძივი,
 გულს ვერ იზიდავს: ცივია, ცივი!

სადაც არაა წინსვლისთვის ბრძოლა,
 არც აზროვნება, არც ფიქრთა სრბოლა,
 არც კენესა ისმის, არცა სიმღერა,
 არც იმედია, არც შიში-ძრწოლა,
 თითქო ჩამქრალა სიცოცხლის კერა:
 იქ სული საზრდოს ვერ ჰპოვებს, ვერა!

ღე, მოკლილებმა უცქირონ ზეცას!..
 მე კი ვუმღერებ კვლავ მიწის სევდას,
 ვუმღერებ, ვიდრე ყველა დაჩაგრულს:
 დიდსა, პატარას, მამას, თუ დედას...
 ყველას, ვინც აფრქვევს ცრემლთა ნაკადულს,
 ბრძოლის ცეცხლითა არ აუნთებ გალს.

სახსრჩობელასთან

1

დიდ ქალაქსა თავს დაჰყურებს თეთრი ღამე.
 ცა ლურჯია, სარკესავით მოკამკამე;
 გაშლილ მკერდზე ვარსკვლავები აბნევია,
 თითქო მზეს ზედ ოქროს ვარდი დაბნევია.
 ვერცხლის თმიანს მთვარეს ნახათ ეცინება,
 ნიაფი სთვლემს... დარბაზებსაც ეძინება.

2

ჩუი ბორკილმა დაიღღერა, ქუჩა შეკრთა,
 მოდის მსხვერპლი, ხალხის შეილი, დედის ერთა,
 მოდის... და მის მოლოდინში ბოძი ტოკავს
 და სიკვდილი სიხარულით ფრთებს შლის, როკავს...
 ბოროტებაჲ! ყოფნის ყვავილს შხამს რომ ანთხევ,
 რის მიცემაც თვით არ ძაღვიძს, რისთვის ართმევ?!

3

ეჰ, ლანდებო! რათ დაძრწიხართ ამ ღამეში?
 ვერ გასძელით ცივ, ნესტიან სამარეში?
 თუ გსურთ ნახოთ თქვენი მოძმე როგორ კვდება?
 ან და—ყელზე თოკი როგორ მოუხდება?
 ან ეგება საფლავიდან მისთვის მოლით,
 რომ ჩაქოლოთ მოძმის მკვლელი ქვით და ლოდით?

4

მაგრამ არა, დღეს თქვენ არ ხართ საშიშარი:
 ცოცხლებს აფრთხოვს მხოლოდ ცოცხლის რისხვა-ზარი;
 და იგი რომ დაადუმონ, ვით საფლავი,—
 აქ დაუდგამთ, აუმართავთ ბოძი შავი;
 და როდესაც ზედ ზვარაკი დაიკვნესებს,
 ჰგონიათ მით ამავრებენ უხეშ წესებს!

მეც მყავს სატრფო გულის

მეც მყავს სატრფო გულის,
 ღმერთი, სალოცავი,
 თუმც მთინებს ბევრი:
 „შავიანო, შავი“;

მაგრამ მე არ მესმის
 მათი კრიმინტული,—
 ჩემთვის რაფაელის
 ნახატია სრული:

წერწეტი, ვით ალვა,
 ბადრი, როგორც მთვარე,
 ნაზი, როგორც ია,
 კორდზე მონარნარე!..

ვუყვარვარ და მიყვარს,
 როგორც ბულბულს ვარდი,
 ფუტკარს—მინდორ-ველი,
 არწივს—ცის ლაქვარდი!..

მას აქეთ, რაც იმან
 გრძნობით მომცა ხელი
 და პირველი კაცნის
 ხმა გაისმა, მწველი,—

ამეხილა თვალი,
 ცა და მიწა ვცანი
 და შევიგნე ნათლათ
 კაცთა გულის თქმანი;

ბალახ-ყვავილეების
 შევისწავლე ენა
 და მუზთ სამყაროში
 მეც დავიწყე ფრენა!

1912 წ.

ჰერკულესი

შრომის ქურასთან სდგას ჰერკულესი,
 შუბლით ოფლი სდის ჟანგში ნალესი,
 შავ ძალებს ხედავს
 და მახვილს სჭედავს,
 რომ სამფლობელო პლუტონის დასცეს,
 მით ბოროტებას მახვილი ჩასცეს.

თვით ლაბირინტიც ვერ აშინებს მას:
 ძაფი ხელთა აქვს, მით გაიკვლევს გზას
 და იქ, ოლიმპზე,
 სადაც ბრწყინავს მზე,
 ავა თამამათ ძლევა-მოსილი,
 გვერდს მოუჯდება ღმერთთ, მიწის შეილი.

თქვენ, ჰე, ღმერთებო! რისთვის შეძრწუნდით?
 რათ ისვრით მებთა ოლიმპის ზღუდით?
 არ გინდათ განა
 მიწის „სატანა“
 ფეხით შეეხოს იმ წმინდა ბჭეთა,
 სადაც განცხრომით ატარებთ დღეთა?!

ამაოთ ღრტვინავთ, ამაოთ სწყურებით,
 ის უკვე მოჰქრის არწივის ფრთებით.
 არ იცის შიში,
 არც კვნესა-ვიში,
 განსაცდელის წინ არ იხრის ქედსა:
 თვითონვე სჭედავს თავისვე ბედსა!

1914 წ.

მკვდრების სიცილი



1

ცივ საფლავებში უძრავათ ვწევართ,
ჩვენს მყუდროებას ვერა-რა არღვევს,
ხან მზე დაგვნათის, ხან ზადრი მთვარე,
ხან ბნელი ღამე შავ ზეწარს გვახვევს,
ხან თავს გვევლება თეთრი პეპელა,
ხან გულ-ღვიძლს გიღრღნის გველი სისინით,
მაგრამ ყველა ეს ჩვენთვის ერთია...
მხოლოდ ვიციინით, მხოლოდ ვიციინით!

2

სასაფლაოსთვის სულ ერთი არის
დიდი, პატარა, სულელი, ბრძენი...
ვიციით, რომ ბოლოს ყველა აქ მოვა
და ამხანაგი გახდება ჩვენი.
და როცა ვინმე ღიღებს ეძებს,
ვერ ძლება ფულით, ვერ ძლება ჩინით,
უნდა რომ გახდეს ქვეყნის მპყრობელი...
ჩვენ კი ვიციინით, მხოლოდ ვიციინით!

3

ხშირათ, როდესაც ჩამავალი მზე
უკანასკნელ სხივთ მიმოგვეფენს გულზე,—
აქ ფიცსა სდებენ შეყვარებულნი
სამარადისო ტკბილ სიყვარულზე.
ხვალ რა იქნება,—არ კითხულობენ,
მიდი-მოდიან ლაღათ ღიღინით,
ჩვენ კი ყურს ვუგდებთ სულ-განაბულნი...
მხოლოდ ვიციინით, მხოლოდ ვიციინით!

4

მხოლოდ ჩვენ ვიციით, რომ სასაფლაო
სიკვდილ-სიციოცხლის კერაა, კერა,

მაგრამ ცოცხლებმა ეს არ იციან,
 ვერც ვაიგებენ კარგა ხანს, ვერა.
 და როცა ვინმე დიდი სწავლული,
 გატაცებული კვლევისა თინით,
 სხვაგან დაეძებს ამ კითხვის ახსნას...
 ჩვენ კი ვიციანთ, მხოლოდ ვიციანთ!

1912 წ.

მუსიკის ძალა

მარტო ვზივარ... ღამე ბნელი შემომცქერის გიშრის თვალით
 და მეც მსქვალავს საიდუმლო, გამოუცნობ რაღაც ძალით.
 ჩემს გარშემო ყოველი სდუმს, არ ინძრევა ბუჩქ-მცენარე,
 მხოლოდ ღრუბელთ ნაგლეჯებში დასრიალებს ბადრი მთვარე.
 სულს მიხუთავს, არ მაყენებს ღამის მსგავსი შავი ფიქრი:
 ხან წარსულში გადამაფრენს, ხანაც მომავლისკენ მივქრი;
 მაგრამ ვერსად ვერ ისვენებს დაკოდილი ჩემი სული, —
 როგორც ლანდი, თან დამყვება განუყრელათ სევდა, კრული!

გადის წამი

ორი, სამი...

ფიქრი ფრთებს ჰკეცს...

მიჰქრის ეამი...

და მომესმის მუსიკის ხმა, ხმა ნარნარი, ხმა გრძნეული,
 მასთან ერთად ცათ მიფრინავ, მის ჰანგებში ჩახვეული.
 მაგიწყდება წუთით ტანჯვა, მაგიწყდება გასაჭირი,
 გრძნობის ღმერთად გადაქცეულს, მგონია ვარ გმირთაგმირი.
 მზათ ვარ მარტო შევებრძოლო ცა და ქვეყნის ბოროტ ძალებს,
 სოფელს მუხრუქს რომ უჭირებს, აკვნესებს და ავალალებს...
 ახ, მუსიკავ! ნუ შეწყდება, აფერადე ჰანგით ჰანგი,
 ევებ დასწვას შენმა ცეცხლმა მოდებული გულზე თანგი!

ოცნების ფერხას

ჩემო კარგო! ხელს რომ მიქნევ, სად გინდა რომ წამიყვანო
 გსურს კვარცხლბეკზე ბუნებისა ამაფრინო, ამიყვანო?

ჰა, მოვდივარ, მომეც ხელი,
 გადავლახოთ მთა და ველი...

ვიშ, ბუნების სარბიელი
 რა დიდია და რა ვრცელი!

სინახეს და სილამაზეს აქ დაუდგამს ტახტი თვისი,
 ყველაფერი კეკლუცია, ერთმანეთთან შენათვისი:

მთა მთას მისდევს, გორა—გორას,
 ქალას—ქალა, ველსა—ველი...

ახ, ამ ბუჩქებს, თავ-ქოჩორას,
 როგორ არხევს სიო ნელი!

ვიშ, ნაკადიცი ვით მოშხუის, კლდიდან კლდეზე მოხტის ცქვიტათ,
 თვალებიდან ნაპერწკლები სცვივა აღმას-მარგალიტათ!

ყვავილთ ქრელი თაიგული
 აქ კორდს ხატავს, იქ ბორცვს ამკობს,
 მანანით გულ-დანამული,

სტუმრათ მოსულ ფუტკარს ატკობს!

აგერ ტყესაც, ტევრათ ასულს, რა რიგ შეენის მწვანე კაბა!...

ჩუ! ფოთლებში იაღონიცი აკვნესდა და... გაინაბა!

ეს რა არის ყელ-მოღერით
 რომ გადმოდგა აგერ სერზე,
 ტოტებს ამტვრევს რქების წვერით,
 რომ აყრია ჯღებათ მხრებზე?!

ახ, არწივიცი იქ, ღრუბლებში, ვით ნავარდობს ფრთებ-გაშლილი,
 მწვერვალებს თავს დასტრიალებს, ამაყ მთების ლალი შვილი!..

ამ ბუნების დიად მადლით
 ვინ არ დასტკბეს, ეზიაროს?
 გულ-დახრული ტანჯვის მატლით,
 კაეშანს აქ გაეყაროს!

ჩემო კარგო! ძნელი არის ქვეყნათ ჰოვნა უკეთესის...
 მაგრამ არის სხვა ადგილი, სადაც სული მუდამ კვნესის

მას ცხოვრება ეწოდება,
 მკაცრია და უღმობელი:
 მის მახეში ვინც მოხვდება, —
 ნელ-ნელა ღრღნის სევდის გველი!

მე იქ ვიწვი, გავიზარდე, ამეხილა ხედვათ თვალი,
 იქვე მინდა დავრჩე მარად, რომ გავქედოთ მომავალი!
 და როდესაც, ვით ბუნება,
 ვადაშლილი ათასგვარათ,
 ისიც ტურფა შეიქნება,
 აღამიშვილთ გასახარათ, —

ნაზ ბუნების სილამაზით სული მაშინ ვაიხარებს,
 მის წიაღში ტახტს დაიდგამს, მასთან ერთად ინეტარებს.
 მართალია, ახლაც სტკბება
 განცდის ცეცხლით ანაგზნები,
 მაგრამ რაა წუთის შეება,
 როს წლით წლამდე ცრემლათ ღნები?

1913 წ.

ს ა ლ ე ბ ა

გარეშემო ბნელოდა,
 სული მზეს ელოდა,
 ხან მწარეთ გმინავდა,
 ხან რწმენით მღეროდა.

ცისკარი აღმოხდა.
 შევძახე: რა მოხდა?
 მახარა: „მზე მოდის,
 ბნელს სული ამოხდა!“

გულს მოხვდა სიამე.
 დავკრიფე ია მე
 და უცხო სურნელით
 დავსტკბი და ვიამე.

ვთქვი: თვალით არ ნახულს,
 ოცნებით დანახულს,
 დიდება, სალამი,
 ფრთა ღამაზ გაზაფხულს!

1917წ.

მთაწმინდის ქარი შემოდგომაზე



მთაწმინდის ქარი, ცივი და მწყრალი,
 დამრწის თფილისის ვიწრო ქუჩებზე,
 ისე კაბასობს, ვით ანჩხლი ქალი,
 და ეხეთქება ფანჯრის შუშებზე.

ბევრს შეაყინა კენესა ტუჩებზე,
 ბევრი გათოშა და გაალურჯა,
 ბევრი მიაკლა ვერის ბურჯებზე,
 ააცახცახა და დაამუნჯა...

და წინ მიჰფრინავს, ვით ცხენი ლურჯა,
 ნაძალადევზე უქირავს თვალი,
 და, აჰა, აგერ ისიც დალურჯა,
 გარს შემოარტყა ქოხმახებს რკალი;

და, როგორც გიეი უცბათ დამურთხალი,
 კვლავ უკუიქცა... გადიხარხარა,
 მძლავრათ მოაფლო ქუჩებს ფრთა, მალი,
 მთელი ქაოაქი მტვერით დაფარა;

და წუთს მიყუჩდა, ფრთები დასარა
 და მიესვენა მთაწმინდას მკერდზე,
 ბრძოლის ფარ-ხმალი იქვე დაყარა,
 თითქოს დაფიქრდა მსოფლიოს ბედზე.

უპასუხო კითხვები

ხშირათ, როცა სხივთ ჩანჩქერი ოქროს ტალღათ გაიშალა
 ნიავე ტყეს შეატოკებს, ფრინველთ ჯარი აიშლება,
 ფოთოლთ ყურზე ციმციმს იწყებს დილის ნამი მოციხლე,
 ცას მერცხალი ზევსურს ეტყვის, ლურჯ ეთერში მოსრიალე
 მე დავდივარ მარტო-მარტო, მყუდროებას არვინ მიბრლევს, —
 ფიქრთა ღმერთი ზონარს დასწევს, სარკმელიდან ხელსა მიკენეს.

და, ვით კენჭი განასროლი, მეც ფიქრთ ზღვაში ვიძირები,
ჩენი ყოფნის რვეულს ვფურცლავ და დიდხანს შიგ ვიციკირები.
ათასგვარი საკითხები წინ მიდგება აუხსნელი:
ვინ ვართ? რა ვართ? სიდან მოვალთ? სად მიგვიძღვის შარა
გრძელი?

ან სიცოცხლეს რა ჰქმნის? რა შლის? სად ანთია მისი კერა?
ან რა არის თვით ცხოვრება? ან ტანჯვა ვინ გამოკვერა?..
აკი. კაცმა ბუნებისა საიდუმლო მთლად განსჯერიტა:
ცის კამარა გაარღვია, ზღვა გასცურა, მთა გახვრიტა?
თავის თავი რათ ვერ იცნო? რათ ვერ ახსნა თვისი არსი?
ტანჯვა რატომ ვერ შემუსრა? რათ ვერ შესვა შვეების თასი?
გკითხულობ და პასუხს ვუცდი, გკითხულობ და პასუხს ველი,
მაგრამ ნაცვლათ პასუხისა: ძირს ეშვება ფარდა ბნელი!

1916 წ.

მოციქული

მე აქ მოვედი მოქადაგებლათ სიყვარულისა,
თან მოვიტანე მოგუზგუზე სული და გული,
ჩამოვარ სიმებს, ვსთქვი სიმღერა არვისგან თქმული,
და კვლავ მედივარ, არ-რა მიმაქვს გარდა წყლულისა.

მაგრამ ის ცეცხლი, რომ ავანთე, სულ იპრიადებს,
ბევრ გულს აანთებს, ბევრ გულს დასწვავს დაუშრეტელი,
ვერ ვადურჩება თვით მტრიცი შორით მჭრეტელი:
ვისაც მისწვდება, ყველას გულში იფეთქ-იადებს!

და მე კი, თუმცა თან მიმყვება გული დაქრილი,
ჩანგი მდუმარე, სიმ-აცლილი, წკირა-გაბრილი,
მიინც არ ვწყველი, არ ვემდური ჩემს ბედის წვრას.

ვაი მას, ვინაც ვერ აანთებს მიფერფლილ კერას,
ვინც ვერ მიწვდება ბაუხის გულის იღუმალ ძგვრას
და ვერ შეუწყობს მის ტკივილებს თვის ჩანგ სიმღერას!

1916 წ.

მზე იცინოდა, ხარობდა ველი,
 არ ისვენებდა ნიავე წამით,
 ბაღჩაში ვარდი, ბულბულის მწველი,
 წითელ ლაწვეებსა იბანდა ნამით...

მოქარგულ კორდზე ტურფა ასული
 იასა ჰკრეფდა, თაიგულს ჰკრავდა,
 მას კი ვერ გრძნობდა, აღვათ ასული,
 რომ სილამაზე შვენებას ჰკლავდა!

მზესუმხირა

(ს. აბაშელს)

1

ჰა ყვავილი, მზის მიჯნური, ტრფიალი,
 რომ იტაცებს სხივთა ელვა-ციალი.
 ზის ბაღჩაში თავ-დახრილი, პატარა,
 ქარვის ლაწვეს ბანს დილის ნამი ანკარა.
 მზეს შეჰყურებს, ვერ აშორებს წუთით თვალს
 და აღიდებს შემოქმედსა ძალთა ძალს.
 ის მზით სკოცხლობს... მისი ეშხით მთვრალია:
 ვერ გრძნობს—წუთი შვების წარმავალია.
 მაგრამ როცა გამეფთება გარს ბნელი,
 მასაც იპყრობს მოწყენა და ნალველი.
 ლოცვათ დგება, მზესა უბნობს სხივ-გაშლილს
 და დაეძებს ცის ტატნობზე მის აჩრდილს.

2

შენც, მგოსანო, მზესუმხირას გადარე:
 სევდასავით მოწყენილი, მწუხარე
 ზიხარ შენთვის, როს გარს გაკრავს წყველიაღი...
 მზეს ეძახი, გსურს იხილო დიაღი.

და როდესაც დაინახავ სხივოსანს,
 მისკენ მიჰქრი... ჩიტს ეღრები, ჩიტს ფრთოსანს!
 სიხარულით თრთი, ვით ვერხვის ფოთოლი,
 გავიწყდება: მიწის ძე ხარ ობოლი.
 იმის ცეცხლში აფოლადებ სულის სიმს
 და უგალობ მშობელ ერსა ციურ ჰიმნს!

სოფლის სურბათი

სოფელთ გარშემო მაღალი მთები
 სხედან მდუმარე და თეთრი თმები
 მკერდს დაჰფენიათ, ვით შექსპირის გმირს —
 მოხუც მღფე ლირს.
 მზე არ ანათებს. ცა მოღუშულა,
 სქლათ გადაჰკვრია ღრუბლების ქულა,
 და გულზე აყრის დაღვრემილ სოფლებს
 თოვლის თეთრ ფოთლებს.
 როგორც ნადირი დაჰლმუის ქარი,
 ხან ტყეს ეცემა, ხან, ფრთა-მედგარი,
 წახრილ ქოხმახებს თავს დაჰკრიალებს
 და აქრიალებს.
 და ქოხებიცა სტირიან მწარეთ,
 ისმის ქვითინი სახლში, თუ გარეთ,
 მთა ბარს აყრუებს გლოვისა ზარი,
 სჩქეფს ცრემლთა ღვარი.
 რას დასტირიან?—სიცვი-შიმშილს, კრულს,
 რას დასტირიან?—შვილებს დაკარგულს,
 მაგრამ ვის ესმის მათი გოდება!
 ვის ეცოდება!

1914 წ.

ხ ა რ ე ბ ა

აღსდგაო! — ყურში ჩამჩურჩულა სიომ ფრთა-ცქვიტმა
 და გაზაფხულმაც ჩემს კარებზე ჩამოჰკრა ზარი...

ვერ მოვითმინე, აჩქარებით გავაღე კარი
 და შემომცინა იამ, ბუჩქს ქვეშ ყურებ ნაცქვიტმა.

ხა, ხა, ხა, ხა, ხა! — აღტაცებით გაღვიხარხარე

და ტანჯულ მოძმეთ აღსდგა მეთქი ქრისტე ვახარე.

წითელმა დროშამ კარ-მიდამო ააფერადა,

გაისმა ჰიმნი სანეტარო თავისუფლების

და გაიშალა ყვავილები ხალხის უფლების,

ვით თვალ-წარმტაცი კისარტყელა, ათასფერადა.

და მყის შემოკრბენ მის გარშემო მებრძოლთ გუნდები,

ტანჯულ ამირანს რომ აჰყარონ ხელზე ხუნდები.

ძირს ბორკილები! ისმის ყველგან ხმა სანატრელი,

ძირს ბორკილები! ჩვენც შევსძახოთ თამამათ, გზნებით

და წინ გავსწიოთ მომავლისკენ უღრგის ნებით,

ბრძოლის ყიფანით შევარყიოთ ტყე, შთა და ველი.

ღრთა ვისმინოთ თავისუფლათ ჩვენც დედის ნანა...

რაც ვაჩხარუნეთ ბორკილები, არ კმარა განა?!

1917 წ.

მე სიცოცხლე ვაწ

მწუხრს გაუშლია ყორნისა ფრთები...

მღუმარებს მთები...

სდუმს არემარე, ტყე მიწდორ-ველი,

გაშლილი, ვრცელი.

სევდა სულს მპარაკს,

შავ ფიქრთა კარავს

მადგამს და მფარავს!



მე სიცოცხლე ვარ და დუმილი ვით შევიყვარო, —
 სევდათა წყარო?
 მე სიცოცხლე ვარ, მოძრაობის მიყვარს სამყარო,
 ის სანეტარო!

როდესაც მესმის ფოთოლთ შრიალი,
 ნაკადთ ჩხრიალი;
 როს ნიავ-ქარი მიმოქრის ლაღათ
 ველათ და ბაღათ;
 როცა ზღვა ღელავს,
 ელვა ცას სერავს, —
 სულიც ჰფეთქს, ელავს!

მოძრაობაში ჩნდება ცეცხლი დაუშრეტელი, —
 სიცოცხლის მქნელი;
 ისმის მუსიკა მომხიბლავი, დამათრობელი,
 სულის მპყრობელი!

მაშ ფრთა გაშალე, გრიგალო ქარო,
 შესძარ სამყარო,
 ღრუბელი ღრუბელს შეანარცხე,
 ზვირთს — ზვირთი ხეს — ხე,
 ყველა გამახე
 და დამანახე —
 ეს ჩემი სახე!

1914 წ.

ბ ე ს ო

დეე სცივოდეს საბრალო ბესოს,
 დეე გულს სევდის ეკალი ესოს,
 ზამთრის ფერია ამით რას ჰკარგავს?

ის ფართოთ გაშლილ ტყე-მინდორ-ეზოს
თეთრ გრეხილებით ლამაზათ ჰქარგავს.

ხედავთ ობოლ კრემლს აგერ ტყის პირას,
ტოტემ-დამტვრეულ, გამხმარ ხის ძირას,
ამ ბამბის ქულა თოვლზე შეყინულს? —
ეს ბესოს მოსწყდა თვალზე ამ დილას
შეშის ძებნაში ხელ-ფეხ გაყინულს!

ახლა ქოხში ზის, მაგრამ მერე რა?
ძვალ-რბილს ვერ უთბობს ჩამქრალი კერა:
მისთვის ერთია სახლში, თუ გარეთ;
კონკის ძველები ვერ ჰფარავს, ვერა...
ქვითინებს მწარეთ! ქვითინებს მწარეთ!

დეე სცივოდეს საბრალო ბესოს,
დეე გულს სევდის ისარი ესოს,
ზამთრის ფერია ამით რას კარგავს?
ის ფართოთ გაშლილ ტყე-მინდორ-ეზოს
თეთრ გრეხილებით ლამაზათ ჰქარგავს.

...და ეს სიკვდილი არაა განა!?

ფრთებს შლის ოცნება, ფრთებს შლის ფიქრები,
ცას და ქვეყანას ვეფლები თავსა...
სულო! ლტოლვაში ფერფლათ მიჰქრები,
შეუერთდები მსოფლიოს ზღვასა:

შენ ნაწილი ხარ, ნაწილი მთელის,
რომ შეუერთდე მასვე—მიგელის.
ახ, რა რიგ მინდა მე უკვდავება,
ახ, რა რიგ მინდა თვით ვიყო „მთელი“,
ჩემი სურვილი და ჩემი ნება
დარჩეს მარადის შეუხებელი;



მაგრამ წიაღი მეჭურჩულემა,
 რომ ყველაფერი იცვლება, კვდება.
 დედა-ბუნებაჲ! რისთვის ამანთე,
 თუ ჩავქრებოდი, როგორც ლამპარი?
 ან მისწრაფება რათ მომეც ფართე,
 უნაფთსაყუდლო, მიუსაფარი?

სიცოცხლე—მოკლე, სურვილი—დიდი,
 ვაჰმე, ვით გავდო მათ შორის ხიდი!
 „არ მოკვდებიო,—ჩამძახი ტკბილათ,—
 მხოლოდ სხვა სახეთ შეიცვლებიო,
 სადმე მინდორზე ლამაზ ყვავილათ,
 ან მწეანე ბუჩქათ გადიშლებიო
 და დააშვენებ არე-მარესო,
 გულ-მკერდს გადუხსნი მზეს და მთვარესო“...
 მაგრამ ჩემი „მე“ ხომ წაიშლება?
 იცვლება სახე? იცვლება სული?
 და გულის სატრფოც დამავიწყდება —
 ეს ჩემი ტანჯვა და სიხარული?
 დამავიწყდება თვით დედის ნანა?...
 და ეს სიკვდილი არაა განა!?

1918 წ.

მაშ კრულიმც იუოს!

1

ახალი წელი მოდის, მოჰფრინავს,
 მაგრამ ახალი მოაქვს მას რამე?
 სიცოცხლე ტანჯვის ხუნდში კლავ გმინავს!
 ჯერ ისევ ბნელა, ღამეა, ღამე!
 ბოროტი სული ისევ ხარხარებს,
 სიკეთეს სცელავს, ბოროტს ამყარებს!

ნუ თუ არა აქვს ტანჯვას საზღვარი,
 არ მოეღება წამებას ბოლო,
 თავისუფლება არის ზღაპარი,
 და, სულო, მარად უნდა იძრწოლო?!
 მაშ კრულიმც იყოს ახალი წელი,
 თუ კლავ იცოცხლებს შხამებილა გველი!

ჩვენ გვინდა სულ სხვა ახალი წელი,
 მზიურ ქვეყნიდან გამონაშუქი,
 სიყვარულივით უმანკო, წრფელი
 და ჰაერით წმინდა, მსუბუქი, —
 რომ თავისუფლათ მოვითქვათ სული,
 რომ მოგვიშუშდეს იარა-წყლული.

2916 წ.

ზეშთაგონებავ, შენ სად ხარ, სადა?!

ცამ გაიღიმა, ეღვარე შუქი
 მიმოაფინა არემარესა,
 მთას მოსწყდა ნისლი, თეთრი, მსუბუქი,
 ყელს მოეხვია ვარსკლავ-მთვარესა;
 და კორღზე ია, ლურჯ-თვალა, ნაზი,
 გამოინასკვა, გადაიშალა,
 გულზე დაეცა ცვარი მალხაზი,
 ათრთოლდა, იგრძნო სიცოცხლის ძალა.

ზეშთაგონებავ! შენ სად ხარ, სადა?!
 მოდი! ამინთე ცეცხლი ციური:
 მინდა ცხოვრებას გულს ჩაეწვდე ღრმად,
 ვსძლიო წყვედიადი ტიტანიური;

ახალი ცხოვრების ახალი ჰიმნი
 მეფთხზა, ვასმინო კაცობრიობას,
 დავეუმორჩილო მის გრძნობათ სიმნი
 სამარადისოდ მისდამი ტრფობას!

ამონაკუნესი!

ღამე მეფობს წყნარი...
 სდუმს ფოთოლთა ქნარი...
 და პირზადრი მთვარე,
 ვერცხლებრ მოელვარე,
 ყვავილოვან ტყე-ველს,
 სურნელების მფრქვეველს,
 ყელს ეხვევე ტრფობით,
 ჰკოცნის, თვრება გრძნობით.

ხეივანთა ჩრდილში,
 მწვანე ველზე შლილში,
 ჩუმათ, ფეხ-აკრეფით,
 მთელის თავის კრებით,
 ღმერთი მღუმარების,
 მსგავსი მწუხარების,—
 ფერხულს უვლის, როკავს,
 და სიცოცხლეს ჰბორკავს.

და მეც ჩემს ჩუმ ფიქრებს,
 ვით რითმები რითმებს,
 ქვეყნის ოთხსავე კიდით,
 ოცნების გრძელ ხიდით,

უხმოთ, მღუმარებით,
 სავეს მწუხარებით,—
 შორს მივყვები წყნარათ,
 შევების მოსაპარათ.

მაგრამ კითხვებს წყეულს,
 თავზე შემოხვეულს,
 ვერსად გავქცევივარ:
 მის საკანში ვზივარ!
 როდის დავლექწ მის კარს
 და ჩამოვკრავ ხსნის ზარს?
 ახ, მითხარით მალე,
 თორემ შევიშაღე!

ვაჰმე, ამ ჰაობში,
 უგრძნობლობის ობში,
 როგორ გასძლოს სულმა,
 სხივის მონატრულმა?!
 მითხარ, აღამის ძვე,
 მითხარ, შე სამიწვე,
 შენს თავს როდის იცნობ
 და სიმართლეს იძმობ?!
 1517 წ.

ტყის სტუმარი

1

დღეს კვლავ ვესტუმრე ხუჭუქ ნავთა ტყეს,
 მწვანე ფერდობზე მიჯრითა წყობილს...

აქ არა ერთხელ, მის შვენების ტყვეს,
 მოოცნებია, ბედისგან გამობილს;

დავმტკბარვარ გულით, დავმტკბარვარ სულით,
 აღვსილვარ რწმენით და სიყვარულით!

ახლაც ვაფეურებ მათაა ჩაფხუტებს,
 ქოჩორა ბუჩქებს, პიტალო ქიმებს,
 ბროლის ნაკადი გულს რომ იხუტებს,
 ლამაზათ აბამს აღმასის სიმებს;

ფერად რითმებში თხზავს ველურ ჰანგებს,
 მოუსვენარ სულს მით სწვავს, აშმაგებს!

ჰოი, ბუნებავ! ყურს გიგდებ მალვით,
 მსურს შევისწავლო შენი გალობა
 და ჩემს ლექსებში აღვქარგო კრძალვით
 შენი მხიბლავი იღუმალობა;

ქაბუყურ სულის მუღმივი ლელვა,
 გრძნობათ კისკასი და თვალთა ელვა!

2

მახსოვს, ერთხელ აქ, გაშლილ ცაცხვის ძირს,
 ყურსა ვუგდებდით არწივის ყვილს:

მასწი ვხედავდით ჩვენს საკუთარ ჭირს,
 მასში ვისმენდით ჩვენს გულის ტკივილს

და ინთებოდა თანდათან სული,

ბრძოლის ქარცეცხლით გარემოცული.

მაგრამ შავმა დრომ ჩააქრო ალი,

ალი გიზგიზა, ალი პრიალჭ,

და ისევ ცრემლით აივსო თვალი

და სევდის ჩანგმა დაიწკრიალა;

წყვილიაღმა შთანთქა დაბა და ხევი,
 არ სჩანს მნათობი ბნელის დამხვევი!
 ჰოი, არწივო! სადა ხარ ეხლა?
 რატომ არ ისმის შენი გალობა?
 სულს კვლავ სწყურია დუშმანთან შეხლა,
 სულს კვლავ სწყურია ბრძოლით მთერალობა;
 სწყურია კვლავ შორს გაინავარდოს,
 ეწვიოს მხარეს საიავარდოს!

1916 წ.

ჩემი ლოცვა

წითელმა ტალღამ ბობოქარ ზღვისამ
 მეც გამიტაცა, დამიმორჩილა,
 სრულად დამიპყრო გუგუნმა მისამ
 და, ვით მზის შუქი ნისლებში მთისამ,
 ახალ ფიქრებით სული მოჩრდილა.

დღეს მასთან ერთად დავცურავ მეცა,
 არ ვეპუები ზვირთთა მთა-ბორცვებს,
 ველარ მიზიდავს ჩვეულებრ ზეცა,
 გადამავიწყდა მთვარეც და მზეცა, —
 მხოლოდ მისდამი აღვაფლენ ლოცვებს.

წითელო ტალღავ! დიდება შენდა!
 რაკი აგვინთე იმედი ხსნისა,
 თუ მართლა მოდი საშველად ჩვენდა,
 გსურს სიხარულათ გვიქციო სევდა, —
 დე ბარემ დროზე გვადირსე ისა!

ნუ დაგვაჩოქებ უფსკრულის პირათ,
 ამ საშიშ ხრამზე გაგვიდღე ხიდი:
 თავისუფლება გვიღირდა ძვირათ,
 მისთვის სიკდილიც მიგვანდა ლხინათ,
 და მსხვერპლიც მიტომ შევსწირეთ დიდი.

და დღეს, როდესაც ნანატრი წამი
 დადგა, გათენდა დილა მზიანი, —
 არ დაგვიდგება ნეტარი ჟამი?
 დაუსრულებლათ უნდა ვსვათ შხამი?
 ნუ იზამ ამას, თუ ხარ ღეთიანი!

გვაკმარე ტანჯვა, გვაკმარე კვნესა,
 გვარიღე წყვილიადს, გვარიღე ქაოსს,
 ნუ მოგვიბრუნებ კვლავ დუბქირ დღესა,
 შეგვახმატკბილე სიციცხლის მზესა,
 ნათელი ჰფინე გულს, სევდის ნაოსს!

1918 წ.

ტ ბ ა

ტბა ერთ აღგილის უძრავათ სდგას, გაღუხსნია სარკეთ გული
 და შიგ ზეცა იხატება, გუზბათივით თაღ-შეკრული,
 დღისით მზით და ღამით მთავარე-ვარსკვლავებით მოქარგული,
 ხან ლაფვარდი, ხან-კი ლეგა სქელ ღრუბლებით დათალბული.

მის ნაპირებს მრავალგვარი ხე, ყვავილი, ბუჩქი ჰქარგავს,
 ზოგი ტბისკენ გადაბრია, ზოგი მწვერვალს ცაში ჰქარგავს,
 ზოგი განზე გახნექლა, ტოტი ტოტში გაუბლართავს,
 ზოგი ფართოთ გადაშლილა, ზოგს ბუჩქები შეუხლართავს ..
 საერთოთ-კი ყველა თითოთ ტბის სარკეში იქვრიტება,
 თითქო უნდა თვალი მოჰკრას — მწვანე კაბა ვით უხდება.

მითხარ, ძეწნავ, ყელ-ზურმუხტო, ამ ტბას გულში რომ
 ჩასცქერი,

ხომ არ გინდა დაინახო — როგორი გაქვს სახე, ფერი,
 კოკებამდე ჩამოშლილი თმა, ხუჭუჭი, შვენიერი,
 ნიავი რომ ბურბუნის, არხევს, მთის მწვერვალით მონაბერი?
 თუ ამისმა სიკამკამემ მოგხიზლა და დაგატყვევა
 და ტრფობის ცეცხლ მოდებულსა გინდა ყელზე შემოხვევა?..

ან შენ, იავ, ლურჯო იავ, გაზაფხულის ნაზო შეიღო, თავ-ქოჩორა ბუჩქის ძირში საოცნებოთ გამოსკვნილო, რას დაეძებ ამ ტბის გულში? ნუ თუ შენც ეს შეგიყვარდა და გსურს მარად რომ უცქირო, სხვა არაა გრწამს ამის გარდა?!

ან შენ, ფშალავ, ამ აღვის ხეს რომ ჩაპკერიხარ, მოხვევიხარ, თავი ტბისკენ დაგიხრია, რა გიზიდავს, ერთი მითხარ? ნუთუ ამან მაგ ნორჩ გულში შენც აგინთო ტრფობის აღი და, აწმყოთი დაბრმავებულს, დაგავიწყდა მომავალი?!

ეხ, უგნურნო! მერე იცით, თუ რა არის ეგ ტბა, კრული? ხავსი რატომ მოდებია? ან რათ არის დაგუბული?—

აბა კარგათ დაუკვირდით, გაუსინჯეთ ფსკერი ბნელი: ეს რა არის რომ მოსკურავს, ზურგ-შავი და გულ-მკერდ ქრელი? ან ის, ეგერ ხავსზე რომ წევს, ფერათ მწვანე, მუცელ-სქელი? ან ეს, აგერ რომ ყიყინებს, გააყრუა ტყე და ველი?—

ტრფობის ღირსი ნაკადია, აგერ მთიდან ქვიდან ქვაზე რომ მოხტუნავს, მოკისკასებს, მზისა სხივებს იჭერს ცაზე, მარგალიტებს ესერის ბუჩქებს, შენების გვირგვინს აღვამს თავზე, და რაკრაკით ტკბილ სიმღერას მოიმღერის მომავალზე!

1912 წ.

ორი სურბათი

1

განთიადია. აღმსავლეთი ვარდის ღიღებით იბნევს ფირუზ გულს და ფართოთ გაშლილ მწვანე მთა-ბარის საჩუქრათ კონავს სხივთა თაიგულს.

შუქ-მფენი მთვარე ჯერ კვლავ ტახტზე ზის, არ დაუშვია ღროშა-ალამი და ემზადება, რომ სინათლის ღმერთს თავი დაუკრას, მისცეს სალამი.

ზღვას წყნარათ სძინავს, მისი ტალღები
 აღარ კოცნიან კიდე-ნაპირებს,
 მაგრამ ხანდახან კი იზმოვრება,
 გამოლევინებს ალბათ აპირებს.

მე თვალ-უწევდენელ მაღალ მწვერვალზე
 ვდგავარ, დავყურებ სამშობლო მხარეს
 და ალტაცებით ვეტრფიილები
 წალკოტათ ქცეულს მის არემარეს.

მზათ ვარ შევსძახო: ჩემო სამშობლოვ,
 მშვენიერი ხარ უცხოთ შემკული,
 დედა-ბუნებას შენთვის უძღვნია,
 რაც თვით ებადა ნაზ-დიდებული!

მაგრამ უეცრათ მომესმის ამ დროს
 კვნესა, ვაება, გულისა მწყლელი,
 და ვამბობ: „რაა იგი სინათლე,
 რასაც თან ახლავს უკუნი ბნელი?!

2

ტურფა დილაა. ლაქვარდ სივრცეში
 მზე მოაცურებს თვის ოქროს ნაფსა
 და ია-ვარდით მოქარგულ მთა-ბარს
 სხივების ჯილას ახურავს თავსა.

მთას სწყდება ნისლი მსუბუქ-ფრთიანი,
 ღრუბელთა ნაგლეჯს ეხვევა ყელზე
 და მათი ლანდი, მათებრ მოძრავი,
 ძირს იხატება, ზურმუხტის ველზე.

ზღვა ძალზე ღელავს, გიჟი ტალღები
 კიდე ნაპირებს მაგრათ ჰკოცნიან
 და ბუჩქ-ბალახებს, ჯგუფათ წყობილებს,
 მარგალიტ მხეფებს შორით სტყორცნიან.

მე კვლავ მწვერვალზე ვდგავარ მარტოკა,
 დავყურებ ტანჯულ სამშობლო მხარეს

და, გულ-მოკლული, კრემლებითა ვრწყავ
 გაედემებულს მის არე-მარეს.

მზათ ვარ შევეყვირო: ტკბილო სამშობლოვ,
 უბედური ხარ, წელში მოხრილი,
 შავ-ბნელ ჯოჯობეთს შენთვის უძღვია:
 შხამი, სამსალა, ხუნდი, ბორკილი!

მაგრამ უეცრად მომესმის ამ დროს
 ბრძოლის ყიყინი მხნე და ძლიერი
 და მეც შევსძახი: სამშობლოვ! მხოლოდ
 ახლა ხარ ტურფა და ბედნიერი!

1912 წ.

გამოუჭედოთ ჩვენი ბედი.

ლურჯ ეთერში მოელვარე ამოგორდა ბურთი ცეცხლის,
 მკერდ-მოკარგულ მინდორ-ველსა მოციმციმე სხივნი სტყორცნა,
 ყვავილებზე მობნეული ააოთქლა ნამი ვერცხლის
 და ბუჩქ-ბალახს ყელს მოექცო, როგორც სატრფო, გადაკოცნა.

ზეცამ მიწას გაუცინა, მიწა ზეცას მიესალმა,
 გაზაფხულის უცხო ჰიმნი შორს გაისმა სანეტარო,
 გული დასწვა, აატოკა განახლების გრძნობის აღმა
 და სამოთხეთ მომეჩვენა ტანჯვის ბუდე ეს სამყარო.

მზათ ვიყავი დამეძახა: გაიხარებს ტანჯვის შვილი!
 მაგრამ უცბათ დემონისა მე ხარხარი შესმა ლაღი
 და მყის დასტკნა, ჩამოსცვივდა შვეების ვარდი ახლათ შლილი
 და აყვავდა სულის მღრღნელი კაეშნის და სევდის ბაღი.

მაგრამ თანვე ოცნებისა ფერია მსწრაფლ მომეგლინა,
 მომავლისკენ გამიტაცა, დამანახვა აღთქმის მხარე,
 სადაც შრომის მეუფებას ნათელ-შუქი მოეფინა
 და მოსჩქეფდა შვეების წყარო, საამურათ მოჩანჩქარე.

და აყვავდა კვლავ იმედი, სევდის ბალი მთლიად დაჩრდილა,
და ხმა-მაღლა შემოვისძახე, რასაც გულში ფიქრით ვსწვდით:
ტანჯვის შვილნო! მომავალში კანკაშ-ბრწყინავს ჩვენი დილა,
და ჩვენც მისკენ გავეშუროთ: გამოვქედოთ ჩვენი ბედი!

1914 წ.

შენს მოლოდინში

შენს მოლოდინში დაიფერფლა სული გზნებული,
განთიადის ეამს, ცის კიდურმა როს ისხვაფერა,
მხრებზე პორფირი, ვარდის წყალში ამოვლებული,
რომ წამოისხა და ღრუბლები მითი დაფერა,
ლურჯ კამარაში ბამბის ქულათ დაკიდებული.

და ახლა იმ ფერფლს ანიაგებს სასტიკი ქარი...
ჩამოსწყდა ჩანგურს აღ-დაკრული სიმი იმედის
და ნაღვლით სავსე, როგორც სევდა და გლოვის ზარი,
თუმცა კვლავ ვმღერო, მაგრამ მწარეთ, მსგავსათ იმ გედის,
მტრისგან ნასროლი რომ ურქვია მკერდში ისარი!

1916 წ.

შენ ჩემთან მოდი

შენ ჩემთან მოდი გაზაფხულის სისხამ დილაზე,
მაგ შავ თვალეებში ჩამახედე და მიიმაღე,
იპე ანაზღათ, რომ ვერ მოგწვდა თვალთა სიმაღე
და ავქვითინდი, დამხობილი ჩანგის წკირაზე-
რათ დამანატრე, ჩემო კარგო, შენი სინაზე?
მოდი! გეძახის ჩემი სული, მოდი! იმაღე!
ნუთუ არ კმარა, სულის ღმერთავ, რაც რომ იმაღე?!
ახ, ერთხელ კიდევ მოცქრიალდი, როგორც წინაზე!
კვლავ ჩამახედე მაგ უძირო, ღრმა მელნის ტბაში,

ერთგულ გუშაგათ რომ უდგია ინდოთა ჯარი:
 მინდა ვახტუნო მის სივრცეში ოცნების რაში,
 მინდა მეც მქონდეს მის ბოლაჯში ნავთსაყუდარი.
 რა ვქნა! თალხებით შეიმოსა სული უშენოთ:
 თუ არ მომესწარ, მკვდარ გულს უნდა კუბო ვუშენო!
 1918 წ.

მშვიდობით წადი

მშვიდობით წადი, ჩემო კარგო, მშვიდობით წადი,
 ია და ვარდი აშვენებდეს შენს გზა და სავალს...
 არ დაგივიწყებ, მეწამები ისე, ვით მრწამდი,
 მოკითხვას ხშირათ დავაბარებ ფიქრს შენსკენ მავალს.
 ვგრძნობ, რომ ჩვენს შორის არ გქონია შენ ჯერ აღდილი;
 აქ ბრბოს საჯიჯგნათ და სათრეველათ ანკი რა გინდა?..
 ახ, მოგვიტევე, რომ მოგხადეთ თავზე მანდილი,
 უწმინდურ ხელით შეგიგინეთ სიციცხლე წმინდა!
 შურს ნუ იძიებ, კვლავ გვეწვიე ვარდისფერ ფრთებით,
 გამოგვიწოდე სამეგობროთ უმანკო ხელი
 და, თუ ჩვენც დაგხვდეთ ზეიმით და ქებათა-ქებით,
 შენც მოგვიქარგე შევების ვარდით ცხოვრების ველი!
 1918 წ.

ს ა ტ რ ფ ო ს

მასაქეთია, რაც რომ დაგკარგე,
 ოხ!.. ვერ ვისვენებ, ღვთაებავ ჩემო:
 შენთვის ლოცულობს ეს ჩემი ბაგე,
 ცხოვრების ზღვაში იმედის გემო.
 უშენოთ ჩემთვის მზეც კი არ მზეობს,
 თუ გიცქერ,—მაშინ ღამეც კი ღღეობს.

შენ გეძებს სული, შენთვის ტანჯული,
 სადა ხარ, სადა? სატრფოვ, ხმა გამე!
 ვიცი, რომ მოკვდა ჩემთვის წარსული,
 მაგრამ არ ვკენესი იმისთვის: ვაჰმე!
 დიად მომავალს შევყურებ რწმენით,
 ვგრძნობ კვლავ გიხილავ. დავტკბები შენით.

თუმცა ვერ გხედავ, ხმა მესმის შენი,—
 ეს მიცისკროვნებს ცხოვრების ბნელ გზას,
 როგორც ღამეში მთვარე შუქ-მფენი
 შორით მომავალს ტლუ და ყარობ მგზავრს,
 და მეც თამამათ მოვდივარ წინა,
 იქითკენ, სადაც შენა გაქვს ბინა!

1913 წ

ამონაკვნესი

1

ერთხელ მეც ვკრეფდი ყვავილთა ღილეებს,
 თაიგულს ვკრავდი, ფერად თაიგულს,
 მით ვიშკობდი გულს, ტრფობით დაისრულს,
 ჯერ სევდის ნისლით არ დანაჩრდილებს.
 ოცნების ფრთებით დავსრიალებდი,
 მზის სხივს ვუბამდი წკრიალა ქნარსა:
 ხან ბრძოლის ველზედ ვრეკავდი ზარსა,
 ხან სიყვარულის ჰიმნსა ვგალობდი.
 მაგრამ დღეს სევდა შემომგებარა
 და სიხალისე გულის მომპარა,
 მოთინათინე ჩამიქრო სხივი!
 აწ ვერ მიზიდავს ყვავილთა მდელი,
 ეჰ... მეც განვლიე სიცოცხლის ლელი:
 სამარე მიხმოებს, სამარე, ცივი!

ვაიმე, მაშინ რათ არ ვიცოდი
 ეს, როს ვიყავი ჯერ კვლავ ჭაბუკი,
 ხელთ მეპყრა ქნარი, ნალარა, ბუკი,
 ზეშთაგონების ცეცხლით ვიწოდი!..
 ახ, სანამ ცეცხლი მთლად არ ჩამქრალა,
 მო, ქარიშხალო, წაიღე იგი;
 მსურს მოვიხადო მეც ჩემი რიგი:
 სტიქიას მივსცე სტიქიის ძალა!
 ან კი რათ მინდა სიცოცხლე კრული,
 სევდის ხუნდებით მაგრათ შეკრული,
 უღვთოდ ნაგვემი და ნაწამები?!
 დაე დაიწვას ერთბაშათ ბარემ,
 ფერფლიც ვერ ირგოს მიწა-სამარემ,
 ოლონდ კვლავ ვნახო განცდის წამები!

შემოდგომა სოფლათ

1

შემოდგომის ცივ თვალეში,
 მზე ჩამქრალა, მზე
 და მოხსნია გაშლილ მთა-ბარს
 მკერდზე სინაზე.
 ჰკენესის მდელიო, ჰგოდებს ველი,
 ქვითინებს წყარო
 და ბანს აძლევს არემარე,
 მთელი სამყარო.
 მთას თოვლი ჰფლობს, ყინულთ ხუნდში
 ძლივს სჩქეფს ნაკადი
 და ცას მხრებზე წამოუსხამს
 შავი ნაბადი.

მითხარ, ძმაო, შენ რას უვები,
 გლახო, მშრომელო,
 დღე და ღამე ოფლის მღვრელო,
 დაუდგრომელო?
 შემოდგომამ შენს გულშიაც
 მოიკალათა
 და ჩაგაბა თვის ფერხულში
 ძალის ძალათა?
 ეჰ, ჩამქრალა შენს თვალეშიც
 სიცოცხლის სხივი,
 შემოდგომა იცქირება
 ყინულზე ცივი!
 1917 წ.

ს ი მ დ ე რ ა

(ძღვნათ ბენიას)

მიყვარს სამშობლო ქვეყანა,
 ყველაზე მეტათ გურია,
 ხან მზეს რომ უხსნის გულ-მკერდსა
 და ხან კი—ნისლი ჰბურია;
 მისი ცქერით და ყურებით
 ვერ ვძღვები... მუდამ მწყურია!
 როს ვუცქერ იმის მთა-გრეხილს,
 ცის სვეტად აყუდებულსა;
 ან ქათათ ქცეულ ჩანჩქერსა,
 თავყირა დაკიდებულსა;
 ან ვისმენ კრიმანკ-სიმღერას,
 მკვირცხლს და ცეცხლ მოკიდებულსა,—
 ფრთებსა შლის ჭრელი ოცნება
 და შორს მიყვავარ ფრენითა:

წინ გამიკროლებს წარსული,
 აღსავსე აღმაფრენითა...
 ახ, რასაც მაშინ განვიცდი,
 ძალმიძს გამოვსთქვა ენითა!
 თვალწინ მიდგება ერთობა,
 ერთი სიტყვა და პირი მე
 და მაგონდება არწივი—
 ქედმოუხრელი გმირი მე,
 დღეს რომ ურალის ქედზე ზის
 მოწყენით... მისი ჭირიმე!
 ვეძახი: მოდი, ფრთა-ლაღო,
 გიხმობს სამშობლო კლდიანი;
 უშენოთ გაუასკეცდა
 გულის წყლული და ზიანი;
 ისევ ასმინე შენი ხმა,
 ცეცხლის მკვესელი, მზიანი!
 და ისიც ფრთებს შლის, რომ ნახოს
 მისი ლამაზი გურია,
 ჩამოუქროლოს მწვერვალებს,
 თავს რომ ფირუზი ჰხურია...
 მაგრამ, ჰე, ამირანსავით
 საღ კლდეზე მიჯაჭულია!

დღეს დაკრძალეს

დღეს დაკრძალეს, ვინც მოსტება
 ორთავიან არწივს ფრთები;
 დღეს დაკრძალეს, ვინც დაიხსნა
 ბორკილებში მყოფი ძმები!
 დღეს დაკრძალეს, ბასტილია
 ვინც დაამხო, დააქცია;

დღეს დაკრძალეს, ვინც ქუჩებზე
 სისხლი უხვით დააქცია;
 დღეს დაკრძალეს, ვინც ქვეყანას
 მოახია შავი ფარდა;
 დღეს დაკრძალეს, ვინც ტანჯულ ხალხს
 სულზე უფრო შეუყვარდა.

ახ, გმირებო! ძჰურ საფლავში
 განისვენეთ წყნარათ, ტკბილათ;
 უკარნახეთ ცოცხალ მოძმეთ—
 უღარაჯონ ქუჩას ფრთხილათ!
 თქვენი საქმე საარაკო
 ივლის ქვეყნათ უკვდავ ზღაპრათ
 და მომავალ თაობასა
 აენტება გულში ღამპრათი
 თქვენ ხართ აწმყო-მომავლისა
 შემაერთი მტკიცე ბიდი:
 ვერ დაჩრდილავს თქვენს ნათელ-შუქს
 მთელი ქვეყნის ბურუს-ბინდი!

მ ე ო ც ნ ე ბ ე ს

შვიდ-ფერი სარტყელი არტყია ლურჯ ცასა,
 როგორც ქალს ბაბთები, უხდება ის მასა.
 შენ დგახარ, შეჰყურებ, გიბრწყინავს თვალები:
 ნაპერწკლებს ისვრიან ეგ გიშრის რკალები!
 შენს გულსაც არტყია ოცნება შვიდ-ფერი,
 არ ვიცი მათ შორის შენ რომელს უმღერი;
 მაგრამ, ვგრძნობ, ლივლივებ ფერების ჭრელ ზღვაში
 და საზრდოს სულისას ჰპოულობ შენ მაში.

დიდება ქუჩას!

(27 თებერვლის სახსოვრათ)

1

ნანატრმა წამმა დაჰკრა და ქუჩა
 კვლავ ამოძრავდა, კვლავ ახმაურდა;
 მონას შიმშილმაც ჩაუჩაქუჩა
 და ისიც აღსდგა .. ჰკითხეთ რა უნდა!
 „პური უფლებები! უფლებები! პური“
 ყვირის, იძახის, ჯვარზე გაკრული,
 მაგრამ მის ნაცვლით, მტრობა და შური
 ტყვიებს ურიგებს, არ ზოგავს კრული!
 ისმის ყიეინა, სისხლი იღვრება,
 აღისფრათ ელავს გულ-მკერდი მიწის;
 ძღვევის სასწორი სით გაღიხრება
 არაფინ უწყის, არაფინ იცის!

2

ეი! თქვენ, ვინაც მონის უღელში
 რკალებრ მოხრილობართ, კვნესით და გმინავთ,
 გამოდით გარეთ მახვილით ხელში...
 რათ არ გრცხვენიათ, ამ დროს რომ გმინავთ?!
 საბედისწერო ზარმა ჩამოჰკრა,
 „ყოფნა-არყოფნის“ კითხვა დაისვა...
 დრო არის, ჩახშახს თიგი გამოჰკრათ!
 დრო არის, ხმალზე ხელი გაისვათ!
 რომ გეკიდებათ თვალებზე რული,
 თავისუფლება არ გიყვართ განა?!
 არ გიცემთ მკერდს ქვეშ მამაცი გული?!
 არ გინდათ ნახოთ თქვენც ხსნის ქვეყანა?!

3

ღვივდება ცეცხლი. ჯარს მოსდევს ჯარი
 და ტანჯულ მოძმეთ უკავშირდება:

თავისუფლების მცველი ლაშქარი,
 შეხედეთ, რა რიგ სწრაფათ იზრდება!
 განმარტოებით დარჩა მტარვალი,
 გაქირვების დროს არვინ ყავს მცველი,
 შორს გაუფრინდა ბედი ფრთა-მალის...
 დაჰკარით, ბარემ მოსწყვიტეთ წელი
 ნუთუ არ კმარა, რაც სისხლი გვწოვა?
 დეე მოედოს მის პარპაშს ბოლო,
 რომ შესწყდეს სისხლი, ცრემლი და გლოვა,
 ვნახოთ ცისკარი—ეს ხსნის სიმბოლო!

4

აღსრულდა! არწივს ორთავიანსა
 დაემსხვრა ფრთები, ძირს ჩამოვარდა!..
 ზეიმობს ხალხი, სქვრეტს ღღეს მზიანსა,
 მოეხსნა თვალწინ შავბნელი ფარდა!
 არ გვტკივა ახლა ძველი კრილობა,
 კვლავ გაჰაბუკდა სული ვნებული!
 ისე თრთის გული, ისე თრთის გრძნობა,
 ვით სატრფოს ხილვით შეყვარებული!
 ჰოი, მქედელო თავისუფლების,
 გადიდებ ქუჩავ, ჩაგრულთა კერავ!
 ღღეს შენ გაგვიღე კარი უფლების!
 მრწამს, მომავალსაც შენ გამოკვერავ!

1917 წ.

 აწ ბვიწუღება

არწივი, ცისა ბევრჯერ მხალველი,
 იჯდა და კიდურს ცისას გასცქერდა,
 სადაც ცეცხლის ფრთით ცისკრის ჰიმნს სწერდა
 ნისლთა ფარდაზე სხივი პირველი!

ვერ მოითმინა და ფრთა გაშლილი
 ღრუბლებს ასცილდა, ვარდისფერ დაკრულს,
 და ცაზე ოქროს ვარდებათ დარგულს—
 ვარსკვლავებს უძღვნა სალამი ტკბილი

და მგოსნის სულიც, აქ რომ დარდობდა,
 თან აჰყვა იმას ლურჯ კამარაში
 და დიდხანს მისი ოცნების რაში
 იმასთან ერთად დანავარდობდა!
 და იქ ცეცხლოვან ეტლში მჯდომელი
 ნახა შეგნება, „ასული მზისა“,
 შეიყვარა და შეიტკბო ისა
 და მას უგალობს, დაუცხრომელი!

მაგრამ მას მიწაც არ ავიწყდება,
 თვალწინ უდგია მარად და მარად,
 და ყოველ მწუხრზე, როცა მთა-ბარად
 ქრიაშულის ხმა სრულად მიწყდება,—
 მოდის და თვის ერს, უღვთოდ ტანჯულსა,
 თავისუფლების ზღაპარს უმღერის:
 იმასაც მოსწონს... ისიც უჯერის...
 გულში ინერგავს მის სიყვარულსა!

უმიხსოთ რაა სიცოცხლე ჩემი?

1

შავთვალა ღამე, გიშრის თმიანი,
 მიდამო არეს გადაეფარა:
 არ სჩანს წალკოტი, წყარო ანკარა...
 აწ სად წავედე კაეშნიანი?!
 ნათელს ვეტრფოდი სხივ მონარნარეს,
 ჩემს გარშემო კი გამეფდა ბნელი;—

სიციოცხლის ბაღში შემოდგრა გველი
 და ნაზ ყვავილებს შხამს ანთხევს მწარეს!..
 მაგრამ, ჩუ!.. აგერ ციციანთელა
 ხაზს ხაზზე ავლებს, მიპფრინავს ნელა...
 გამოუდგვი შენც იმას, სჯლო!
 თუ დაიჭირო—ჩაიკარ გულში,
 თუ ვერა—მოკვდი მის სიყვარულში,
 მისკენ იფრინე, მისთვის ტანჯულო!

2

შხამკბილა გველო! შენ რას იციანი?
 რა გახარხარებს: ხა, ხა, ხა, ხა, ხა?
 იმედი გულში კვლავ ჩამესახა,
 აწ ვერ შემაკრობს შენი სისინი!
 უძლეველ არწივს მოვსტაცებ ფრთებსა,
 მოვუხმობ გრიგალს, მოვუხმობ ქუხილს,
 შევეყრი მსოფლიოს ტანჯვას და წუხილს,
 წინ წაფუძღვები, მოვლახავ მთებსა:
 ან დავიჭირავ ჩემს სულის დგმასა,
 ან მთლათ შევსწირავ სიციოცხლეს მასა,
 მოვკვდები, მისთვის თავ-განწირული!
 უმისოთ რაა სიციოცხლე ჩემი?—
 ქარიშხლისაგან მსხვერული გემი,
 სევდათა ზღვაში ღრმათ ჩაძირული!

მეზღვებურთა სიმღერა

(ნ. ეორდანიას)

ზღვა აგვიღელდა, ბობოქრობს,
 ისვრის ვაეზა ტალღებსა...
 ჩვენ წინ მივცურავთ, არ ვუფრთხით
 ქვეშ მცურავ საშიშ ნალმებსა...

ნურვის ჰგონია - ვემსგავსოთ
 სუსტ და უსუსურ ბაღლებსა!

ტანჯვის ქარ-ცეცხლში ნაწრთობებს,
 ვერ გაგეტეხს ქირი, მუქარა:
 ჩვენს თავზე ზეცამ რისხვითა
 არ ერთხელ დაიმუქარა, —
 მაგრამ შავ ძალას როდისმე
 ჩვენგანმა ქელი უხარა?

ვენაცვლეთ ჩვენსა ბელადსა,
 რომ აგვირგვინებს ქაღარა:
 იცის სად კლდეა, სად ნაღმი,
 სად საფრთხე ელის, სად არა;
 კეთილათ მართავს საქესა, —
 დღემდე სწორი გზით გვატარა!

და, ჰა, ნაპირიც გამოჩნდა,
 მოთინათინე, მზიანი...
 ვიშ რა რიგ ტურფათ ჰყვავიან
 თავისუფლების იანი!
 აქ ჰპოვებს სული შევებასა,
 სევდისგან დანაზიანი!

მაშ ერთხელ კიდევ მოვუსვათ,
 ნიჩბები დავატრიალოთ,
 შევებათ მგრგვინავ ტალღებსა,
 ნავი წინ გავასრიალოთ
 და ძღვევის დროშა ნაპირზე
 ავმართოთ, ავაფრიალოთ!

1918 წ.

დღეს ჩვენთან არის



შრომის გუგუნში დაიბადა ცისფერ-თვალემა
და მოგვევლინა განთიადზე ვარდისფერ ფრთებით...
მას მშობელ დედათ ტანჯვა ჰყავდა, მამათ—წვალემა,
აკვანს ურწყევდა ბრძოლის ღმერთი იღუმალ გზნებით.
დღეს ჩვენთან არის ცის და ქვეყნის შვენიერება,
ჩირაღდნით ხელში მიგვიძღვება ალთქმის მხარეში,
რომ მოგვანიჭოს სიმართლე და ბედნიერება,
რომ ძირს დაამხოს სამუდამოთ მტარვალთ თარეში!

დიდება შენდა

ტიტველა მოველ ბნელ ქყეყანაში,
ნათელს ვითხოვდი, არავინ მომცა;
ვწუხდი იმისთვის, რომ იყო შორს ცა
და დავდიოდი სევდის ყანაში.

ცხოვრების წიგნი თვალ-წინ დავიდე,
იქ ამოვკრიფე მარგალიტები,
გავფურჩქნე ისე, როგორც კვირტები,
და სატრფო გულის იმით ვადიდე.

და დღეს, როდესაც მზე სხივოსანი
თვალით ვიხილე, გამომეცხადა, —
შვეისხი ფრთები, აფურინდი ცადა
და ავქიკვიკდი, როგორც ფრთოსანი:

გადმოვლენილო მფარველად ჩვენდა,
შვენიერებავ მიწის და ცისა,
დაუქნობელო ყვავილო ხსნისა,
დიდება შენდა! დიდება შენდა!

ასე რად ხდება

ჩემს ნათელ ფიქრებს კვლავ მოევლო შევი არშია
 და დამითალხა გაზაფხულის ნაზი იანი.
 ეგება მკითხო, მეგობარო, საქმე რაშია,
 რამ დამიჩრდილა შეგების დილა, დილა მზიანი?

ეჰ, მე ნუ მკითხავ... ველურ განგაშს დაუგდე ყური
 და მაშინ შენთვის ყოველივე ცხადი გახდება:
 წინ დაგიდგება ბრბო უმიზნო და უსახური...
 და შენც ჩემსავით დაიკვნესებ: ასე რად ხდება?!

როდის ამოხვალ?

შენ მზის სხივს ჩაყევ, როდესაც იმან
 უკანასკნელათ დახუჭა თვალი.
 როდის ამოხვალ, როდის, ახ, როდის?!
 რა ვქნა, ლოდინში გამიწყდა ძალი!

ხომ იცი, ჩემო, უშენოთ ყოფნა
 ჯოჯოხეთია აუტანელი?
 გულს სევდა ისე შემოეპარა,
 როგორც ბუჩქებში შხამ-კბილა გველი!

ბშირათ მივდივარ იქ, სად პირველად
 თვალი მოვკარი შენს ნათელ სახეს,
 მაგრამ როდესაც ველარ გიხილავ,
 ვეძლევი ჭმუნვას და სივარულას.

გაფაციცებით დავეძებ შენს ლანდს,
 დავეძებ დღისით, დავეძებ ღამით:
 მინდა ოცნებით გამოვიწვიო

და დავსტკბე მასთან, თუნდ ერთის წამით.
 ახ, ვერ მავიწყებს შენს ცეცხლ მფრქვევ თვალებს
 თოფ-ზარბაზანთა ქექა-ქუხილი:

შენ რომ აქ იყო, მრწამს, შესწყდებოდა
 ქლეთა, სისხლის ღერა, ტანჯვა, წუხილი.

შენ მზის სხივს ჩაყევ; როდესაც იმან
 უკანასკნელათ დახუჭა თვალი.

როდის ამოხვალ, როდის, ახ, როდის?!
 რა ვქნა, ლოდინში გამიწყდა ძალი!

1914 წ.

ეჭ, ძნელია!..

ეჭ, ძნელია, როცა კაცი
 ორ ღმერთს მონებს თანასწორათ:
 მისი გული, მისი სული
 გაყოფილი არის ორათ!

სად მგოსანი, სად ვაჭარი!
 შათ საერთო რა აქვთ ნეტა?!
 ფუი იმას, ჩემი ბედი
 ფულის ყუთში ვინც ჩაკეტა!

როცა დავთრებს ჩავკირკიტებ,
 თამასუქებს ვაწესრიგებ,
 ჩოთქზე გავდი-გამოვდივარ
 რამდენს ვაგებ, რამდენს ვიგებ, —

მაშინ იქვე ჩემი მუზა
 კედელზეა ატუზული
 და მღულარე ცრემლებს აფრქვევს,
 საცოდავით მობუზული;

მაგრამ, როცა მასთან ერთად
 დავნავარდობ მინდორ ველში,
 ხან ცის ლაყვარდს გავვეკვრები,
 ხან მივძვრები უფსკრულ-ხვრელში, —

მაშინ კი ჰკენესს ჩოთქ-დავთარ,
 უპატრონოთ მიგდებული,



და შეძახის: „მოდო! მოდო!“
 სასოება მიღებული.

ეჰ, ძნელია, როცა კაცი
 ორ ღმერთს მონებს თანასწორათ:
 მისი სული, მისი გული
 გაყოფილი არის ორათ!
 1913 წ.

ახ, ნუ მკითხავთ

ხარობს დილა. მოკვდა ღამე.
 ცა, ფირუზი, მოკამკამე,
 მიწას დასცქერს გულ-გახსნილი,
 მარმალილოს დაფათ ქმნილი,
 და აღმასის ცვრებათ სცვივა.
 მთის მწვერვალზე ღრუბელთ ქულა,
 როგორც ვარდი, გაფურჩქნულა
 და, ლამაზი თაიგული,
 მზის სხივებით დაისრული,
 აღისფერათ ელავს, ღვივა.
 ძირს იშლება ველი მწვანე,
 ათას გვართათ მოლაღანე,
 და, ბუჩქებში მიმალული,
 როგორც მწყემსის სალამური,
 რაკრაკებს და ჰკვნესს ბულბული.
 და ოცნებაც ფრთას შლის ჩემი,
 მიჰქრის, როგორც ზღვაში გემი.
 სად? ან ვისთან? ახ, ნუ მკითხავთ:
 თვით მიხვდებით, წაიკითხავთ,
 ვისაც ჩემებრ გტკივათ სული.
 1913 წ.

რ ა თ ა?!

ცა არ ყურობს მიწის წუხილს,
 ცას არ ესმის მიწის დარდი;
 ფირუზ მკერდზე გაუშლია
 მოციმციმე ოქროს ვარდი
 და იცინის...

მიწა კი ჰკენეს,
 სისხლით გულ-მკერდ განზანილი:
 მოთქვამს დედა, მოთქვამს მამა,
 მოთქვამს ცოლი, მოთქვამს შვილი,
 მოთქვამს ყველა...

მგოსანი კი
 სდგას, ქცეული სევდის ზღვათა,
 და კითხულობს: რათ იღვრება
 ეს უმანკო სისხლი, რათა?!

1914 წ.

აჯანყდა სული

აჯანყდა სული, აჯანყდა,
 შფოთავს ვერ მოუსვენია,
 ან კი როდემდის ითმინოს
 ტანჯვა-წამების გენია?!

სურს ერთი დაკვრით შემუსროს
 გარს შემორტყმული ბორკილი
 და გაიმართოს ვაჟაკი,
 რკალივით წელში მოხრილი.

განა ცოტახანს ატარა
 თვალზე აღმასის მძივები,
 მაგრამ ვერ მოიახლოვა
 იმით მომავლის სხივები...

და, ჰა, აჯანყდა ტანჯული,
 გაშალა დროშა ძღვევისა
 და დადგა წამი დიადი,
 წამი, რა წამი: ზღვევისა!

1913 წ.

პოეტს

შენ მგოსანი ხარ გულის ხმეერი,
 თხზავ ახალ ლოცვას, ყურს გიგდებს ერი,
 ბევრი გყავს მომხრე, ბევრი გყავს მტერი,
 მაგრამ შენ მაინც მღერი და მღერი.
 შესაძლო არის შენმა სიმღერამ,
 შეუდრეკელმა ჩანგისა ჯღერამ,
 აღრე მოგიდნოს, გაგაცამტვეროს,
 ჩამოგაშოროს მუხათა სფეროს,—
 შენი სიმღერა მაინც დარჩება:
 სიკვდილის ხელი ვერ შეეხება!
 დარჩება მასში რაც რომ ნაზია,
 დარჩება მასში რაც ლამაზია,
 რაც იფურჩქნება, ვით გაზაფხული,
 რაც სჩქეფს, ჩუხჩუხებს, ვით ნაკადული,
 რაც ღრმათა სწვდება ტანჯულ ერის გულს,
 რაცა აღვივებს წინსვლის სიყვარულს
 და მომავალსა გადაეცემა
 და იციმციმებს, ვით დიადემა.
 მის კვალს ვერ წაშლის მტრობა და შური,
 დაწვრილმანება ყოველ დღიური:
 ის გარეშე სდგას დროს და სივრცისა,
 ვით უკვდავება მიწის და ცისა!

1914 წ.

როდის ჩაკვდება



უკანასკნელ სხივს ჩამავალ მზისას ტახტი დაედგა მწვერვალზე
 შთისა,
 მაგრამ თანდათან ხუჭავდა თვალსა, ეთხოვებოდა სამყაროს
 ისა.

და დასავლეთი, ლაყვარდათ შლილი,
 ვით ვარდის კონა, წითლათ ღვიფოდა...
 დაჰქროდა სიო, წყნარი და გრილი...
 და მწუხრის თვალთ გიშრის მძიენი სცვიფოდა.

თმა-ხუჭუქ ბუჩქებს ველური ვაზი ისე ლამაზათ, მტკიცეთ ჩა-
 ჰკვროდა,
 თითქო ტარიელ ნესტანდარეჯანს, ანდა — რამინი ვისსა შე-
 ჰყროდა.

მე სერზე ვიდევ. ჩემს ქვეშ ნაკადი
 აღმასის გველათ იკლაკნებოდა,
 მოჰბტოდა, როგორც ქურციკი მარდი,
 მარგალიტებათ იფანტებოდა.

მაგრამ ბუნების სიმშვენიერე ვერ იზიდავდა დაკოდით გულსა:
 თვალთა წინ მხოლოდ სისხლის ზღვა მედგა, ნათლათ ეხედავდი
 მებრძოლთა წყლოულსა...

ვიძახდი: ღმერთო! როდის გაძლება
 კაცისა სისხლით უგულო მარსი?!
 ან კაცთა გულში როდის ჩაკვდება
 სისხლის მსმელ მბეცთა საშიში არსი?!

მაგრამ პასუხათ მხოლოდ მესმოდა თოფ-ზარბაზანთა ჰეჰა-ქუ-
 ხილი
 და მსოფლიოს კირს, მსოფლიოს სევდას უერთდებოდა ჩემი
 წუხილი.

ახლა სხვა მიუებას

მაისის დილა ილიმებოდა... ტყე შრიალეებდა, ნაკადი სჩქეფდა,
 ხევი ნისლთ ბადეს იხსნიდა პირზე, მზის სხივი ველზე აღმასებს
 ჰკრეფდა;

ქრელ ყვავილებით მკერდ-მოქარგული
 წალკოტი სურნელთ აკმევედა არეთ...

მეც დავდიოდი ჩანგ-მომართული,
 სიმთ ვაქლერებდი, ვკნესოდი მწარეთ:

„ეჰ!.. ერთხელ მაინც რომ მყვარებოდა ისე, ვით რამინს უყვარ-
 და ვისი,

„ან ტარიელსა—ნესტანდარეჯან, ან ავთანდილსა—თინათინ
 თვისი,—

„ტანჯულ სიცოცხლეს და წამებულ სულს

„მოსაგონებლათ ეს დარჩებოდა:

„სიცარიელის საშინელ უფსკრულს

„გლახ გულში ბინა არ ექნებოდა!

„ახ, მეც მომეცით ის დიდი გრძნობა, მომეცით-მეთქი ის
 სიყვარული:

„იასებრ ნაზი, ვარდსავით ტურფა, მზესავით წმინდა, ცასავით
 სრული,—

„და მეც ვიქცევი უძლეველ ღმერთად,

„დავიპურობ მიწას, დავიპურობ ცასა,

„მთელ მსოფლიო ხმებს შევეკონავ ერთად,

„ძირს ჩამოვიტან პარნასის მთასა!“

ასე ვკნესოდი... ეს ჩემი კვნესა შენც შემოგესმა .. და შემეყვარე.
 მეც აღვეფრთოვანდი... მაგრამ განვლო დრომ... კვლავ სინა-
 ნულის ცრემლი დავღვარე.

მე რომ ვეძებდი, ის სიყვარული,

ჩემო ლამაზო, შენში ვერ ვპოვე:

ვნებისთვის როგორ გამელო გული!?

და მეც მოგშორდი, გამოგეთხოვე.

ახლა სხვა მიყვარს, მაგრამ სულ სხვაა ქარიშხლით სავსე
 ის ბრძოლის ცეცხლით ანთებს ტანჯულ გულს და ცამდე აღყავს
 სიყვარული:
 სული ფრთა-სხმული.

და დღეს მას ვუმღერ ქებათა-ქებას,
 იმისთვის ვკონავ ლექსთა თაიგულს:
 მრწამს, მომანიჭებს ის ნეტარებას!
 მრწამს, მომანიჭებს უკვდავ სიყვარულს!

1914 წ.

ორი დრო

როცა მიდამო დუმილს მოუცავს,
 ნიაფი არ ქრის, ტყე არ შრიალებს,
 ფირუზ ცას ძაძა-ფლასი ჩაუცვამს,
 ციური მგოსნის ხმა არ წკრიალებს;
 ყინულთ ხუნდებში ჰკვნესს წყარო ბროლი,
 თოვლს დაუფარავს მთათა გრებილი,
 ქალა-მინდვრებსა არ ამკობს მოლი,
 ქვითინებს ვაზი ყელ-მოგრებილი, —
 მაშინ ჩემს სულსაც ნაღველი იპყრობს,
 გრძნობა ფრთებს ვერ შლის, მდუმარებს ქნარი,
 სიცოცხლის მტერი — სიკვდილი მიხმობს,
 გულის სიღრმეში რეკს გლოვის ზარი!
 მაგრამ როდესაც ცა ჯანყს გადიურის,
 შუბლსა გაიხსნის, მოიწმინდება,
 მზე სხივთა ნაკადს ტალღათ გადმოჰყრის,
 ყვავილზე ნამი აციმციმდება;
 ზეფირი გაშლის საფრენათ ფრთებსა,
 ფოთოლი ფოთოლს ტკბილათ ჩაჰკოცნის,
 ზღვა აგრგვინდება და მთა ზვირთებსა
 აზურმუხტებულ ნაპირთ შესტყორცნის, —

ძალა სულისა მეც მემატება,
 შორს იფანტება სევდა-ნალველი,
 მთელი მსოფლიო გულს მებატება
 და ვმღერ: ბანს მაძლევს ცა, ზღვა და ხმელი!
 1915 წ.

* * *

ქარშოშინია. ტყე და ველი ლაღობს, ლამაზობს,
 იცინის ვარდი თავ-დახრილი, ვით პატარძალი,
 ნეტა ვის ელის ლაწვე-წითელი ეგრე რომ ნაზობს?
 ვისკენ უჭირავს ყელზურმუხტსა ეუფუნა თვალი?
 ვიშ, რა კარგია მოლოდინში ოცნება ჭრელი,
 წუთით-და მანც გავიწყდება ნალველი მწარე
 და სიცოცხლის ჩანგს აწკრიანებს ხმა-ტკბილათ ხელი,
 ბანს გეუბნება მალლა — ზეცა, ძირს — არემარე!
 ახ, გულის სატრფოვ, შორეულო, თან ახლობელო,
 როდესაც თვალწინ დამიდგები ვარდისფერ ფრთებით,
 მაშინ სამოთხეთ მეჩვენება კაცთ სამფლობელო
 და მოხიბლული, ვით ბულბული, გიგალომ გზნებით!
 რა იქნებოდა ჩემი ჩანგი, რომ შენ არ ყავდე? —
 უხმო, უცეცხლო, ვით ობოლის ჩამქრალი კერა,
 და მეც ყინულათ ვიქცეოდი, რომ შენ არ მწვავედე,
 მევე მომკლავდა, დამმარხავდა ჩემი სიმღერა!
 1917 წ.

ბ ა ქ ო ს

ბაქო! ბაქო! როგორ გაქო?
 რა ვსთქვა შენზე კარგი აბა?
 თუმც სიმდიდრე კრეზისა გაქვს,
 ტანზე გშვენის ფარჩის კაბა;

მაგრამ, ვინაც ვგრე ტურფათ
 აგაგო და აგაშენა,
 ჩუქურთმიან დარბაზებით
 შეგამკო და დაგამშვენა,—
 შიმშილით ჰკლავ, მაშინ როს თვით
 შამპანიურს ღერი, ვით წყალსა...
 ფუი, მაგ შენს უგულობას!
 ფუი, მაგ შენს სამართალსა!

—
 თქვენ-კი, ძარღვნო ცხოვრებისა—
 შრომის შვილნო, გიძღვნით საღამს!
 წინ, წინ მედგრათ! ნუ დაუშვებთ
 ზემართულ დროშა-აღამს!
 ერთის ფიქრით გაიმსქვალეთ,
 ერთის გრძნობით შეკავშირდით
 და ის ვარდი ისევ ზარდეთ,
 რასაც დღემდე გულში ზრდიდით!
 თქვენ აღვივებთ შრომის ქურას,
 თქვენ ხართ ძალა შენოქმედი:
 მაშ დაჰკარით გრდემლზე კვერი,
 გამოსქედეთ ქვეყნის ბედი!

1914 წ.

სოფლის სურათი

1

მწუხრის ბინდბუნდი ჰფენია არეს,
 ანცი ნიაფი მიმოქრის ლაღათ,
 ხან შეატოკებს კორდზე მცენარეს,
 ხან ყვავილს ფურცლავს ველათ და ბაღათ.
 ღურჯ ცაზე მთვარე, ნამგლათ ქცეული,
 ვით ზღვაზე ნაფი, დაცურავს წყნარათ,

გარს ვარსკვლავებით შემოხვეული,
 ვერცხლის სხივებსა მოაფრქვევს ბარათ.

აქ-იქ, დაბურულ ხეთა ჩრდილებში,
 სადაც ხავერდათ გაშლილ მწვანე მოლს
 მისძინებია ყვავილთ ღილებში, —
 ციციანათელა ავლებს ცეცხლის ზილს!

2

ფუსფუსებს კაცი, ფუსფუსებს ქალი,
 მირბის და მორბის დიდი, პატარა:

ზოგს ნახირისკენ უჭირავს თვალი,
 ზოგს წყალი მოაქვს, ცივი, ანკარა...

აგერ ძალდი ჰყეფს... იჭბროხა ბლავის...
 სადღაც ურემშაც გაიჭრიალა...

გესმით სიმღერა მეხრის ბედშავის?
 იგრძენით მისი ღიღინის ძალა?

ჩუ! სამრეკლოშიც მწუხრის ჩამოჰკრეს,
 ზარის გუგუნმა შთანთქა სოფელი:
 ეს ხალხს უხმობენ, რომ იქ შემოკრბეს,
 ადიდოს ღმერთი, „ყოველის მპყრობელი“.

3

მაგრამ ვის ესმის?.. გლებთა ქობნახებს
 გლოვის ზეწარი გადაჰფენია:

აქ სწეულთ ხედავთ, იქ შიშველ ბაღლებს,
 თვალწინ გეშლებათ ტანჯვის გენია!

ღედა შვილს მოსთქვამს და ცოლი — ქმარსა,
 მიდამო-არეს რწყავს მდულარება;
 სიმღერაც ისმის, — მაგრამ ჰგავს ზარსა:
 სავსეა სევდით, ვით მწუხარება!

მათთვის არაა არც ცა, არც მიწა,
 არსებობს მხოლოდ შავი სიკვდილი:
 ტანჯვამ მათ გულში უკვე დაფხრიწა,
 სარწმუნოების თხელი მანდილი.

ორი სურათი უდგიათ თვალწინ,
 ვით ჯოჯოხეთი, შავი და ბნელი:
 პირდაღრენილი შიმშილი აქ, შინ,
 იქ — შეიღთა სისხლით მორწყული ველი!

1914 წ.

სულ ვერ ზადგვს

1

მზემ ამოყო თავი,
 გაჰქრა ღამე შავი
 და გათენდა დილა, გულის მომხიბლავი.
 არაკრაკდა წყარო,
 ცივი, სანეტარო,
 და შიგ ჩაიხატა ლერწამი ტან-სარო.
 თმა-ხუჭუჭა ძეწნა
 სიომ ბუჩქებს შეწნა
 და იმანაც ფოთლებს ტკბილი კოცნა შეძღვნა.

2

და პირველი სხივი,
 მოციმციმე, ნაზი,
 ვით აღმასის მძივი,
 ტურფა და მალხაზი,
 დიდ ქალაქსაც მოხვდა...
 მოიფშენიდა თვალი
 და, ვით ქალი კოხტა,
 ტრფობის ეშხით მთვრალი, —
 აკისკისდა ვნებით,
 დაანთხია შხამი:
 დევნილთათვის ბედით,
 დაღვა ტანჯვის წამი!

ვაკვირდები ქუჩას—ამ ცხოვრების სარკეს:
 ვხედავ გაქვირებას, ვხედავ სივაგლახეს...
 მინდა ვუქუთუნალო, მაგრამ ველარ ვწვდები
 და ხმა-მადლა ვყვივი, მესაყვირეთ ვდგები:
 სულ ვერ ზიდავს მიწა ბოროტების საბანს;
 აფეთქდება, ტანჯვის ცრემლებს ცეცხლით გაბანს!
 1915 წ.

 დ ი ლ ა

დანელდა,
 დაფერფლდა
 ღამე საზარო.

გათენდა,
 აქლერდა
 ფრინველთ სამყარო.

ატოკდა,
 აროკდა
 ბუჩქი, ფოთოლი.

ასხივდა,
 ამძივდა
 ნამი ობოლი.

მოპფრინავს
 მოპბზინავს
 მზის ოქროს გემი

და გული,
 დაგული,
 შვეებას ჰკრძნობს ჩემი!

უწერის მწვერვალზე



ფრთაფარფატა თეარი ნისლი მწვერვალებზე ხობავს რბევით,
ხან ნაპრალში ჩამოწვება, ხან მიცოცავს ზევით-ზევით,
ხან წერწერ ნაძვთ ყელთ ეზვევა, ტრფილღების იპყრობს ვნება,
ხან, დაქრილი სხივთ ისრებათ, კანკალებს და ცრემლათ დნება!

თავ-ქოჩორა მთათ გრეხილებს, ერთმანეთზე აკიბულებს,
უხილავი ძალთა ხელით ლურჯ სივრცეში აზიდულებს, —
ხავერდათ შლილ ზურმუხტ კალთებს უფერადებს ყინულთ ზოლი
და ქვეშ ფაზი გრკვენივით მოჰყეფს, ხან მღვრიე და ხან კი ბროლი!

კლდის გულიდან ნაკადული მოკისკასებს, ნოჰბტის ცქვიტათ,
ფოთოლ-კვირტებს მარგალიტებს ყურზე ჰკიდებს ყურსაკიდათ;
ფირუხ ცასა სხივებს ჰპარავს, გულში იკრავს, ქათში ჰფარავს
და დაბლისკენ მიწუხჩუხებს, ქალა-მინდვრებს სჭრის და ღარავს!..

მე მწვერვალზე ვდგავარ ობლათ, შორს მიმაფრენს ფიქრთა
ფრთები,
ხან ბრძოლის ველს დავსტრიალებ, ხან ქობებში შევიქრები,
მაგრამ ყველგან ცრემლებს ვხედავ, წინ მიდგება სისხლის ტბები
და, დაქრილი კაცთ სიავით, ისევე ჩანგურს ვუბრუნდები.

მსურს რითმებში ჩაეაქსოვო სულის დეღვა განაცადი,
მაგრამ, ვაგლახ! იღუმალი ხმა ჩამძახის: „რასა სჩადი?
ვას რათ უნდა შენი ლექსი, ნაღვლით საესე, გრძნობით თქმული,
დღეს ომია: ტვეიამ შთანთქა ქვეყნის ფიქრი, ქვეყნის სული!“

და ვიძახი: მაშ რათ არის ეს ბუნება ეგრე ნაზი,
რათ ამშვენებს ველსა — მოლი, მთას — ნაძვნართა მწვეანე ხაზი,
კორდს — ყვავილთა თაიგული, სამყაროს — მზის ბრწყინვალეობა,
თუ გვირგვინი ქმნილებათა — კაცი სისხლში ჩაიხრჩვება?!

1914 წ.

შემომალამდა



შემომალამდა მთაწმინდაზე, შემომალამდა ..
სალმრთო ბილიკი მაინც კიდევ არ დამიკარგავს:
სინათლის ხილვის კიდევ უფრო აღმეძრა მადა, --
ვით დავიფიწყო ჩემს ოცნებას რაც მოუქარგავს?

კვლავ გათენდება და მეც ისევ გზას გაუდგები,
ვნახავ მსოფლიოს განახლების დღესასწაულსა:
კიბეთ მექნება ტანჯულ მოძმეთ ტანჯული ძვლები,
რომ შეეწირენ ძმობის დროშას და სიყვარულსა!

პირველ მაისს

პირველ მაისო! აღტაცებით მოგელი შენა,
შენს შოლოდინში გული ხარობს, მუსიკობს ენა.
რათ მეხარება შენი მოსვლა? მისთვის ხომ არა,
რომ ჯანყს მოიცილის მოკასკასე ლურჯი კამარა,
ტყე-მინდორ-ველი ტანთ ჩაიცვამს ზურმუხტს და ლაღებს,
მოფარჩულ მთა-ბარს მზე დააყრის ოქროს დაღაღებს,
ფრინველთ სამყარო ამღერდება, აწყრილდება,
სიო ფრთებს გაშლის, ბუჩქ-ბალახი აშრილდება?..
არა, სულ სხვა რამ მაგონდება უფრო დიადი
და გულს იმედი აცისკროვნებს, ვით განთიადი.
რა მაგონდება? რომ აღსდგება ყველა ჩაგრული,
მონის უღელში ქედ-მოხრილი, ჯვარზე გაკრული;
ააფრიალებს ხსნის სიმბოლოს — წითელ ალაშსა;
ტანჯული ტანჯულს თანაგრძნობით უძღვნის სალამსა;
ქვეყნის მტარვალებს გაბედულათ შეუთვლის წყევას
და შემოსძახებს: გაუმარჯოს შრომის სუფევას!

ჩემი სიმღერა

სარდლათ არ ვარგვარ, მაგრამ ვაცხადებ:
 ჯარისკაცობა კი შემიძლია;
 თუმცა დროთა სვლამ თავზე დამთოვა,
 გული კვლავ გულობს და მაჯაც მძლეა!

ერთს მეც განვგმირავ საკუთარ ხელით
 თავისუფლების მოსისხლე მტერსა
 და ვალწოხდილი წინ წარვუდგები
 კაცობრიობას და მშობელ ერსა!

ჰო, მართალია მე მგოსანი ვარ
 ძმობა-ერთობის და სიყვარულის,
 მაგრამ იქ, სადაც სიტყვა ველარ სჭრის,
 მხოლოდ ხმალია მკურნალი სულის!

მაშ წინ, ბელადო! მეც თან მოგყვები,
 თუ რომ ჩამოგჩე—გულში მკარ ტყვია:
 ვფიცავ მაგ დროშას, ეს ჩემი სული
 თავისუფლების მონა და ტყვეა!

გ ა ნ ც ლ ა

ცის სივრცეში ციაგათ შლილს ცისკრის ყვავილს მივებარე
 მღელვარ გულით აღ-დართულით აღტაცებით ვუძღვენ კოცნა:
 აცახცახდა, აკანკალდა, ათრთოლდა და მორთო არე,
 ვით მზე-მთვარე, მოელვარე სხივთ ისრები შემომტყორცნა.
 დამწვა, დამწვა, დამიმონა... დამივიწყდა წუთით სევდა:
 ჩემი ქნარი, ხმა ნარნარი, სულ სხვა ჰანგზე აწკრილდა
 და გულს დაქრილს, დაგულს, დასჯილს, ბედი შხამსა რომ
 ანთხევდა,—
 ეწვია მზე, ცეცხლის ფრთაზე შეისვია და გასრიალდა!..

შენ მღეროდი!..

შენ მღეროდი!.. მორაკრაკე ხმა, ვით ზარი, წკრიალებდა,
 შენს გარშემო ტეფრი სდუმდა, ფოთოლი არ შრიალებდა,
 ერთ წერტილზე შემდგარიყო მოსისინე ნიავქარი,
 ნისლიც კი არ ირხეოდა, გრძნობის ცრემლად ჩამომდნარი.

შენ მღეროდი!.. შენს ჰანგებში ხალხის სული მწარეთ ჰკვნესდა:
 შიგ ხანგლოვის ზარი რეკდა, ხან იმედ-ხსნის ცეცხლი ჰკვესდა,
 ხან ბორკილი ეღარუნებდა, ხან ყიფინი ჰქუხდა ბრძოლის
 და მსხვრევის ხმა სანატრელი გაისმოდა ხუნდთა რგოლის.

შენ მღეროდი!.. თალათ შეკრულს ცას სწვდებოდა ხმა
 გრძნეული.

ყურს გიგდებდა ვარსკვლავთ ჯარი, ლურჯ სივრცეში გაბნეული.
 ცაც და მიწაც გრძნობის ცეცხლით იწვებოდა შენთან ერთად.
 მეც გისმენდი და ვსხავდი ხელოვნების ქურუმ-ღმერთად!

1917 წ

მომბეკვდავი არწივი

(სპ. მცირიშვილის ხსოვნას)

ბნელ ორწოხებში, უფსკრულის პირათ,
 მკერდში დაქრილი ეგდო არწივი,
 ენატრებოდა მზის თფილი სხივი,
 მაგრამ სიკვდილი თავს აღგა ვზირათ
 და ეძახოდა სამარე ცივი!

და მიგდებული ლოდებზე ყირათ,
 განწირულის ხმით ჰკვნესოდა ასე:
 „მე ცა მიყვარდა შევენებით სავსე!..
 ვეტრფოდი გულით!.. მიღირდა ძვირათ
 ლურჯათ გაშლილი და მოკასკასე!..

„ხშირათ ფრთა გაშლით ღრუბლების ზევით
 დავნავარდობდი მახლობლათ ღვთისა,

მესმოდა რხევა ანგელოსთ ფრთისა
 და ოქროს თმების ყელზე მოხვევით
 მკოცნიდა ტკბილათ, ასული მზისა! .

„ჩემსკენ ვუხმობდი ქაობის შვილებს,
 მსურდა—შევენება მისი ენახათ,
 მისდამი ტრფობა გულს დაემარხათ
 და ტანჯვის ცეცხლში რკალებ მოხრილებს,
 სიმბოლოთ ხსნისა გამოვსახათ!..

„მაგრამ დღეს აგერ უფსკრულის პირათ
 სიკვდილსა ვებრძვი, მტრისგან დაქრილი...“
 ასე ჰყვენესოდა... და ფრთა გაშლილი
 კვლავ გასაფრენათ იწევდა ხშირათ...
 ძირს ეცემოდა სისხლით დაცლილი!

მე ყურს ვუგდებდი სულ-განაბული,
 გულის სიღრმეში ტკივილსა ვგრძნობდი,
 რადგან ჩვენ შორის კავშირსა ვცნობდი:
 მასში ჰყვენესოდა თვით ჩემი სული!
 და მომაკვდავსა დაფნით ვამკობდი.

და ქვითინებდა სული მწუსარე...

შრომით დაღლილმა საღამოს ეამზე
 გავისერინე ქალაქის გარეთ,
 რომ გამეფანტა ბოღმა ნალველი,
 შემოწოლილი გლახ გულზე მწარეთ.
 მზე ჩალიოდა. ოქროს სხივები
 ესალმებოდენ თვალუწვდენ ქედებს,
 ვით სატრფო სატრფოს, უკანასკნელათ
 კოცნას უძღვნიდენ ნისლთა თეთრ გედებს.
 მე სერზე ვიდეგ. ხან მთას გავსცქერდი,
 ხან გავყურებდი ხასხასა ველსა:

ქმუნვა ნელნელა ფრთებსა ჰკეცავდა
 და მიეყვებოდი ოცნებას ჭრელსა.
 მაგრამ უეცრად იქვე მახლობლათ
 რაღაც შავ საგანს თვალი მოვკარი,
 მიველ, დაეხედე... შევეკრთი... გავშეშდი...
 ვიციანი მოძმე და მეგობარი!
 გულ-განგმირული უწყალო ტყვეით
 ეგდო მიწაზე, სისხლში მოსვრილი,
 და ხელთ ეჭირა წერილი, სადაც
 მისი ვარამი იყო მოთვლილი:
 „დიახ, თავს ვიკლავ!.. ან კი ღირს განა
 სიცოცხლე, სადაც სული ტყვეთ ქმნილი,
 ბორკილი მეფობს, თავისუფლება
 ტანჯვის ხუნდებში რკალებზე მოხრილია!?
 ყველა ბობოქრობს, მაგრამ უმიზნოთ,
 მინელებულა ცეცხლი ციურთი:
 არც სიყვარული, არც შეგობრობა,
 დაწვრილმანება ყოველ დღიურთი!
 ძმა ძმას ღალატობს და მამა-შვილსა,
 ანგარიშია ცხოვრება მთელი:
 თუ გამოარჩენას არ მოეღიან,
 სუყველას სძულხარ, ვით მეგსლი გეელი!
 შენს გაჭირვებას არვინ კითხულობს,
 შენს გულში არვინ არ იხედება:
 ფეხზე ჰკიდიათ შენი მიზანი,
 მისწრაფება და სულის კვეთება!
 ან ყველას ფეხს ქვეშ უნდა დაეგო,
 ფინიასავით უქნიო კული,
 ან, დაგმობილი, შიმშილით მოკვდე,
 ან და—ატარო ხელ-ფეხზე ხუნდი!
 და ამგვარ ყოფას ნუთუ არა სჯობს
 ერთხელვე მოკვდე და მოისვენო?!
 და, ჰა, თავს ვიკლავ. . მაგრამ თან მიმაქვს

თქვენდამი ზიზღი, ადამის ძენო! —
 გადავიკითხე და ცრემლ-მომდგარმა
 დავხედე ისევ გულ-განგმირულსა:
 შორს გამიტაცა შავმა ფიქრებმა,
 ღრმათ დავუკვირდი მსოფლიოს წყლულსა.
 და დავიკვნესე: ძმავ, მართალი ხარ:
 მეტათ მძიმეა ჩვენი ცხოვრება;
 მაგრამ ამისთვის თვითმკვლევლობასა
 ვით შეურიგდეს კაცის გონება?!
 სადაც ეკალი ხარობს, იქ ხშირათ
 ვარდიციშლება, სურნელთ მფრქვეველი, —
 ეს კანონია დედა-ბუნების,
 მუდამ უცვლელი, დაურღვეველი.
 და ცხოვრებაშიც ასეა მარად:
 ბოროტთან ერთად კეთილიც ზღვაობს
 და ვინაც ამას ვერ ხედავს ნათლათ,
 გრძნობის მორჩილი, გონებით ბრმაობს!
 გმირი მაშინ ხარ, როს დაბრკოლებებს
 ებრძვი და ებრძვი, არ უხრი ქედსა,
 მით შენებრ ტანჯულს მაგალითს აძლევ,
 რომ გაუმკალავდეს უღმობელ ბედსა! —
 და ცას შევხედე, მზე არსად ჩანდა,
 ღამეს გიშრის თმა გადმოეფინა,
 და მომაგონდა, უკვე დრო იყო,
 რომ მომეძებნა მეც ჩემი ბინა.
 წამოველ, მაგრამ თვალთა წინ მედგა
 „ყოფნა-არყოფნის“ საკითხი მწარე,
 უკან მომსდევდა მეგობრის ღიანი...
 და ქვითინებდა სული მწუხარე!

ეი, მიხედეთ!

1

მთასა სწვევია ზამთრის ფერია,
 მიღამო თეთრათ დაუფერია.
 არსად სჩანს მოლი,
 არც ბარდი ვაზის...
 ზოლს მისდევს ზოლი
 ყინულთა ხაზის
 და ბროლის ტახტზე
 ჰფეთქს სილამაზე.

2

ძირს კი ბარს თუმცა ჯერ არ სწვევია,
 თეთრი ჩადრი არ მოუხვევია,
 მაგრამ ალვის ხეს,
 მუხას ქალარას,
 ხეივანს, თუ ტყეს,
 ბუჩქნარს პატარას
 ფოთოლი სცივია...
 ცახცახებს, სცივია!

3

სტირის ბუნება, ჰვენესის ბუნება
 და მას სოფელიც ეხმაურება.
 რა ქნას ზედკრულმა?
 არ იქვითინოს?
 დაჭრილმა გულმა
 ვით მოითმინოს?
 ჰირი სწვევია,
 დაუძლევია!

4

ეი! მიხედეთ სოფელს წამებულს!
 მაღამო დასდეთ მის დაკოდილ გულს!

მაგრამ რომ ვყვირი,
 ვინ გაიგონებს?
 იმისი ჳირი
 ვის დააღონებს?—
 მას აზის ყველა,
 სისხლს სწოვს ნელნელა!

1915 წ.

ბოლოვს

1

მე აქ მოვედი შზის სანახავათ,
 შენ კი თავს ჯანყი მოგიხვევია,
 რაც ასე მძულდა დასანახავათ,
 რის გამოც ბევრჯერ სევდა მწვევია!
 გადაიყარე ეგ შავი ნისლი,
 რომ ვნახო შენი შვენება სრული,
 თორემ ძარღვებში გაყინდა სისხლი
 და კაეშანმა მოიციო სული!

2

ჰო, ეგრე, ეგრე... ვიშ, რა რიგ გშვენის
 განიერ მხრებზე ოქროს პორფირი!..
 შენდა საქებრათ ხამს ენა ბრძენის,
 ენა-მეტყველი, ენა-მოქნილი!
 ვისმა ტიტინმა ხელმა აგზიდა
 შზის სამეფომდე, ვით ნათლის სვეტი;
 ან აღმასები ყურთ ვინ დაგკადა,
 მოგაზურმუხტა უცხოთ საქვრეტი?!

3

ზურმუხტ კულულებს, მხარ-ბეჭზე დაყრილს,
 როცა გივარცხნის სიო ფრთამაღი,

მეც შენს კალთებსა, ფრთებსავეთ დახრილს,
 თავსა ვაფარებ, ვით ტყესა ალი.
 და ფიქრი ჩემი, მოუსვენარი,
 ელვის სისწრაფით გველება თავსა
 და შენთან ერთად მუსიკობს ქნარი
 და მივაკურებ ოცნების ნავსა.
 თვალწინ მიდგება ის ღრო ნეტარი,
 როდესაც შენით დასტკბება ერი,
 ყვლას ერგება შენი ნექტარი,
 ყველა იქნება სვე-ბედნიერი!

ჩემს ჩანგს

დღეს ჩვენი დღეა, ჩემო ჩანგო, დღეს ჩვენი დღეა
 და ჩვენცა გვმართებს გადვიხადოთ დიდი დღეობა:
 მოვიხშოთ მუზა, ქოხის კარი დავტოვოთ ღია,
 დე სხვებმაც ნახონ ჩვენი ლხინი, ჩვენი ღრეობა.
 დავსხდეთ და ლხინში მოვიგონოთ ჩვენი წარსული,
 თუ რა გადაგვხდა, რა შეგვემთხვა ეკლიან გზაზე
 და სათითაოდ ჩამოვთვალოთ ნასმენ-ნახული,
 წამების ჯვარი როს მიგვექონდა იქ, გოლგოთაზე!
 ოკი წელია, რაც ამ გზაზე დავიარებით,
 ოკი წელია, რაც რომ ვებრძვით უკუღმართობას,
 აივსო გული შხამ-ნაღველით და იარებით,
 მაგრამ ჩვენ მაინც იგი ვვიყვარს, არ ვუთვლით გმობას.
 ნურც ვუღალატებთ, ისევ ისე ვიაროთ მაზე,
 რაკი ერთხელვე ავირჩიეთ მებარეობა,
 ვრეკოთ და ვრეკოთ, რომ მის ძლიერ გუგუნის ხმაზე
 აღსდგეს ქალაქი, აღსდგეს დაბა, აღსდგეს ხეობა!
 ჰო, მართალია ბევრჯერ ვნახეთ შუმოლამება,
 მაგრამ ვიხილეთ განთიადიც ვარდისფერ ფრთებით,

როს აღმაფრენას დაემონა სულის წამება,
 აზვირთდა ხალხი და მტარვალებს ეკვეთა გზნებით.
 ამან აანთო ამ ჩვენს გულში რწმენის ლამპარი,
 ამან აღზარდა ამ ჩვენს სულში უდრეკი ნება...
 დე სხვებს ეგონოს ჩვენი მრწამსი მხოლოდ ზღაპარი,
 ოღონდ ჩვენ გვრწამდეს ახალ აღთქმის ახალი მცნება!
 1918 წ.

წალვერს

მე ისე მიყვარს შენი რუ, ველი,
 მე ისე მიყვარს შენი მთა-გორა,
 როგორც ქართველებს შოთა რუსთველი
 და ინდოელებს რაბინდთაგორა!

როს შენს მწვერვალებს, თავნაბულულებს,
 ბროლ ნაკადებით შემოსალტულებს,
 მზე თავს დააყრის ოქროს კულულებს
 და დაამსგავსებს ლამაზ ქალწულებს, —

მეც, შენს კალთაში შეფარებული,
 შენს ხუჭუჭ ნაძვებს და შენს ნაკენჩხლებს
 ვკოცნი, ვით სატრფოს შეყვარებული,
 და ლექსათ ვაფრქვევ გრძნობის ნაკვერჩხლებს!

მე ისე მიყვარს შენი რუ, ველი,
 მე ისე მიყვარს შენი მთა გორა,
 როგორც ქართველებს შოთა რუსთველი
 და ინდოელებს რაბინდთაგორა!

30 ივლისი, 1919 წ. აგარაკი წალვერი.

გონს მოდით

1

წითელმა მამალმა იყივლა... გათენდა
 თავისუფლების დილა მზიანი.
 ჩაგრულთა უბნები დროშებით დაშვენდა...
 აელერდა ჩანგი ამო ხმიანი.
 შავ-ბნელი წეს-რიგი მიწაში ჩასვენდა, —
 ნიშნათ სამარე მოსჩანს ჯვრიანი.

2

მაგრამ რა? ცხოვრების დიდი ზღვა კვლავ ღელავს,
 ტალღები ტალღებს ისევ აწყდება;
 ხან მარცხნივ, ხან მარჯვნივ მახვილი კვლავ ელავს,
 მსხვერპლი და სისხლი მაინც არ წყდება;
 შიმშილი, წყურვილი წინსვლის გზას კვლავ ქსელავს,
 მის ლაბირინტში ვინ უწყს რა ხდება!

3

წითელო მამალო! მითხარი, მახარე,
 სადა აქვს ტანჯვას ბოლო, საზღვარი,
 და იმით დამატკბე, და იმით მახარე,
 ამინთე გულში რწმენის ლამპარი,
 თორემ, ჰა, შევებისა დროშა ძირს დავხარე,
 სევდა მეუფლა, სევდა, საზარი!

4

ეი! თქვენ, ერთმანეთს რომ ჰგლეჯთ და რომ წეწავთ,
 რათ ემსგავსებით სულით სნეულებს?
 ნუთუ მტერთ, სისხლის მსმელთ, კარებზე ვერ ხედავთ,
 შიგნით და გარეთ შემოსეულებს?
 გონს მოდით! — თუ მართლა ხალხის ბედს კი სქედავთ —
 ერთად ეკვეთეთ, ერთად, წყეულებს!

საღამო ბათუმში



მზე სხივნართი დასავალზე შლის ვარდისფერ ფარჩის საბანს,
დასაწოლათ ემზადება, ზღვის ქველებში ახლად ნაბანს
თავზე იხვევს ოქროს თმებსა, ხელოვნურათ იქუჩუჩებს,
რომ ხვალ დილით კულულებათ დააყაროს მთის ქუჩუჩებს.
ზღვა ირწევს, ხუჭუქ ქველებს ქარვის ტბაში წყნარათ აელვებს
და ცისკიდურს უერთდება, მკერდზე ვარაყ შემონავლებს...
იქ კი, შორს, შორს, ჰორიზონტზე, ნავი არღვევს ტალღათ
რკალებს,
შიგ ზის ღამის დედოფალი, აელვარებს გიშრის თვალებს.
ნიავეს ფრთები გაუშლია, კიდევ-ნაპირს დასისინებს,
აქ წერწეტ ნაძვს შეატოკებს, იქ ალვის ხეს აშიშინებს;
ხან ყვავილებს გადაჟურცლავს, ჭრელ მარმაშის კაბას ახვევს
და ბინდბუნდით მოცულ ქალაქს სურნელების ზღვაში ახვევს...

სულს დაეუფლა წითელი ფიქრი

სულს დაეუფლა წითელი სიტყვა,
სულს დაეუფლა წითელი ფიქრი,
არც იგი ვიცი, საიდან მოველ,
არც იგი ვიცი, საითკენ მივქრი;
მაგრამ პურობილი წინსვლის ჟინითა,
მეც სხვებთან ერთად მივეშურები,
თუმცა არ ვიცი ღმერთს უკმევ გუნდრუქს,
თუ ტარტაროზსა ვემსახურები;
განუსაზღვრელი ქეშმარიტება
არცა ყოფილა და არც იქნება,
მუდამ იცვლება მისი არსება:
რაც დღეს წმინდაა, ხვალ კი — იბრწნება.
მაგრამ დღეს რაც მრწამს, იმას ვსცემ თაყვანს,
თუნდ მატყვილებდეს შეგნება ჩემი:

ძირს არ დაუშვებ გაშლილ იალქანს,
 ვიდრე ნაპირთან არ მივა გემი!

მივალწევ მიზანს? თუ სადმე გზაზე
 კლდეს შევებლები, ვიქცევი მტრადა?—
 ეგ შემთხვევაა და მეც ამაზე,
 აბა, მითხარით, დაკფიქრდე რადა?

სულს დაეუფლა წითელი სიტყვა,
 სულს დაეუფლა წითელი ფიქრი,
 მიგორავს ტალღა, წითელი ტალღა,
 და მეც იმასთან მივქრი და მივქრი!

მე მტერს ვეძებდი

მე მტერს ვეძებდი...
 და მოძმე კი დამიდგა წინა,
 აკვნესდა სული,
 თვალზე ცრემლი ჩამომედინა
 და ძირს დაფუშვი
 ბასრი ხმალი ზე ამართული.
 ან კი რა მექნა?
 მოძმისათვის გამეპო გული?—
 ეს ხომ ღალატი იქნებოდა
 და უგნურება!
 მან კი? ოჰ, მან კი
 ვერ შეიგნო ეს წმინდა მცნება!
 მე, მისი მოძმე, არ დამინდო,
 ვით მტერმა მტერი:
 ზურგში ჩამარქო
 ვერაგულათ მახვილის წვერი!
 მე სისხლისაგან ვიწურები,
 ის კი ხარხარებს:

ვერ გრძნობს უგნური
 მით საერთო მტრის გულს ახარებს!
 ეი, ძმობილო! გონს მოეგე,
 გააღე თვალი,
 თორემ დაგწყველის
 ისტორია და მომავალი!
 საშიშ უფსკრულის
 წინ რომ ვდგავართ, ვერ ხედავ განა?
 მომეცი ხელი, ერთად ვიხსნათ
 ჩაგრულ ქვეყანა!

1918 წ.

დე მასვე ღარჩეს

ციკარზე ნაშობს ოცნებებს, ფიქრებს
 კუბოთ დაფუწნი ლამაზათ რითმებს,
 არ მოვისვენებ,

შიგ ჩავსვენებ

და დავასვენებ

საკურობეველზე ტანჯულ ერისა.

დე კვნესა ჩემი ჩანგის ელერისა,

ბურანში წისულს,

გკლით დაკაწრულს,

მის წამებულ სულს

ესმოდეს მარად, მთაში თუ ბარათ,

ხან ბრძოლის ჰიმნათ, ხან გლოვის ზარათ!

ეს ია-ვარდი,—

შვება თუ დარდი,—

ცრემლით ნაზარდი,

ხომ მის ბაღაში მოკრფედილია?

დე მასვე ღარჩეს... მისთვის ტკბილია!

წითელი განცდა

(გ. ქუჩიშვილს)

გუშინ, ძმობილო, წითელ ზღვაში მიმოვცურავდით,
 წითელ ქვეყნისკენ მიგვაფრენდა ფიქრი მზიანი,
 განცდილ სიამეს გრძნობის თასში ცრემლათ ესწურავდით,
 ვგრძნობდით—ვიყავით სრულყოფილი აღამიანი!
 თავისუფლების წითელი მზე სხივებს გვაყრიდა,
 წითელ არწივებს გაეშალათ წითელი ფრთები
 და წითელ ტყეში, ვიდრე მწუხრი ბინდბუნდს დაპყრიდა,
 დანავარდობდნენ და ყიოდნენ მომავლის ძმები!
 ჩვენ შევყურებდით... სიხარულის წითელ რითმებში
 წითელ მაისის წითელ ლექსებს ვარდებათ ვშლიდით,
 და დავცურავდით წითელი ზღვის წითელ ზვირთებში
 და გამარჯვების სადღერგძელოს ვსცლიდით და ვსცლიდით!
 19 აპრილი 1917 წ.

სიძღვრა

(ვატა-ფშაველასებური)

მეც ჩამითრია ცხოვრებამ,
 დავყვები ტალღებს მისასა,
 ვერ ვისმენ საიდუმლო ხმებს
 გუმბათად შეკრულ ცისასა,
 თუმც ადრე, სიქაბუკეში;
 მეც დავდიოდი ღვთისასა.

ახლა კი? ახლა ცხოვრებას
 უურს ვუგდებ, ვეხმაურები:
 რაც მომწონს — ქებით ვიხსენებ,
 რაც არა—ვეზაურები...
 ხომ იცით, ცხოვრება ზღვაა
 და ჩვენ კი მეზღვაურები!

და მეც, ვით შეპყრეს მეზღვაურს,
 ნავს დავაცურებ სწრაფათა,
 ვუსვამ და ვუსვამ ნიჩაბსა,
 ვსკრი ტალღებს, ქცეულს ქაფათა. .
 ფუი მას, ვინაც მიზნისთვის
 შრომა ჩათვალოს ჯაფათა!

ვიცი ნაპირი შორსაა,
 გზა მეტის მეტათ გრძელია,
 დაბრკოლებათა მთები სდგას,
 მათი დაძლევა ძნელია,
 მაგრამ მძებნელი სატრფოსი—
 „ხელქმნილი“ ტარიელია!

1915 წ.

მოწოდება

დღეს ლამაზ სიტყვებს არ ვეძებ,
 არც მხიბლავს რითმთა მრავლობა,—
 დღეს ცეცხლის სიტყვა მჭირია,
 რომ შევთხზა ბრძოლის გალობა...

აპოლონ! გემუდარები,
 მოიღე ჩემზე წყალობა!

მინდა სამშობლოს გასაჰკირს
 შევეუქმნა ჰიმნი ახალი,
 რომ აღვძრა მისი შეილები —
 ტანზე აისხან ფარ-ხმალი,
 თორემ რომ ვხედავ ობლიათ მყოფს,
 გულზე მედება, ახ, ალი!

ის, ვისაც ხელი შიფეცით,
 ვისთანაც გვსურდა ღრეობა,—
 დღეს უგნურებამ მოიცივა,
 სრულად გაეხრწნა ზნეობა:

შინ ძმას ჰკლავს, გარეთ, მოსეულს
 მტერს კი დაუთმო მძლეობა!

ამ გვარ ყოფაში ჩვენ რა ვქნათ?
 კვლავ მასთან ერთად ვიაროთ?
 მაშინ ხომ მისი სვე-ბედი
 ჩვენც უნდა გავიზიაროთ?
 არა! სჯობს დროშა უმწიკვლო
 საკუთრათ ავაფრიალოთ!

ეს ხომ ლაღატი არაა:
 დაცვაა თავის თავისა.
 ვინც გვიძმობს, ჩვენცა ვეძმობით,
 არ ვართ მსურველი ავისა...
 ვაი მას, ვისაც არ ძალუძს
 გარჩევა თეთრ და შავისა!

ეი! ისმინე მოძმენო,
 მცხოვრებნო მთად და ბარადა,
 კახნო, იმერნო, გურულნო,
 ფშაენო, ლომ-გულნო მარადა,
 გეძახით დედა-სამშობლო,
 შემოკრბით მის გარს ჯარადა!

მრავალ გზით დაქრილს, დღეს კიდევ
 ელის ახალი ქრილობა,
 რომ ეს არ მოხდეს, იცოდეთ,
 გვმართებს სიმხნე და ფრთხილობა,
 ამას გვაგალებს მომენტი,
 სიბრძნე, მამულიშვილობა!

ტყვილათ გვაწოვა მან ძუძუ?
 ტყვილათ გვიკრავდა უბეში?
 ის ჩვენი ტკბილი დედაა,
 ჩვენც გავხდეთ მისი ნუგეში!
 რალა ვიქნებით, თუ იგი
 ჩაახრჩევს სისხლის გუბეში?!

მაშ ნუ ვაყოვნებთ, აბჯარი
 ავისხათ ძველებურადა,
 საზღვარზე დავდგეთ დარაჯათ,
 მტერს მივეგებოთ მტრულადა:
 ან არსებობა დავიცვათ,
 ან გავწყდეთ ბარემ სრულადა!

ჩვენ ვალფივებდით მუდამ ცეცხლს
 თავისუფლების კერაზე, —
 ნურც დღეს შევდრკებით მოსეულ
 მტერთა მახვილის ჩხერაზე...
 დავფიქრდეთ, ძმებო, დავფიქრდეთ
 სამშობლოს ბედის წერაზე!

1918 წ.

კ უ რ ი ა ს

მუდამ მიყვარდი, გურიავ,
 მოკისკასევ და შშიანო,
 მტრის — მტრულად მიმგებებელო,
 მოყვასთან — თავაზიანო,
 ქირში — კლდევ, გაუტეხელო,
 ლბინის ღროს — ამო ხშიანო!

მაგრამ დღეს ტრფობა შენდამი
 კვლავ უფრო მიასკეცდება;
 ვინც დამიწუნებს ამ გრძნობას,
 ვფიცავ ჩანგს, დიდათ შეცდება;
 ერის შვილს, შენზე უკეთესს,
 ის განა სადმე შეხვდება?

დღემდეც შენ გეპყრა, ვაჟკაცო,
 თავისუფლების კანდელი;
 მთელ საქართველოს მაქედან
 ეფინებოდა ნათელი;



შენ იყავ მისი ამირან,
 შენ იყავ მისი შავთელი!
 და დღესაც, როცა მახვილით
 კარზე მოგვადგა მტარვალი,
 რომ დაგვიბნელოს ისევე
 მზე, ახლად ამომავალი, —
 შენვე პირველობ, ვერ გაკრთობს
 გზა სახიფათო სავალის...
 ვაშა ჯაფარო ერისა!
 იკურთხოს შენი სახელი!
 გაქებდეს ცა და ქვეყანა,
 შენი გმირობის მნახველი!
 ნუმც გარხარებს ამიერ
 შენი მტერი და მძრახველი!

საქართველოს მკვს

შენ დღეს ამოდი და თუმცა ჯერ ვერ პრწყინავ ძალზე,
 მკრთალი ხარ, მკრთალი, გარს გარტყიან ღრუბელთ გუნდები,
 ჩვენ შაინც გვხიბლავ, სიხარულის ცრემლებს გვვრი თვალზე:
 აშკარათ ვხედავთ—იმსხვრევიან შავი ხუნდები.
 გაიკაშკაშე, შორს გასტყუარცნე სხივთა კონები,
 დე იგრძნოს ყველამ, რომ არა ვართ ისევ მონები!
 შენ ხომ შეგმოსა, ჩემო კარგო, ნანატრმა სხივმა,
 სხვებსაც მოფინე ეგ დიდება შუქ-სხივოსანი,
 დე ვერ იხაროს შენს სხივებს ქვეშ სუსხმა ფრთა-ცივმა,
 დე აქიკვიკდეს შენი ეშხით ტკბილათ მგოსანი:
 მაშინ იქნება სრულ ყოფილი დიდება შენი!
 მაშინ ვიხარებთ კმაყოფილნი ჩვენც, შენი ძენი!

ბაკურიანიში



აჰა, მხარე ედემის დასადარი,
 აქ წერწერ ფიქვთ, იქ ხუტუქ ნადვთ, ნაკერჩხლებს,
 მხარს უშვენებს წიფელა და ქანდარი,
 და თავს აყრის მზე სხივების ნაკვერჩხლებს!

ვიშ, ნაკადიც, ბროლ-თვალეზა, ცივცივი,
 კლდიდან კლდეზე მოჰხტის, მოსჩქეფს, რძისფერი,
 და მის აღმას-მარგალიტებს, ვით შივი,
 გულზე იბნევს ყვავილები ცისფერი!

ეს ბუჩქებიც, კულულებათ დაყრილი,
 რა რიგ შვენის ჯიხვთა ბუდეს—სალკლდესა;
 ქვეშ ფერდობი, ფრთებივით ძირს დაბრილი,
 გარს რომ ირტყამს ნაკადულის სალტესა!

ახ, შემოქმედს, ამ უდიდეს ხელოვანს,
 რა ლამაზათ დაუხატავს ყოველი!

ეჯიბრება ცისარტყელს შვიდ-ფეროვანს
 ფერადებით სულ-ჩადგმული, ცხოველი!

მაგრამ, ვაგლახ! ამ სამოთხე მხარეში,
 სადაც უნდა მღერდეს შვეების ღვთაება,—
 განუწყვეტლათ ისმის არემარეში

მხოლოდ ლტოლვილთ გულ-მომწყველელი ვაება!

მხარეც ტურფავ, ეგრემც მუდამ იხარე,
 შენს კალთას ქვეშ ობლათ შემოფარებულთ,
 განარიდე ტანჯვა და სიმწუხარე,
 გაუწოდე ძმური ხელი წამებულთ!

ჩვენს კულტურას მათ დაურწეს აკვანი,
 გაგვიზარდეს დიდი შოთა, სხვაც ბევრი,
 მით დაამხეს უმეტრების საკანი,
 მოგვცეს ენა ოქროვანი და მჭევრი!

მაგრამ დღეს კი, ურდოთგან დარბეულნი,
 მოწყვეტილნი მშობლიურ სახლ-კერასა

მშიერნი და ძონძებში გახვეულნი,
 აქ ღაძრწიან, გმობენ ბედისწერასა!

ემ, სამშობლოვ! ვიცი, ცოდვით იწვები,
 როცა ხედავ შენთა შვილთა წამებას,
 მაგრამ მათ ჭირს უძლური რით მისწვდები?
 რით-ლა შესძლებ მათ ტკივილთ დაამებას?

1918 წ.

ზ ე ი მ ი

ციე შემოდგომის ყვითელ დილაზე,
 როს სევდის ქარვა მეკიდა გულზე,
 თვალთა წინ მეღვა შენი სინაზე
 და ვოცნებობდი შენს სიყვარულზე,—
 გამომეტებადა შენი შიკრიკი
 და შენს მოსვლაზე იწყო ქიკქიკი.

გამიზაფხულდა. შეგების ვარდებით
 შეიმკო ჩემი სიცოცხლის ბალი.
 დარბაზი მოვრთე ძვირფას ფარდებით
 და დავაშვენე ქალებით თალი.

ვუხმე მაყრიონს, მოვენზადენით...
 და, ჰა, შენც მოდი, აგვაესე ლხენით!

ახლა ჩვენთან ხარ, გიხდით დღეობას,
 სადღეგრძელოს ვსვამთ ახარფაშებით
 და, დედოფალო, შენსა მზეობას
 წითელ ლექსებით ვევაშვაშებით.

საუკუნეთ ღირს ამ განცდის წამი...
 კურთხეულ იყოს მარად ეს ეამი!

1919 წ.

1 მ ა ი ს ი

ბუნების წიაღში მაისი ათრთოლდა,
 კოკობ ვარდს თვალებში უბრწყინავს აღმასი,
 მთას მოსწყდა ზეფირი და ველზე აქროლდა,
 ბიბინებს ჯეჯილი ლურჯი და ხასხასი.

ჩაგრულთა უბანშიც დღეობა გათენდა,
 ქოხებში შეიქრა იმედი სულ-მნათი...
 ხომ ხედავთ წითელ ტყეს, ქუჩებს რომ დაშვენდა?
 მოდით და იხილეთ მომავალის სურათი!

1919 წ.

თფილისი 1 მაისს

ახ, რა ლამაზი იყო გუშინ ჩვენი თფილისი,
 ისე შევწოდა აღისფერი ალამ-ბანტები,
 ვით ყაყაჩოსა მოციმციმე ცვარი დილისა,
 ან მზისუნახავს ბროლის ყელზე ბრილიანტები!

ყველგან სცვივოდა სილაღის და შეგების ვარდები,
 არვის სახეზე არ ტიროდა ფიქრი დაღლილი,
 ისე ცეკვავდენ შავ თვალებში განცდის ლანდები,
 როგორც შუადღის მზის სხივები ტბაზე დაღვრილი!

ღელავდა ქუჩა, აღ-დაკრული, ფაფარ-აყრილი,
 ისე ხიბლავდა სიდიადე ყველას იმისი,
 ვით განთიადი, ფირუზ მკერდზე ვარდებ დაყრილი,
 სად თინათინობს მზის ასული სახე ყირმიზი!

ახ, რა ლამაზი იყო გუშინ ჩვენი თფილისი,
 ისე შევწოდა აღისფერი ალამ-ბანტები,
 როგორც ყაყაჩოს მოციმციმე ცვარი დილისა,
 ან მზისუნახავს ბროლის ყელზე ბრილიანტები!

1919 წ.

ჰაუ! ჰაუ!

ჰაუ! ჰაუ! ყვავ-ყორნებო!
 ნუ მიწუხებთ მშობელ დედას;
 ბევრი ჭირი აიტანა
 და გაუძლო ბევრ შავ სევდას;
 თქვენს ჩხავილსაც გადაიტანს
 და გაძახებთ „ვაი-დედას!“

ავათ იყო, მაგრამ მოარჩა,
 მაგრათ უცემს ახლა გული:
 დაუბრუნდა კვლავ სიცოცხლეს,
 სასიკვდილოთ გათანგული...
 დღეს შვილებიც მხარს უშეენებს,
 დღემდე მისთვის დაკარგული.

დიდი ჰქონდა მოთმინება,
 სულგრძელობას არც დღეს ჰკარგავს.
 ის სიკეთის მიჯნურია:
 ძმობის დროშას ჰქსოვს და ჰქარგავს..
 ვაი იმას, მის ბაღჩაში
 ლალატის ბუჩქს ვინცა დარგავს!

ქუჩებში

მზე მიიწურა. ტახტზე დაჯდა შავ-პირი ზანგი.
 სახეტიალოთ გამოვედი ფართო ქუჩებში,
 აფყვ-დაფყვი, შევერიე ხალხის ქუჩებში,
 და კვლავ იმედით შეიმოსა ნატირი ჩანგი.

ექ ტანჯვის ცეცხლი ხმაურობდა და ბრძოლის ჰანგი,
 ვით ზღვის ტალღები, გუგუნებდა და იშლებოდა.



მეტს ვერ ითმენდა კაცის ჰკუა და იშლებოდა:
სურდა გულიდან მოერეცხა შიშ-ძრწოლის ენგი.

—
და დაჰკრა კიდეც და დასცვიინდა ძირს ბორკილები:
განთავისუფლდენ სამუდამოთ ხელ-ბორკილები.
სიცოცხლის ჩანგი აწკრიალდა. მოკვდა წამება.

—
და გულს, დამწვარსა სევდის აღით, დამდნარს წამებით,
შხამ-სამსალა სმულს მრავალ-წლობით, განა წამებით, —
ნეტარების მზემ გაუცინა, მოხვდა ამება.

1919 წ.

დამწვარი სული

სიკაბუკეში არ მინახავს სულის მშვიდობა,
ვგრძნობ, ვერც ვიხილავ, ისე ჩავალ ცივ სამარეში...
რათ დავიბადე, თუ შემქამდა სოფლის ფლიდობა
და გავხდებოდი ბედის მონა, პირისფარეში?!

—
მე აქ მოვედი ხელოვნების წმინდა მსახურად,
ეპ, უნდო ხვედრმა ფულის ყუთთან დამიდგა ქსელი:
დაშრა აუზი შთაგონების — ეს სულის მწველი,
და ახლა მხოლოდ ჩოთქ-დავთარი დამაქვს ჩანგურად!

—
მე სილამაზეს დავეძებდი ცხოვრების ველზე,
მაგრამ გრძნობის სიმს შხამი მოხვდა და დააწყლულა:
მასაქეთია სევდის მერანს მოვექდე ყელზე,
ტანჯულ სიცოცხლემ წამების გზა ვერ დაასრულა!

—
ობლად ვიდოდი. მეგობრები თუმც ბევრი მყავდა,
მაგრამ აღერსი არ მრგებიოა წრფელი და ნაზი.



უთანაგრძნობოს საპყრობილეთ მიჩნდა დარბაზი:
გულს მიჯდა მღილი მარტოობის და ნელ-ნელ მბრავდა

ბრძოლა მიყვარდა, არ მინახავს ველი ბრძოლისა,
და ისე ვჭკნები დამწვარ ფიქრთა უხმო თარეშში,
ვით მზე ასული, მომწყვედელი კოშკში ბროლისა,
ან შავი მუშა ბნელ სარდაფის სიმწუხარეში!

ახ, ერთხელ მაინც გაეშალა ფრთა გიჟურ გრძნობას
და გაეყოლოდი აღტყინებულ ქარიშხლის ღელვას,
ყელთ მოვხვეოდი მგრგვინავ ტალღებს, ცეცხლფრთიან ელვას, —
მთელ ჩემ სიცოცხლეს შევსწირავდი ამ წუთის ტკბობას!!
1919 წ.

თავისუფალ საქართველოს

(26 მაისის გამო)

დღეს კიდევ უფრო გაანათებ, ასხივფერდები,
გადაიშლება შენს ქუჩებზე წითელი ტვერი,
აყივლდებიან არწივები იქ ბევრზე ბევრი, —
და დაინახავს შენი მტრები, რომ არ ბერდები!

დღე გაიგონ, რომ შენცა ხარ მსოფლიოს წვერი,
გიყვარს სიცოცხლე, განსაცდელის წინ არ ჩერდები,
უკეთეს შვილთა სისხლით მორწყე კლდე-ღრე, ფერდები
და სამუდამოთ მოიშორე მონაობის კვერი!
და ეს იქნება უკეთესი საბუთი, მქვერი,
როს გეწვევიან უცხოეთით თეთრი მხედრები,
რომ მოკრძალებით მოიხარონ შენს წინ ქედები,
არ მოვიხადონ უნებურათ მარანში ქვევრი!



დღეს კიდევ უფრო გაანათებ, ასხივფერდები, გადაიშლება შენს ქუჩებზე წითელი ტევრი,
 აყვილდებიან არწივები იქ ბევრზე ბევრი, —
 და დაინახავს შენი მტრები, რომ არ ბერდები!
 1918 წ.

უხილავი მხარე

როცა ტოროლა ცისკენ ნავარდით
 მიჰქრის, თალხს იძრობს კავკასიონი,
 ფეთქავს ცისკარი, გულ-მკერდ ნავარდი,
 გუგუნებს ხარი ძველი სიონის, —
 მეც ვტოვებ ბინას, ვით ცაზე მთვარე,
 მივცურავ წინ-წინ, რწმენის აღმართით,
 ვუახლოვდები უხილავ მხარეს,
 განცდის ცეცხლი მწვავს, სულის აღმანთი.
 სიხმრათ ნახული სატრფო-შევენება
 თვალ-წინ მიდგება დიდებით სრულით:
 ვეტრფიალები მე ამ ჩვენებას
 და ნეტარების ცათ მიჰფრენს სული.
 გრძნობათა სიმნი, ვით ვერხვი, თრთიან,
 მიმახვილდება ხედვა და სმენა, —
 მაშინ ვქმნი ჰანგებს მწველს, ცეცხლის ფრთიანს,
 წკრიალებს ჩანგი, მუსიკობს ენაც!

ახ, მეგობარო! იმ უცხო მხარეს,
 თუ წამომყვები, გაჩვენებ შენაც:
 სხვა გვართ ბრწყინავს იქ მზეც და მთვარეც,
 იქ სულ სხვა ხმები დავგიტკობს სმენას;
 იქ არე-მარეც სულ სხვა ფერია:
 წალკოტობს ბარი, ედემობს მთები;

იქ სიმღერასაც სხვაფერ მღერიან:
 ხალისიანათ და სულის გუნებით;
 იქ ვერ მოისმენ გულ-მომწყველელ კენესას,
 იქ არ იციან რა არის დარდი:
 ვარდები სცვივა ცხოვრების ხესაც
 და ფირუზი ცაც მანანას ბარდნის;
 თავისუფლების ტეცხლი ანთია,
 უმანკოების ლამაზობს თვალი;
 შრომის სუფევას ღვინო დართვია, —
 ცხოვრება იწვის სიცოცხლის აღით!

1919 წ.

დაკრილმა გულმა წამოისხა სევდის მანტია,
 ან კი უკეთესს სისხლის ზღვაში რას შეიმენდა?
 ეს შავი აწმყოს ნაჩუქარი ბრილიანტია
 მაშინ ვიბოვე, როცა ძმა ძმას ჰკლავდა, იჭერდა,
 და თან ვატარებ საშვენებლათ, თითქო ბანტია!

ახ, ნუ მიძრახავთ: თუ პოეტი მართლა სარკეა, —
 მასში უნდა ჩნდეს უტყუარათ ცხოვრების სახე,
 და ცხოვრება ხომ საშიშარი მოჭანდრაკეა:
 ხან იმედი გვფლობს, ხან კი გვახრჩობს კაემნის მახე...
 მე ვით გავექცე მის მსახვრალ ხელს ასე რაკია?

1918 წ.

საქართველოს არწივი

(აკაკი წერეთელს)

საქართველოს არწივმა დაამსხვრია გალია,
 ფრთა ფრთას ჰკრა და გაჰფრინდა, თავს მოეველო ამაყ მთებს,
 ცხოველ მყოფელ მზეს მისწვდა, იქ ნექტარი დალია,
 გამარჯვება დიადი მიულოცა მაშვრალ ძმებს.
 და ჩამოჯდა იქ, სადაც ჰქუხდა ბრძოლის ყიეინი,
 ბორკილი იმსხვრეოდა, ძირს სცვივოდა რგოლები,
 წითელ დროშებს გაჰქონდათ საამურათ ბიბინი,
 თავისუფლათ მღეროდენ გუშინდელი მონები.
 და იმანაც ხმა მისცა, ცეცხლი ცეცხლზე დაჰკვესა,
 ბევრი გული აანთო უშიშარი სიმღერით,
 მოყვარე გაახარა, მტრის სული კი აკვნესა
 და მოხიბლა მსოფლიო უჩვეულო სიმთ ჟღერით.
 დღეს კი აქეთ მოჰფრინავს შარავანდელ მოსხმული
 და მეც მსურს მივეგებო და შევძახო გზნებითა:
 მრავალ გზით ქირნახულო! შენ გმირი ხარ მორქმული
 და ღირსი ხარ გამკობდეს ერი ქებათ-ქებითა!

26 მაისი

1

მაისმა აისხა ვარდების ღილეები,
 ზურმუხტზე ალმასი მარცვლებათ დაჰყარა...
 ვაკისკენ მოიხმო დიდი და პატარა...
 შემოკრბენ ყოველ მხრით ქართლოსის შვილები.
 იწვიან დროშები. ყველგან ჰქუხს ნაღარა.
 გუგუნებს მიდამო. ზეიმი იზრდება...
 ქვეყანა ვინც იხსნა, ბორკილი აჰყარა, —
 მას ჩემი სალამი! მას ერის დიდება!

ხალხის შეგობრები დღეს ყველა აქ არის.
 ხედავ, ერის ბელადს, მზეს რომ ეცილება?
 შარავანდედ-მოსხმულს, შვენის გაცინება,
 ძვირფას მონაბოვარს თავზე რომ დაჰხარის.
 მას მხარს უშვენებენ ცეცხლი რაინდები.
 ამ სურათის ცქერა თვალს ვით მოსწყინდება?..
 ვინც დღე გაგვიტენა, ღამით ნაბინდები,—
 მას ჩემი სალამი! მას ერის დიდება!

ახ, ერთხელ მაინც...

თეთრი ღამეა... მოვნახე ველი,
 მიმოფენილი მწვანე ხალითა,
 ჩამოვჯექი ბუჩქთან და სატრფოს ველი,
 ვარღის ღაწვებზე გიშრის ხალითა.
 მაგრამ დრო მიჰქრის, ის კი არ მოდის
 და მოთმინების ძაფი მიწყდება.
 უკვე თენდება და მზეც, ჰა, მოდის,
 საცაა ღამის ლანდიც მიწყდება.
 ძუნწი ცხოვრება, უფერო, სადა,
 მომწყინდა... სატრფოვ! სადა ხარ, სადა?!
 მოდი! დამათვრე განცდათა გრძნობით.
 სევდათა ჟანგი გულზე მომბანე,
 გვერდით მომიჯექი, ტკბილათ მომბანე...
 ახ, ერთხელ მაინც მამღერე გრძნობით!

„ნატურის თებლი“

„გრძელი სიტყვა მოკლეთ ითქმის
შაირია ამაღ კარგი“.

შოთა.

თავი პირველი.

(ბნელით მოცულ ულრან ტყეში, სადაც მზის სხივები ვერ ატანს, აშშორებული ჭაობია. ამ ჭაობში ტანჯულ-წამებულნი ხალხი ლანდებივით დაბობდავს. ისმის საშინელი დრტვინვა ერთის მხრით, ხოლო მეორე მხრით—ბოროტ სულთა სიცილ-ხარხარი).

ხალხი (დრტვინვით)

ვაი, გვიშველეთ!.. აქ, ამ ჭაობში,
ვისრჩევბით ყველა დიდი ხანია!..
საით წავიდეთ, არ ვიცით, არა:
ჩვენ ტყვეები ვართ, ეს—საკანია!
გარს გვაკრავს ბნელი!..
გულს გვიღრღნის გველი!..
სად არის მხსნელი?!

ბოროტი სულნი (ხარხარით)

ხა, ხა, ხა, ხა, ხა!.. ხი, ხი, ხი, ხი, ხი!..
ამაოთ დრტვინავთ, ეძახით მხსნელსა:
ის ჩვენ ტყვეთა გვყავს, ტყვეთ, ცხრაკლიტულში
და თქვენ საშველათ ვინ მოგცემთ ხელსა?!

ხალხი (მრისხანეთ)

ბოროტო სულნო! ნუთუ არ კმარა
დასაბამიდან რაც სისხლი გვწოვეთ?!



აწ შორს, შორს ჩვენგან!.. გზა დაგვიცალღეთ!..
ჩამოგვეხსენით! ჩამოგვეთხოვეთ!
ვგრძნობთ მოვა მხსნელი!
'შუქს გვეფენს ნათელი!
გაჰქრება ბნელი!..

(ტყის სიღრმიდან მოისმის მზექაბუკის სიმღერა, რომელიც თანდათან ახლოვდება).

მზექაბუკი

ჰო, მახსოვს, მახსოვს, საღამოს ქამზე
ზღვის პირს ვიდგვი, გავსცქერდი ზვირთებს,
მზე კი კვდებოდა ცის დასავალზე,
სისხლით ჰქარგავდა ღრუბლებში რითმებს.
ცელქი ტალღები ვერცხლები ელავდენ
და მათ გედები მკერდით სერავდენ.
მეც გეღათ ვიქეც, ოცნების გეღათ,
ცხოვრების ზღვაში გავშალე ფრთანი,
მისკენ გავსწიე, ვინც მრწამდა ღმერთად,
დაბრკოლებათა გადავლე მთანი;
ვნახე ნარ-ეკლით გარს შემორტყმული,
თაყვანი ვეცი, მივუძღვენ გული.
მასაქეთია იმას ვუძღერი,
მით გავაჯერე მთელი სამყარო:
მინდა ჩემსავით ის მშვენიერი
სხვებსაც ვაწამო და შევაყვარო,
რომ ყველა მისი ტრფობით იწოდეს,
თავ-განწირული მისთვის იბრძოდეს!

(შემოდის ჩიჩაღდნით ხელში და ყველაფერი განათლდება. სინათლის დანახვაზე ხალხი ჯერ შეკრება, თუალებზე ხელს იფარებს, მაგრამ თანდათან ეჩვევა და ბოლოს აღტაცებით შეჰყურებს).

ეი, ისმინეთ, ტანჯვის შვილებო!
თქვენს მწარე კენესას სულ განაბული

მე ყურს ვუგდებდი შორი-ახლოდან
 და თქვენთან ერთად მიწუხდა გული.
 თან ჩამძახოდა იღუმალის ხმა:
 „წა, უწინამძღვრე დატანჯულ ხალხსო
 და მიიყვანე ალთქმულ მხარეში,
 დახსენ გასაჰირს, ვი-ვაგლახსო“.
 და, ჰა, მოვედი. თუ გამომყვებით,
 ქვეშარიც გზასა მე მიგასწავლით...
 მაგრამ ჯერ მარქვით დაუფარავათ:
 ჩემ ნაჩვენებ გზას პირნათლად განვლით?

ხ ა ლ ხ ი

შხამათ შეერგოს დედის ტკბილი რძე,
 იმ გზიდან ვინაც გადაუხვიოს,
 ვინც შეუშინდეს თვით ჯოჯოხეთსა,
 განსაყდელის წინ ვინც დაიხიოს!
 ოღონდ გვასწავლე, ოღონდ გვიჩვენე
 გზა, სინათლისკენ პირდაპირ მსვლელი:
 ან მივალთ მასთან, ან ჩვენი სისხლით
 შეიღებება ცხოვრების ველი!

მწეჭაბუკი

კმარა! ისმინეთ: ხედავთ სასახლეს
 რქ, მთის მწვერვალზე ცამდის ამართულს,
 წინ რომ წალკოტი აჰყვავებია,
 მოჩუქურთმებულს, უცხოთ დახატულს?
 იცით ვისია თქვენ ის სასახლე?
 ვინაა მისი პატრონ-მფლობელი?
 შავი დევია, ბედკრულნო, თქვენი
 ბედნიერების დამამხობელი.
 ის რომ არ იყოს, მაშინ თქვენამდევ
 ჩამოატანდა სხივები მზისა,
 ამოაშრობდა ამ დამპალ ქაობს,
 სისხლს გაგიტობდათ ძარღვებში ისა...

ხ ა ლ ხ ი

- ოხ, ის წყეული, შეჩვენებული!
- ის უღმობელი, ის სისხლის მსმელი!
- როდის იქნება, რომ მოისპობა
სამარადისოთ მისი სახელი?!

მზექაბუკი

მაშინ, როდესაც მის ძლიერებას
დასცემს, დაამბობს ეგ თქვენი ხელი,
და ხელში იგდებთ იმ „ნატვრის თვალსა“,
რის წყალობითაც ბატონობს გველი!
(ხალხი ისევ ახმაურდება).

პირველი

ის ნატვრის თვალი უწინდელ დროში
ჩემს მამაპაპათ თურმე ჰქონიათ
და ქვეყანაზე კიდით კიდემდე
ტოლი, ბადალი არეინ ყოლიათ.
რასაც შესთხოვდენ, უსრულდებოდათ
და ნეტარებით ცხოვრობდენ ტკბილათ...

მეორე

ეს მართალია... მაგრამ პირველათ
სულ სხვას ჰქონია იგი ნამდვილათ...

პირველი

ვის?

მეორე

ვის და თვით ხალხს, მაგრამ რადგანაც
მათ არ სცოდნიათ თვისება მისი,
ვერ უხმარიათ და გადუგდიათ,
ვითარცა ჩვირი, რამ უფარვისი.
ბოლოს ჯადოქარს ერთ მათგანისთვის
მისი ღირსება უსწავლებია:

გამდიდრებულა... თვისი მოძმენი
 დაუმონია... უწვალგბია.

მესამე (აწყვეტინებს)

დღეს კი ის შავ ღვეს უგდია ხელში
 და ცხრაკლიტულში ჩაუკეტია...

მწეჭაბუკი

და არც დაუთმობს ნებით არავის,
 ამაზე ფიქრიც, ძმებო, მეტია!

(ამ დროს შემოიჭრებიან შავი ძალები და ატყვევებენ მწე-
 ჭაბუკს).

ხალხი (სასოწარკვეთილებით)

ჰოი, წყეულნო! სად მიგყავთ, სადა?!

შავი ძალები (დაცინვით)

ჩვენ ამისათვის მზადა გვაქვს, მზადა,
 სასახლე ვრცელი,
 ტურფა, ნათელი:
 იქ მოვათავსებთ...
 შვებით ავავსებთ.
 ვფიცავთ, ბუზსაც კი
 არ მივაკარებთ,
 ხელით ვატარებთ
 და ვანეტარებთ!

მწეჭაბუკი (მზნეთ)

მშვიდობით, ძმებო! იყავით მტკიცეთ!
 მე არ ვიქნები, — ნაცვლათ სხვა მოვა:
 თესლი ყამირში თუ კი დაეცა,
 რაც უნდა მოხდეს, მაინც ამოვა! (გაყავთ)

თავი მორამი



(განთიადია. თვალუწვდენელ ციკაბო კლდეზე ამართულ კოშკში, რკინის ბადით დახლოართულ სარკმელთან სდგას მზეჭაბუკი და ვარდისფერად აფერადებულ ცის კიდურს გაჰყურებს).

მზეჭაბუკი

შეკრთა ღამე. აღმოსავლეთს
გულზე ცეცხლი მოეკიდა.
ლაქვარდს მოსწყდა მარგალიტი,
ფოთოლს ყურზე დაეკიდა.
მთის შიკრიკმა—ცელქმა სიომ
სანაფარდოთ ფრთა გაშალა,
ბუჩქ-ბალახებს ხუჭუჭი თმა
აუბურძგნა, აუშალა.
ფართოთ გაშლილ მწვანე მთა-ბარს
მოერიო პირზე ღიმი...
იაღონმაც ღამაზ ჩანგზე
გადასქიმა ვერცხლის სიმი.
ვიშ, ბუნება, მშვენიერი,
რა რიგ ხარობს, რა რიგ სტკბება!
მითხარ, მითხარ, განთიადო,
ჩვენთვის როდის გათენდება?!

(ტახტზე ჩამოჯდება და ღრმათ ჩაფიქრდება. შემოდის აჩრდილი სახე-ტანჯული და წელში ოთხათ მოხრილი, ბამბა-სავით თეთრი წვერი კოჭებამდე სცემს. მის დანახვაზე მზეჭაბუკი შეკრთება).

მითხარ, მოხუცო, ვინა ხარ შენა?
ან რათ გაქვს სახე ეგრე ტანჯული?

აჩრდილი

ხალხის სული ვარ, დასაბამიდან
წამების ჯვარზე ხელ-ფეხ გაკრული...

მზექაბუკი

აქ რომ მოსულხარ, რას ითხოვ ჩემგან?

აჩრდილი

ერთგულ სამსახურს, გულ-წრფელ სიყვარულს...
 სამაგიეროთ სამარადისოთ
 ტახტათ დაგიდგამ ამ ჩემ ტანჯულ გულს.

მზექაბუკი

შენ რომ მიყვარდი, კიდევაც მისთვის
 გამომანწყვდიეს ამ ოთხ-კედელში,
 სადაც მზის სხივიც ვერ იჭვრიტება
 და ვიშყოფები დღე და ღამ ბნელში.
 ამგვარ ყოფაში ვით გემსახურო?
 როგორ მოგწმინდო თვალზე ცრემლები?

(წამოვარდება)

ნეტა შემეძლოს, რომ მტვრათ ვაქციო
 ეს საზიზღარი შავი კედლები!

(აჩრდილი გაჰქრება. მზექაბუკი ტახტზე დაეცემა და ქვი
 თინებს. შემოდის სასოწარკვეთილება).

სასოწარკვეთილება

ჰო, ეგრე, ეგრე იტირ-იკვნესე,
 გულის ვარამი ცრემლებში ლესე...

ვისთვისაც გმინავ,

მას ვერ იხილავ.

აქ, ამ საკანში, ოხრათ ჩაკედები, —
 კუბოთ გექნება შავი კედლები!

მზექაბუკი (მწარეთ)

შე აქ ჩავკვდე, დავიმარხო
 და შენ კი იქ, ჩემო ხალხო,
 ქაობში და სიბნელეში
 უნდა იკვნეს-ივავლახო?!



ოჰ!.. ეს არის ჩვენი ბედი,
საუკუნით განაჰქედი?!
როდის გვიმღერს ხსნის სიმღერას
იმედისა თეთრი გედი?!

(შემოდის იმედი)

ი მ ე დ ი

გმირო! ნუ უგდებ ყურს მაცდურ ხმასა:
თავს უკვდავების გვირგვინი გიმკობს.
თამამათ გაჰყევ შენს გულისთქმასა,
მოვალეობა საითაც გიხმობს!
შავი კედლები ვერ დაგიჰირავს,
მტკიცეთ იყავი, ნუ კარგავ იმედს:
ვინც ხალხისათვის სიცოცხლეს სწირავს,
მის წინ სიკვდილიც კი მოიხრის ქედს!
მაშ წინ თამამათ! ხსნის განთიადზე
აღსდევ, ბნელეთის შემუსრე კარი!
ნუთუ ვერ ხედავ ჩაგრულთა ცაზე
უკვე გამოკრთა ძლევის ცისკარი?!

მზექაბუკი (ალტაცებით)

შორს ჩემგან, შავო ფიქრებო!
კმარა, რაც წიწკნეთ ეს გული!
აწ ვერვინ ისმენს ჩემს კვნესას,
თუნდ ცეცხლშიც დამწვან ტანჯული!
იმედის მთაზე კვლავ შევდექ,
ხელთ ვიპყარ რწმენის მახვილი,
დავწყველე უიმედობა
და მისი ამოძახილი!
დეე დამჩხავლე, ყორანო,
თავს დამხითხითე, სატანავ:
ტანჯვის ქარ-ცეცხლში ნაწრთობსა
ძალმიძს ყველაურის ატანა!
ლღეს თუ თქვენ ლხინობთ, ზეიმობთ,

ხვალ შე გადვიხდი ღღეობას:
 სატრფოს ტახტს დავსვამ, ქვეყანას
 ვაჩვენებ მისსა მშეობას!

(კუთხეში დაქანგებულ ჯაქვს დაინახავს და გახარებული
 აიღებს).

ჯაქვო! თუ ხშირათ ბორკილობას სწევ,
 ხსნაც შეგიძლია ხან და ხან, ვგონებ.

(სარკმელთან მივა, გამოგლოჯს რკინის ბადეს და ჯაქვს გა-
 დაბამს).

ბნელო საკანო! აწ კი მშვიდობით,
 ჩემს ხმას ვერასდროს ვერ გაიგონებ.

(ჩაჰყვება ჯაქვს და იპარება)

თავი მისამი

(ახალ გათენებულია. ტყის პირას სერზე სდგას მგოსანი
 ჩანგით ხელში და ღიღინებს).

მგოსანი

ფიქრმა შეიპყრო გული, გონება,
 სული მტერს მაინც არ ემონება
 ის ამაყია, როგორც არწივი,
 თავს რომ ევლებს თვალ-უწვდენ მთებსა,
 უყვარს ლაყვარდი, უყვარს მზის სხივი
 და სანაფარდოთ მძლავრათ შლის ფრთებსა.

სურს ჯოჯობეთის დაამზოს ბჭენი,—
 იხილოს დილა, შვების მომფენი!

როს შემოდგომის ქარი სისინებს,
 მზე სქელ ღრუბლებში წეება, იძინებს,
 ყვითლდება მღელო, ხუნდება ველი,
 ტყე იძარცვება, სცვივა ფოთოლი,

დამკნარ ვარდს ყელზე ეხვევა გველი,
 ბუნება ჰყენის, როგორც ობოლი,—

სული კი მინც გაზაფხულს ხედავს,
 მომავლის გრდემლზე ბრძოლის ჰიმნს სქელავს!

(ქვაზე ჩამოჯდება. სახეზე მოუთმენლობა ეტყობა).

ოჰ!.. სად არიან? რათ არ მოდიან?

რაა მიზეზი დაგვიანების?

ეგება კიდევ გადაიფიქრეს?

ეგებ შიში აქვთ შავი ძალების?

თუ ეს ასეა, ცავ! გეაჯები,

რომ დაიქექო, დაიგრიალო,

მონათ ქვეყანას თავს დავსცე მეხი,

გაანადგურო! გაატიალო!

ან კი რათ უნდათ მონებს სიცოცხლე,

რათ უნდათ ხედვა, რათ უნდათ ნიჭი,

როს ტანჯვის უღელს პირუტყვებრ ზიდვენ,

როცა ვერ ბედვენ წინ წასდგან ბიჯი?

(ხალხი გამოჩნდება. მგოსანი გახარებული წამოვარდება).

ახ, სად იყავით ამდენხანს, ძმებო?

ლოდინით გული გადამელია:

ხომ იცით ამდროს წამი საათობს,

საათი—დღეობს, დღე კი—წელია.

ხ ა ლ ხ ი

სიბნელის გამო გზა აგვერია...

მგოსანი (აწყვეტინებს).

რაც მოხდა, მოხდა... დრო საშურია.

ნუ ვიგვიანებთ, საქმეს შევუდგეთ,

ეგებ ასრულდეს, რაც სულს სწყურია.

გუშინ გითხარით და ახლაც გეტყვით:

ამაო არის ცრემლღის ფრქვევა;

ტანჯვის უღელი, წამების ჯვარი

მოთქმა-ტირილით არ დაიმსხვრევა.
 მზექაბუკმა სთქვა: „ხსნა ბრძოლაშია“,
 და ჩვენც ვიბრძოლოთ, გავსწიოთ წინა:
 აი, ეს არის ჭეშმარიტი გზა
 ყველგან, ყოველთვის, გარეთ, თუ შინა!
 თუმც მზექაბუკი დღეს სააკნში ზის,
 ჩვენშიც ბევრია მისებრ გულადი
 და ჩვენც მათ შორის დაუყოვნებლივ
 ამოვირჩიოთ, ძმებო, ბელადი.
 თქვენ რაღას იტყვით?

ხალხი (ერთხმად).

ამოვირჩიოთ.

ჩვენც ხელთ ავიღოთ ბასრი მახვილი
 და უკან გავყვეთ, რომ მოვიპოვოთ:
 ან გამარჯვება და ან სიკვდილი!

(მოისმის მომავალი მზექაბუკის სიმღერა).

მზექაბუკი

მუდამ ასე არ იქნება,
 მოვა ჟამი, დაჰკრავს წამი,
 სიხარულის დამქანარ ყვავილს
 გააცოცხლებს შვეების ნამი!
 უკვდავია ხალხის ძალა,
 უკვდავია ხალხის სული:
 დღეს თუ კვნესის, ხვალ იმღერებს
 ციურ ცეცხლით აგზნებული!
 და წინ გასწევს, წმინდა მიზანს
 უნანებლათ თავს შესწირავს
 და გაქცეულ ნეტარებას
 მოეწევა, დაიჭირავს!

ხალხი (გაკვირვებით)

— ნეტა ვინ არის?!

— არ ვიცი, მაგრამ

ხმა მზექაბუჯის ხმას კი ჩამოგავს...

-- ვინ იცის, ეგებ გასტეხა კოშკი
და ახლა ჩვენსკენ მოჰქრის, მოგოგავს...

(ერთხმით)

— ახ, ნეტა მართლა ის იქნებოდეს!

(შემოდის მზექაბუჯი).

მზექაბუჯი

სალამი თქვენდა, ტანჯვის შეილებო!
როგორც სჩანს, უკვე გაგიღვიძნიათ
და ემზადებით, გმირთა-გმირებო!
ჰა, მეც თქვენთან ვარ! მომეცით ხელი!
აწ და მარადის ერთად ვიაროთ:
ერთად სიცოცხლე, ერთად სიკვდილი,
ქირიც და ლხინიც გავიზიაროთ!
ვინც უღალატოს საერთო საქმეს,
სამარადისოთ იყოს წყეული,
ვერ მოიპოვოს სულის მშვიდობა,
მუდამ კენესოდეს, როგორც სნეულნი;
ყველა სწყევლიდეს, ყველა დევნიდეს,
არ იკარებდეს არც ვარეთ, არც შინ,
შხამ-კბილა გველი გულ-ღვიძლს უღრღნიდეს,
ეზიზღებოდეს თვით დედას...

ხალხი (აღტაცებით)

ამინ!

თავი მეოთხე

(მაღალ მთაზე ამართულ უცხო სასახლის წინ, აყვავებულ წალკოტში, ბროლის ტახტზე ზის შავი დევი. მის გარშემო ფერიებს ფერხული დაუბამთ და უმღერიან, ყოველ შემოვლაზე თითოეული მათგანი დაიჩოქებს მის წინ და ყვავილებს შეაყრის).

ფერიები

ცის ლაქვარდი,
მიწის მოლი,
ცელქი სიო,
ველათ მქროლი,
მთის ნაკადი,
კისკას-ბროლი,
შენ გიგალობს:
„არ გყავს ტოლი!“
ზამზახ-ვარდი,
ახლად შლილი,
ია, ბუჩქს ქვეშ
თავ-დაბრილი,
და სოსანი,
კორდს რომ ამკობს,
სურნელებას
გიკმევს, გატკობს!

ჩვენც, ფერია
მთელი კრება,
რომ დაგიცხროთ
გულის ვნება,—
ყვავილთ გიშლით
ფიანდახათ
და გიმღერით
ხმა-ტკბილ-ნახათ!
ნუ მოიწყენ,
გაიხარე,
იცინე და
იხარხარე:
ვიღრე ხელთ გაქვს
„ნატვრის თვალი“,—
გმონებს აწმყო,
მომავალი

შავი დევი (თავისთვის)

დღეს სულ სხვა გვარი მაქვს წინათ გრძნობა,
თითქო ჩამძახის ხმა იღუმალი:
უბედურება მოჰქრისო შენსკენ,
ვით შევარდენი, სწრაფი და მალი.
წინეთ სხვა იყო: ფერიათ კრიმანქს
ყურსა ვუგდებდი აღტაცებითა
და მათთან ერთად ვგრძნობდი სიამეს,
ვიმსჭვალეობდი ტრფობის ვნებითა.



დღეს მწარე ფიქრი, ყორნის ფრთიანი,
თავს დამსტრიალებს, დამჩხავის ავათ.
რაა მიზეზი? არ ვიცი, არა:

კუდი რამ მელის, თუ ვარ მე ავათ?
ახ, ვინ ამიხსნის ამ გამოცანას?
ვინ გამიქარვებს ამ ნალველს მწარეს?

(შემოდის კოჭლი დევი გაფითრებული)

ჩემო სარდალო! რას იტყვი ახალს,
რომ ესაღბუნოს ჩემ გულს მწუხარეს?

კოჭლი დევი (თაყვანისცემით)

გთხოვ, ნუ შემრისხავთ, ჩემო ხელმწიფევ,
თუ საწუგეშოს ვერაფერს გკადრებ.

შავი დევი

თუ კუდი რამის სათქმელად მოდი,
ფრთხილად: იცოდე არ დაგიმადლებ!
მაინც რა იცი?

კოჭლი დევი

აი, ეს არის

მივიღე ცნობა დასალონები:
მზექაბუკს კოშკი გაუტეხია...

შავი დევი (მრისხანეთ)

სად იყვენ მცველნი?! ოჰ, ის მონები!!
ახლა სად არის?

კოჭლი დევი

როგორც გადმომცეს,
საომრათ მოდის, თან მოჰყავს ჯარი...

შავი დევი (მთლად ანთებული).

გასწი! უბრძანე ახლავე ლაშქარს,
რომ შეჰკრან გზები, შეჰკრან მთა-ბარი!

(გამოჩნდება მზექაბუკი, უკან ხალხი მოსდევს სიმღერით).

ხ ა ლ ხ ი

დადგა წამი შურის გების,
 ხელთ ავიღეთ ბასრი ხმალი
 და მოვდივართ, რომ უკანვე
 დავიბრუნოთ „ნატურის თვალი“.
 წინ, წინ მედგრათ, ტანჯვის შვილნო:
 ჩვენი არის მომავალი!

კმარა დღემდე რაც ვიტანჯეთ,
 ცრემლთ ნაკადმა დაგვწვა თვალი,
 ღროა, აწ ჩვენც გავიხაროთ,
 ვნახოთ ქვეყნათ სამართალი.
 მაშ, წინ მედგრათ, ტანჯვის შვილნო:
 ჩვენი არის მომავალი!

(მათ დანახვაზე შავ დევს სიკვდილს ფერი დავდგება და
 კანკალვებს).

მზექაბუკი

მკრალო! რათ შეკრთი? რათ აკანკალდი?
 გაშინებს განა ჩემი ხანჯალი? (გადაავდებს)
 აჰა, ესეც შორს გადამიგდია...
 რას უცდი? მოდი, თუ არ ხარ მხდალი!

(ერთმანეთს შეუტევენ. მზექაბუკი დასცემს შავ დევს,
 გულზე ფეხს დაადგამს და ალტაცებით შესძახებს ხალხს).

ხალხო, იხარე! აწ და მარადის
 შენი იქნება ის „ნატურის თვალი“
 და მოგანიჭებს კეთილ ცხოვრებას
 იმისი მადლი, იმისი ძალი!

(შემდეგ წამოაყენებს შავ დევს).

შენ კი, ბოროტო! აღსდევ და ამ ხალხს
 თაყვანი ეცი მუხლ მოდრეკილი,
 ისიც შეგინდობს და შეგითვისებს,
 თუმც არის შენზე გულ-გატეხილი.

ის არ იფიქრო სისხლი გვწყუროდეს,
 ან ვიყოთ შენებრ გაუმადლარი,
 არა, ჩვენ მხოლოდ სიმართლეს ვეძებთ:
 გვინდა დავუდოთ ტანჯვას საზღვარი!

913 წ.

ოქროს კერძი

(ქალაქის შუა გულში, მალლობ ადგილზე ამართულია
 ოქროს კერძი და მზის სხივებზე თვალ-წარმტაცათ ელვარებს.
 მის გარს ფერიებს ფერხული დაუბამთ, უგალობენ და ფერად
 ყვავილებს უშლიან წინ).

ფერიები

შენ ღმერთი ხარ, ყველა ღმერთზე დიადი,
 შენ გცემს თაყვანს მოწიწებით ყოველი:
 ერი, ბერი და თვით მეფე ზვიადი,
 მდიდარი, თუ ქუჩის გლაზა, მთხოველი!
 შენ გიგალობს ქებათ-ქებას მგოსანი
 და მხატვარიც შენთვის ხმარობს ყალამსა,
 შენთვის ცეკვავს მელპომენა ფრთოსანი...
 შენ გიძღვნიან დიდებას და სალამსა!
 მძლეთა მძლე ხარ!.. შენი ნება-წადილი —
 კანონია, გარდუვალი და მტკიცე!..
 ბრძანებლობ და კიდევ შეგწევს ქადილი,
 რომ ქვეყანა მტვრათ აქციო, ცეცხლს მისცე!
 დიდება შენ, დიდება შენ, ძლიერო!
 ფიანდაზათ გიშლიოთ ცისფერ ყვავილებს.
 ნუ მოგვაკლებ შენს წყალობას, ციერო,
 და ჩვენც გიმღერთ ჰანგებს ნაირ-ნაირებს.

ოქროს კერძი (თავისთვის)

დღეს მე მშორჩილებს ცა და ხმელი, ყოველი არსი,
 გაისმის ყველგან ჩემი ქება, ჩემი დიდება,



ჩემ სადღეგრძელოთ ხელთ უპყრიათ ფიალა, თასი,
ჩემი სახელი, ჩემი ძალა დღით დღე იზრდება.

მაგრამ იყო დრო, როცა ქვეყნათ არავინ მცნობდა,
მიწაში ვეგდე შეუმჩნევლათ, მფარავდა ბნელი
და, ვიდრე ერი ჩემს ღირსებას კაგათ იგრძნობდა,
არვინ იცოდა მსოფლიოში ჩემი სახელი.

მაგრამ მოვედი და აემართე მრისხანე ლახტი
და ძირს დავამხე ერთის დაკვრით სხვა ღმერთთა ტახტი...
დღეს მე ვარ ღმერთი! მე მმორჩილებს ერი ყოველი:
საბრალო მონა, თუ ბატონი, სისხლის მწოველი.

(შემოდის მეფე).

მ ე ფ ე

ქვეყნის მპყრობელო! შენთვის იბრძვის ჩემი მახვილი,
სისხლით შევღებე კიღით კიდე, მთელი ხმელეთი,
ზღვას უსწორდება ქვრივ-ობოლთა ცრემლი დაღვრილი,
სინათლის ნაცვლად გავამეფე ყველგან ბნელეთი...

კვლავ შემოგწირავ უთვალავ მსხვერპლს, ოღონდ მწყალობდე,
რომ შენგან მოძღვნილ წყალობითა გრძნობა-ვმთვრალობდე!
(შემოდის მგოსანი).

მგოსანი

მძლეთა მძღველო! ჩემი ჩანგიც შენთვის ეღერს მარად,
შენთვის შევკონე ლამაზ ლექსთა თაიგულები
და მიმოვფანტე უცხო ხმებათ მთაში, თუ ბარად,
რომ თაყვანს გცემდენ შენი ტრფობით დაისრულები...

კვლავ ვიმღერ ტკბილათ, დაუცხრომლათ, ოღონდ მწყალობდე,
რომ შენგან მოძღვნილ წყალობითა გრძნობა ვმთვრალობდე!
(შემოდის მოძღვარი).

მოძღვარი

ყოვლად ძლიერო! მეც შენ გიკმევ გუნდრუკს საამურს,
შენთვის აღვაღენ წმინდა ლოცვებს საკურთხეველში,
გაქებ, გადიდებ, გიმორჩილებ მტრობასა და შურს,
მსურს შენ მეფობდე მხოლოდ მზიურ სასუფეველში...

კვლავ შენთვის შევთხზავ ფერად ლოცვებს, ოღონდ მწყალობდე,
რომ შენგან მოძღვნილ წყალობითა გრძნობა-ვმთრალობდე!
(შემოდის სოვდაგარი).

სოვდაგარი

სწორუბოვარო! მეც შენ გმონებ, გეტფრიალები,
შენა ხარ ჩემი სალოცავი, ჩემი ღვთაება,
გიცქერ და ცქერით ვერ ძლებიან ჩემი თვალები:
ეს ჩემი გული სამუდამოთ შენთან დაება.
შენ შემოგწირავ ცოლს, შეილს, მოძმეს, ოღონდ მწყალობდე,
რომ შენგან მოძღვნილ წყალობითა გრძნობა-ვმთრალობდე!

ოქროს კერპი (თავისთვის)

ჰა მაგალითიც: ჩემს წინაშე დახოხავს ყველა,
ძლიერი მეფე, თუ მსახური ხელოვნებისა,
სოვდაგარი, თუ სულის მამა, — ეს კუდა-მელა, —
მკადაგებელი ხალხთა შორის ქრისტეს მცნებისა!..
(შემოდის ქალი).

ქ ა ლ ი

ცის და ქვეყნის მბრძანებელო! ჰა, ეს საროს ტანი
შენთვის ნაზობს და ირხვეა, გულის თან წამტანი.
შენთვის ელავს ბროლის მკერდი, ბროლის ბორცვიანი...
შენთვის მინდა კოცნა მწველი, კოცნა ცეცხლიანი!
ვნების შარბათს გასმევ მარად, ვნებით განეტარებ,
ვნების ფრთებით აგიტაცებ, ლაქვარდს მოგატარებ.
დე დაიწვეს შენს წინაშე მსხვერპლათ ჩემი გული,
ოღონდ, ოღონდ მომანიჭე ფუფუნება სრული!

ოქროს კერპი (ამაყათ)

ვინ შემედრება ქვეყანაზე? ვინა მყავს ტოლი?!
თვით ვენერაც კი ჩემს წინაშე ქედ-მოხრილია!
ჩემთვის ფერადობს ყვავილები, ზურმუხტობს მოლი!
ჩემს ლექსიკონში სევდა-დარდი ამოშლილია!

ვის შეუძლია, რომ მეურჩოს, რომ მეთავებდოს?!
ვის შეუძლია ჩემი მტრობა, ვნება გაბედოს?!

(შემოდის მუშა ჩაქუჩით ხელში).

მუშა

მე! მე დავამხობ სამუდამოთ შენს ძლიერებას,
კაცობრიობას მოუბოვებ ბედნიერებას!

ოქროს ძვრპი (დაცინვით)

ხა, ხა, ხა, ხა, ხა! მიწის ქიავ, ნუ თუ გგონია
შენებრ მღილი ვარ უსუსური, შე საძაგელო?!

მუშა (მკვახვით)

გიცნობ ვინცა ხარ, ბევრჯერ, ხშირათ გამიგონია
შენი საქმენი საგმირონი და სასახელო:

მთელი სამყარო, სიტურფით და შევენებით სავსე,
სისხლით და ცრემლით შენ არ მორწყე, გაანადგურე?
ციხე, ციმბირი ტანჯულ ხალხით შენ არ გაავსე
და ყველგან გლოვა, ვაი, ვიში დაასადგურე?
შენ არ გაქედე ბორკილები, თოფ-იარაღი?!

ღვთიური ცეცხლი კაცთა გულში შენ არ დაავსე
და მიუსიე ერსა ერი, როგორც ყაჩაღი?!

ჩენი ცხოვრება შხამ-ნაღველით შენ არ აავსე?!

გულზე მატყვია, საზიზღარო! შენი ბრქვალეები
და კვლავ არ მინდა, რომ გიცქერდეს ჩემი თვალები;
უნდა დაემხო!.. (ჩაქუჩს შეუშართავს).

ოქროს კვრპი (ტაშს შემოჰკრავს)

ეი მცველნო! შემოდით ჩქარა!
სახრჩობელაზე ჩამოჰკიდეთ ეს სალახანა!

(მცველები შემოცვივიან და ატყვივებენ).

მუშა

მე ჩამომახრჩობ და გგონია შენთვის ეს კმარა?!

ტყვილათ ირჯები! დღეს სხვა დროა და სულ სხვა ხანა:
„სალახანებით“ სავსე არის მთელი ქვეყანა!

(გაჰყავთ, მაგრამ მის ნაცვლად ორი სხვა შემოდის ჩაქუჩებით).

ოქროს კერპი

თქვენ რაღა გნებავთ?!

მ უ შ ე ბ ი

რაც ნებავდა ჩვენს ტანჯულ ძმასა,
რომელიც წელან გაგზავნე იქ, საბრძოლელაზე!..

ოქროს კერპი (მრისხანეთ)

თქვენც გაგაყოლებთ ამ საათში უკანვე მასა!..

(კვლავ ტაშს შემოჰკრავს)

მ უ შ ე ბ ი

ვერ შეგვაშინებ! შენი რისხვა არ სჭრის ყველაზე!

(მცველები კვლავ შემოიჭრებიან და მათაც ატყვევებენ, მაგრამ მათ ნაცვლათ ოთხი სხვა შემოდის. მათაც ატყვევებენ, მაგრამ შემდეგ რვა შემოდის და ასე, ამგვარათ თანდათან ზღვაავდება მუშათა ჯარი. თავხარ დაცემული ოქროს კერპი შიშით კანკალებს. ამ დროს ერთი მუშათაგანი ჩაქუჩს შემართავს და ერთი დაკვრით მტვრათ აქცევს ოქროს კერპს. მის ნანგრევებზე მშვენიერი ასული აიმართება, ხელში ზეთის ხილის რტო უჭირავს).

მშვენიერი ასული

მშვიდობა თქვენდა აწ და მარად უკუნისამდე,

გფარავდეთ ღმერთი სიმართლის და სიყვარულისა!

მ უ შ ე ბ ი (ალტაცებით)

დიდება შენდა, შუქთა მფენო მიწიდან ცამდე,

მომნიჭებელო სიცოცხლის და სიხარულისა!

დღემდე შენ მხოლოდ ფერადობდი ჩვენს ოცნებაში,

მაგრამ თვალი კი ვერ გხედავდა მის სატრფიალოს

და გიყიადით, ვით დაჭრილი არწივი მთაში

უყივის სატრფოს, რომ ვარამი გაუზიაროს.

ახლა ჩვენთან ხარ, მოვლენილო მფარველად ჩვენდა,

და ჩვენც გიგალობთ: მზის ასულო, დიდება შენდა!!

1917 წ.



მზეთამზე

1

ვის უნახავს მზეთამზე,
სილამაზის ხატება?
თავის შვენიერებით
ელექს აღმატება.
ერთხელ თვალი თუ მოჰკარ,
გულში ჩაგეხატება.

მკერდ მოფარჩულს, ყელ-
ზურმუხტს,
ლურჯ სივრცეში ასულსა,
ორ ბუმბერაზ მთათ შორის
ნაზ დედოფლათ დასმულსა, —
სხივთ გვირგვინი ადგია
ისე, ვით მზის ასულსა!

საჩკეთ ფირუზი ცა აქვს
და სავარცხლათ — ზეფირი;
ფარეშათ ცისკარი ჰყავს
და ლამაზობს მზეპირი...
იციოთ, მაზე რას ამბობს
გადმოცემა ზეპირი?

2

ძველათ, უხსოვარ დროში,
როს მზე მოსწყდა მთვარესა, —
ერთი კოშიკი ამკობდა
ამ სამოთხე არესა...

თავს ვარსკვლავთ ჯარს იხვევდა
სხივებ მონარნარესა.

შიგ ცხოვრობდა მოხუცი,
ჰყავდა მხოლოდ ასული,
ტან-ლერწამი, პირ ბადრი,
როგოც ალვა, ასული...
მას ნაკლს ვერ უპოვიდა
თვით დემონი ავსული.

„მზეთამზესა“ ეძახდნენ
და მართლაც რომ მზეობდა.
მისი თვალთა ელვისგან
ბნელი ღამეც დღეობდა.
მიწიერ არსს არ გავდა,
ვით ცის შვილი, ზეობდა.

როს დილის მზე, ცხრა-
თვალა,
სხივებს შორს გასტყორცნიდა,
ბამბის ქულა თეთრ ღრუბლებს
ვარდისფრად ჩაჰკოცნიდა
და თმა-ხუჭუქ მწვერვალებს
ნისლთ ფარდას ჩამოხსნიდა, —

ისიც ცივ ნაკადულებს
დაუვლიდა ცქრიალით,
რაკრაკებდა, ფოთლები
ბანს აძლევდნენ შრიალით

და სტკბებოდა მიდამო
უცხო ჰანგთა წკრიალით.

3

ერთხელ, როცა მზეთამზე
ჩანჩქერში ბანაობდა,
ხან ტკბილად კისკისებდა,
ხან ჩუმათ ნანაობდა
და მისი გიშრის თმები
ტალღებში ქანაობდა, —

თვალი მოჰკრა შორით მზემ,
ტრფობის ქსელში გაება;
შესდგა, დიდხანს უცქირა,
თითქოს მასთან დაება.
ბოლოს გზნებით შესძახა:
„შენ ხარ ჩემი ღვთაება!“

შვიდ-ფერ სხივთ თაიგული
ოქროს ძაფით შეჰკონა,

ძღვნათ მიართვა სულის სწორს;
ისიც ზედ დაეკონა;
თუ უეცრათ დასწვავდა
ბედკრულს ეს რა ეგონა.

მაგრამ რა მიეკარა,
ვით აღი აპრიალდა,
დადნა და აღმასებათ
მიწაზე დაცქირალდა
და სხივებზე ათასფრათ
აენთო, აციალდა.

და მას შემდეგ იმ ადგილს
მზე თვალს ველარ აშორებს,
მუდამ თავს დაქათქათებს,
ჯანყს და ბურსს აშორებს,
ლალ ზურმუხტებით ჰქარგავს,
ელემსაც კი აშორებს!

წალვერი 1917 წ.

ერის სულის მეფე

(ძღვნათ აკაკის)

I

ერის შვილი, ერის წყლულზე
ნაშობი და გამოზრდილი,
ჩანგით ხელში იდგა ერში
და მღეროდა ენა-ტკბილი:
„ნუ, ნუ გძინავს, გაიღვიძე,
თავი შენი იცანიო,
დაუკვირდი შენს ჭირ-ვარამს,
დაისახე მიზანიო!
უღრტვინველათ რომ დადიხარ,
თავს რომ უხრი კირთებასო,

რატომ ვერ გრძნობ, რომ ასრულებ
 მტრის სურვილს და მტრის ნებასო?!
 ვინც არ იცავს თვის უფლებას,
 თავისთავის მტერიაო
 და ფურცლებზე ისტორიის
 მკვდართა რიცხვში სწერიაო!“
 მაგრამ ერი, ქედ-მოხრილი,
 მისცემოდა საღათას ძილს
 და ყურს სულაც არ უგდებდა
 მგონის სიტყვას, ამოძახილს.
 ზოგი ოქროს მოეხიბლა,
 ზოგიც კიდევ—სხვა გვარ ჯილდოს
 და ამბობდა: „რას დავეძებ
 ერს, თუნდ ცეცხლიც მოეკიდოს!“
 სხვებს სიბნელე უმეცრების
 უხუთავდა სულს და გულსა
 და რა ექნათ, არ იცოდენ:
 ღვრიდენ ცრეშლთა ნაკადულსა.
 მგოსანი კი, გულ-მოკლული,
 ეძლეოდა ფექრებს მწარეს,
 ხან სწყევლიდა, ხან კი ხსნის ღმერთს
 ავედრებდა მწობელ მხარეს.

II

ერთხელ, როცა მარტოთ მარტო
 იჯდა, საესე მწარე გრძნობით,
 ერის ბედზე ოცნებობდა,
 გამსჭვალული მისი ტრფობით,—
 ხმა მოესმა იდუმალი:
 „თუ გსურს მისწვდე ერის გულსო,
 მიაშურე გმირ ამირანს,
 კლდეზე მაგრათ მიჯაჭულსო;
 სთხოვე ცეცხლი, რომელიც მან
 მალლა ზევსა მოსტაცაო,
 აქ, მიწაზე, მოიტანა,
 განირისხა მისთვის ცაო;
 და ის ცეცხლი, მოგუზგუზე,
 მარად გულით ატარეო

და მაშინ კი შენი სიტყვაც
 შეიქნება მგზნებარეო!
 და მგოსანიც გზას გაუდგა,
 სიხარულით ფრთებ-შესხმული...
 ვინ იტყვის, რას განიცდიდა
 ოცნებაში მისი სული?

III

თალათ შეკრულ ლურჯ სივრცეში,
 სადაც ღრუბელთ გუნდი ჰფრინავს,
 ვარსკვლავები ციმციმობენ,
 მთვარე შუქს ჰფენს და მზე ბრწყინავს,—
 ბროლის ტახტზე იჯდა ზევსი,
 ხელში ეპყრა სავსე თასი,
 გარს ეხვია მრავალ წყებათ
 სხვა ღმერთების მთელი დასი.
 თაყვანს სცემდენ, აღიდებდენ,
 უგალობდენ ქებათ-ქებას
 და, მპყრობელი ცის და ქვეყნის,
 ეძლეოდა ნეტარებას.
 მაგრამ ამ დროს მის წინაშე
 წარსდგა ჰერმეს, დასძრა ენა
 და ამბავი თავხედ მგოსნის
 დაწვრილებით მოახსენა.
 გაწყრა... ბრძანა: „მზევ! დაბნელდი,
 მოიხვიე რიდე პირსო,
 რომ წვდიადმა შთანთქას მიწა,
 გადაშლილი იქ, ჩვენს ძირსო!
 ჯოჯოხეთო! შენც ამხედრდი,
 ავსულთ ჯარი შეყარეო,
 მგოსანს გზები შეუკარი,
 ქირზე ქირი შეჰყარეო!“
 და დაბნელდა ყველაფერი,
 გაბატონდა ბნელი ძალა,
 დღე და ღამის კანონ-წესი
 ერთიანათ შეიცვალა:
 აღარც ზღვა ჩნდა, არც ხმელეთი,
 ვერ ხედავდა ვერას თვალი.

სად არ გინდა, იქ დაძრწოდა
 „მაჯლაჯუნა“, „ქაჯი“, „ალი“...
 მგოსანი კი მაინც კიდევ
 მიდიოდა, არ ღრკებოდა,
 თუმც ათასგვარ დაბრკოლებას
 და ხიფათსა აწყდებოდა.
 მაგრამ შიში ვერ იპყრობდა,
 ვერ აკრთობდა ავ სულთ მახე:
 ბნელ გზას რწმენა უნათებდა,
 როგორც მიჯნურს სატრფოს სახე!
 და ამ გვართ, წლიდან წლამდე,
 ბევრი კლდე-ღრე გადალახა,
 კავკასიის ქედს მიაღდა
 და ხმა-მალა გადასძახა:
 „ამირანო! შენ დაგეძებ
 ტყე და ველათ გაქრილიო,
 მაგრამ, ვაჰმე, ვერსად გპოვე—
 და გული მაქვს დაქრილიო!
 შენს ძებნაში განვიცადე
 ბევრი ტანჯვა, ჭირი მეო...
 სად ხარ, სადა?! ხმა გამეცი,
 გმირო, შენი ჭირიმეო!“

IV

დილა იყო. ცას ღრუბელი
 გადაკვროდა კუპრებრ ბნელი,
 სქექდა, ჰქუხდა, ირყეოდა
 ტყე, მინდორი, მთა და ველი.
 თეთრ ჩადრ მოსხმულ კავკასიონს
 შიებჯინა ცისთვის თავი,
 ელვა ყელზე ეხვეოდა
 და ბურავდა ნისლი შავი.
 იქვე, კლდეზე მიჯაჭული,
 ფეხზე იდგა ამირანი,
 არწივი გულს უკაწრავდა,
 დასჩხაოდა ყვაფ-ყორანი.
 მაგრამ გმირი არ ღრკებოდა,
 არ იხრიდა მონურათ ქედს:

ცას ამაყათ შეჰყურებდა,
 მოთმინებით იტანდა ხვედრს
 და მოესმა მას ძახილი,
 ნაღვლით სავსე, როგორც კენესა,
 გაუკვირდა, რადგან მისთვის
 უჩვეულო იყო ესა.

— ეი, ვინ ხარ? — დაიძახა,
 მოდი, თვალით დამენახე;
 მას აქეთ, რაც აქ მიგჯაჭვეს,
 არ მინახავს კაცის სახე.
 წინ წამოდგა მყის მგოსანი,
 დაბლათ თავი მოუხარა.

ამირანიც მიესალმა,
 თვალი თვალში გაუყარა.
 შემდეგ ტკბილათ გამოკითხა
 სოფელ-ქვეყნის კარგი, ავი
 და მგოსანმაც გადუშალა
 წინ სურათი შავზე შავი.
 ბოლოს ჰკადრა: „გმირთა გმირო!
 სათხოვარი რამ მაქვს დიდი.

— ჩემ ხელთ თუა, ავისრულებ,
 სთქვი, სთქვი ოღონდ, ნუ გაქვს რიდი.

— მიწყალობე მეც ის ცეცხლი,
 შენ რომ ციდან მოიტანე,
 რომ აეუნთო მით ერს გული,
 თვისი კერა და სავანე
 მოვაგონო, შევაყვარო,
 სამოქმედოთ აღვიძრა ყველა,
 თორემ ახლა, ქედ მოხრილი,
 სულს ლევს, ჰქრება ნელა ნელა!
 არ სჭრის მასზე ჩემი სიტყვა:
 გულში უდევს ყინულთ ლოდი!
 გმირო! გთხოვ, ნუ გამაწბილებ:
 მიწყალობე რასაც გთხოვდი!
 გმირსა გული აუტოკდა,
 ცას ეწია სიხარულით
 და მგოსანს ყელს მოეხვია,
 გადაკოცნა სიყვარულით.

თან შესძახა: „ცეცხლი მისთვის
 მოვიტანე ციდან მცა,
 რომ ტანჯულ და გზა-დაბნეულ
 ერისათვის გადამეცა,
 მაგრამ ზეცა გამირისხდა,
 აქ მიმჯაჭვა, ამ შავ კლდეზე,
 და სასჯელსა, რომ მანანოს,
 მიორკეცებს დღიდან დღეზე.
 მაგრამ მე ეს როდი მაკრთობს,
 სულ სხვა არის ჩემი დარდი:
 რომ მიზანს ვერ მივალწიე,
 ვერ გავფურჩქნე ერის ვარდი
 და თუ ამას შენ იკისრებ,
 ესოდენი შეგწვევს ძალი:
 ჰა, წაიღე!.. მომიცია! —
 და გადასცა ნალვერძალი.
 ის მგოსანმა გულს ჩაიდვა,
 მოემატა სულის ძალი
 და გამოჰკრთა მის თვალებში
 ღვთაებრივი ნაპერწკალი.

V

კვლავ ეწვია მშობელ მხარეს,
 კვლავ მომართა ტკბილათ ჩანგი,
 სიმთ ჩამოჰკრა, ააე ოერა,
 შორს გაისმა მწველი ჰანგი.
 ცეცხლის სიტყვა გულში მოხვდა
 ერს, გონება დაბნელებულს,
 გამოფხიზლდა, ნათლად მიხვდა,
 თუ რა ჰირიც სჰირდა ვნებულს,
 და აჰალოდა, მტვრათ აქცია
 უმეცრების ხუნდ ბორკილი:
 სულის მეფეთ აირჩია
 მან მგოსანი ენა-ტკბილი!..

ფულის ძალა

ერთხელ ქრისტემ მოისურვა, რომ გაეცნო ხალხი: გლახათ იქცა, მოიხვია თავზე ჩაბალახი; ხელში ჯოხი დაიკავა, პირში — ყალიონი, გზას გაუდგა, რა გამოჩნდა ცაზე ალიონი. გლახს მიადგა, — შეზობელო, მიქონ საქმე ძმური, შიმშილისგან სული მძვრება, მიწყალობე პური. შენც გლახი ხარ, მიწის მუშა, ჩემებრ ქირ-ნახული, და მრწამს, რომ სხვის გაქირვებას იგრძნობს შენი გული. გლახმა თავით ფეხებამდე აათვალიერა და შემდეგ კი უპასუხა დამშვიდებით, ნელა: — პური კი მაქვს, მაგრამ მუქთად რათ დავითმო, რისთვის? დღეს ხომ იცი — უფულოთ ხელს არ ანძრევს ძმა ძმისთვის. ქრისტეს ღიმი მოერია, მაგრამ არა სთქვა რა,

გულ-ნატკენი მოტრიალდა, ფეხი ააჩქარა. მღვდელს ეწვია, მოკრძალებით უთხრა: — მამავ სულის, ვიცი, რომ შენ არ გექნება ინტერესი ფულის; გაქირვებულს შეეწვევი ლატაკს შეიცოდებ... და მეც მიტომ გაიხელი, შენს წინაშე ვგოდებ. ვახ, მეუღლე გადამელო, განუტევა სული; მინდა მიწას მივაბარო ის სულ-ცხოვრებული. ჰქენ სიკეთე, დამიმარხე ქრისტიანულ წესით. — მებრალეები, — უპასუხა წუწუნით და კენესით, — მაგრამ უნდა გივხრა, შეილო: ეს არ იცი განა, რომ ვერ შევა სამოთხეში მკვდარი მაგისტანა? ჩემი ლოცვა მაშინ გასქრის, დაძლევს ცოდვას ავსა, როცა ცალკე სამარხს მომცემ, ცალკე საწირავსა. ქრისტეს ღიმი მოერია, მაგრამ არა სთქვა რა, გულ-ნატკენი მოტრიალდა,

ფეხი ააჩქარა.

ბაზრისაკენ გაეშურა,
აჰყვა ფართლის დუქნებს,
სადაც თავი მოეყარათ
ვაჭრებს, კისერ-მსუქნებს.

-- რას ინებებთ? — ჰკითხა
ერთმა

მოკრძალებით დიდით
და თან შიგნით შეიწვია
საუბარით ფლიდით.
— საპერანგე ნარმა მინდა
ერთი ექვსი ადლი,
დამპალი არ შემატყუო,
თუ გრწამს ქრისტეს მადლი.
აბა, ბიჭო! — შეუძახა
ნოქარს, — დააჩქარე!
თან ანიშნა ჩუმით თვალით,
სადაც ეწყო მდარე.

— მთლად დუნია მოიარო, —
უთხრა, — ამგვარ ფართალს,
ვერსად ნახავ, ვერ იშოვნე,
გკადრებ სიტყვას მართალს.
მოუზომა, ხუთი ადლი
მისცა ნაცვლათ ექვსის
და თან, რომ არ შეენიშნა,

მოუყვა მას ეს, ის.

ქრისტეს ღიმი მოერია,
მაგრამ არა სთქვა რა,
გულ-ნატკენი მოტრიალდა,
ფეხი ააჩქარა.

სასამართლოს მიაშურა,
იმისკენ ჰქნა პირი
და შესჩივლა მოსამართლეს
თავის გასაჭირი.
მუხლ-მოდრეკით შეევედრა,
სამართალი სთხოვა,
მაგრამ აქაც მარტოთ მარტო
ფულის ძალა ჰპოვა.
სთქვა: — უგნური ადამისძე
გადამცდარა გზაზე,
ღმერთად ფული გაუხდია,
სცურავს ცოდვის ზღვაზე!
უძღვებ გულში ჩაჯდომია
ბოროტების გველი
და შხამს ანთხევს — მოუწამლავს
არსებობის ველი!
სთქვა და მყისვე გაჰქრა იგი,
მზის სხივს აჰყვა თანა,
და ფულს დარჩა სათარეშოთ
შემდეგ ეს ქვეყანა.

კ ლ ე ხ ი

1

ერთ მიყრუებულ
სოფლის კუთხეში
ცხოვრობდა გლეხი,
ტლანქი, უხეში.
შრომობდა დღისით,
შრომობდა ღამით,

მაგრამ ვერაფერს
ხდებოდა ამით.
სიღარიბეში
სძვრებოდა სული:
არც მჭადი ჰქონდა,
არც გროში ფული.
კარებზე უდგა

ყოველ დღეს გზირი, —
 არ შორდებოდა,
 ვით სნეულის ქირი.
 — ეს სახელმწიფო,
 ეს დრამის ფული...
 ესმოდა მუდამ,
 უწუხდა გული.
 აქ არვინ ჰყავდა
 ნუგეშის მცემი:
 ცისკენ მიჰქროდა
 მის ფიქრთა გემი.
 მისგან ელოდა
 ხსნასა და შევლას
 და თაყვანს სცემდა
 წმიდანებს ყველას.
 მაგრამ მისდევდა
 თვეს თვე, წელს წელი, —
 არვინ ჩნდა მისი
 შემწყნარებელი.
 ბოლოს ზეცაზეც
 გაუტყდა გული,
 გაუორკეცდა
 სევდა და წყლული.

2

გავიდა ხანი.
 მიეცა შვილი,
 რომ მოენათლა
 უნდოდა, ჩვილი;
 მაგრამ ნათლიად
 ვერვინ იშოვა:
 ყველამ უარჰყო,
 ვისაც კი სთხოვა.
 სთქვა: „მიტომ არვინ
 მკადრულობს ალბათ,
 რომ ღარიბი ვარ,
 არა მაქვს ქარბათ
 პური და ღვინო,

გულის საღებო,
 ყველა გავაძლო,
 ყველა ვალხინო.
 მქონოდა აბა
 ესე ყოველი,
 არ ვყოფილიყავ
 ლუკმის მთხოველი, —
 მაშინ ბატონ-კაცს
 დამიძახებდენ,
 ჩემს მოყვრობას თვით
 განიზრახებდენ“...
 დასწყევლა სოფლის
 ადათი, რიგი,
 და გზას გაუდგა
 შორისკენ იგი.

3

მიმავალს კაცი
 შემოხვდა გზაზე,
 ჰკითხა: „სად მიხვალ?
 ან ნაღვლობ რაზე?“
 გლვებმაც აუხსნა
 თავისი დარდი,
 წინ გაუშალა
 შავ ფიქრთა ვარდი.
 მან ანუგეშა,
 ვით მამამ შვილი,
 არ დაიშურა
 სიტყვები ტკბილი.
 და ბოლოს უთხრა:
 „თუ არ მდებ კილსო,
 მე მოგინათლავ,
 ძამიავ, შვილსო“.
 კეთილი, — უთხრა, —
 მაგრამ ჯერ მითხარ:
 საიდან მოხვალ
 და ანუ ვინ ხარ?“
 „ქრისტე ღმერთი ვარ,

ქვეყნათ შუქ-მფენი“...
 „არა! არ მინდა
 მოყვრობა შენი!
 აგერ სრულდება
 ორმოცი წელი,
 შენს ვედრებაში
 მწყდება მე წელი:
 ხან სანთელს გინთებ,
 ხან გიკლავ კრავსა,
 გემუდარები,
 გაცოდებ თავსა, —
 მაგრამ მე შენგან
 ვერას ველირსე,
 დამივიწყე და
 გამწირე ისე. —
 და ახლა გინდა
 მოყვრათ მიგილო,
 სახლში შეგიშვა,
 კარი გაგილო?
 ეს არ იქნება
 არასდროს, არა!“ —
 შესძახა მკვებელ,
 გაშორდა ჩქარა.

4

დიდხანს იარა,
 იხეტიალა,
 გადაიარა
 ბევრი ტყე, ქალა...
 და სალამოს უამს,
 როს ბინდმა დაჰკრა,
 სიომ სისინით
 ტყეს ფრთები გაჰკრა, —
 კვლავ შეხვდა კაცი,
 თმა-წვერ-ქალარა,
 რომელმაც ბარგი
 იქვე დაჰყარა

და ჰკითხა გლეხსა:
 „სად მიხვალ, ძმაო,
 ან შუბლზე სევდა
 რათ გაზის ღრმაო?“
 აუხსნა გლეხმაც
 თავისი სევდა,
 უთხრა — ნათლიას
 რომ დაეძებდა.
 „მე მოგინათლავე,“ —
 მიუგო მშვიდათ.
 „მეც მადლობელი
 ვიქნები დიდათ.
 მაგრამ ჯერ მითხარ:
 ვინახარ შენა?“
 „ანკელოზი ვარ,
 მცხოვრები ზენა“.
 „რას გეძახიან?“
 „მიქელ-გაბრიელს.
 ვერ ნახავ ქვეყნათ
 კაცს ჩემს მადლიერს:
 ყველას, — დიდს, მცირეს,
 სულელს, თუ ბრძენსა, —
 ერთგვარათ ვუსვამ
 სიკვდილის ცელსა“.
 „ახ, ვენაცვალე
 მაგ შენ გულს მართალს,
 რომ არ ამრუდებ
 სასწორ-სამართალს!“ —
 შესძახა გლეხმა,
 მოხვია ხელი,
 შინ წაიყვანა
 სტუმარი ქველი, —
 გააცნო თვისი
 ეზო, სახლ-კარი...
 და აქ გათავდა
 კიდევ ზღაპარი.

გაუმამღარი



ერთხელ, მათხოვრათ
 გადაქცეული,
 ვიღადა ქრისტე
 მარტო, ეული.
 გზათ მოეწია
 სოფლის მოძღვარსა,
 ჩაკურატებულს,
 მორგვივით რგვალსა.
 სალამი მისცა;
 უთხრა: „მამაო,
 გაკურთხოს ქვეყნათ
 მალლით ცამაო!.
 უცხო კაცი ვარ,
 შორით მსვლელიო,
 არც თვალი მიჭრის,
 არცა ხელიო;
 ნაჩუქარი მაქვს
 სამი კვერიო,
 მაგრამ შენახვა
 ვერ შევძელიო;
 გთხოვ, ამ აბგაში
 ჩამილაგოო,
 მაგრამ არც ერთი
 დამიკარგოო“.
 დასთანხმდა მღვდელი
 დიდი ხალისით,
 (სულ სხვა განზრახვით,
 არ საკადრისით):
 ორი ჩაუდო
 იქვე აბგაში,
 ხოლო — მესამე
 იკრა კალთაში.
 და გზას გაუღგენ...
 მიდიან ნელა,
 გლახა მოხუცი,
 მღვდელი წვერ-გრძელა.

მიადგენ წყაროს,
 ჩუხჩუხას, გრილსა,
 კორდს ამწვანებულს,
 ხავერდათ შლილსა.
 უთხრა გლახაკმა:
 ღირსო მამაო!
 მოდი დავნაყრდეთ,
 თუ გსურს ქამაო.“
 დასხდენ. გლახაკმა
 როდესაც ნახა,
 კვერთ ერთი აკლდა,
 მკვახეთ შესძახა:
 „განა შეშვენის
 ქურდობა მღვდელსო,
 ქრისტეს მოციქულს,
 სინმინდის მცველსო?!“
 გაფითრდა მღვდელი,
 დაეტყო წყენა:
 ფიცით ქრისტე ძირს,
 ჩამოასვენა
 და დაარწმუნა:
 უბრალოა ის,
 კვერის შესახებ
 მან არა იცის.
 რაღას იზამდა?
 დამშვიდდა გლახა:
 რასაც ფიქრობდა,
 გულს დაიმარხა.
 კვლავ გზას გაუღგენ...
 მიდიან ნელა,
 გლახა მოხუცი,
 მღვდელი წვერ-გრძელა.
 და უცბათ გზაზე
 ხაზინა ნახეს:
 გაეყოთ იქვე
 მათ განიზრახეს.



სთქვა მღვდელმა: „მსჯეარი
სწორეთ დავდოთო:
ნაპოვნი განძი
შუა გავყოთო“.
გლახაჲ მიუგო:
„ეგრე არაო:
ვინაც ის კვერი
მოიპარაო, —
იმასაც ვარგოთ
ერთი წილიო
და ავაცილოთ
გასაჭირიო.
აღბათ შიმშილი
უკლავდა გულსო,
თორემ ქურდობას
ვით იქმდა, კრულსო!?“
მღვდელს გაეხარდა,
ასწია კაბა:
„მე მოვიპარე
ის კვერი აბა!“

სთქვა და ტომარას
ჩასკიდა ხელი,
ისე, ვით კრავსა
მშიერი მგელი.
გლახაკმა მწარეთ
გაღიხარხარა:
რასაც ფიქრობდა,
ვეღარ დაჰფარა.
უთხრა: „ჰა, ყველა
იყოს შენიო:
მაგრამ ვერ გაძღე
შენი ღლენიო!“
და წამსვე გაჰქრა,
გაუჩინარდა,
სიწმინდე ცისა,
ცასვე მიფარდა.
მას აქეთია
ვერ ძღება მღვდელი:
გამოწვდილი აქვს
ორივე ხელი!

მდიდარი და მენახშირე

1

იყო ერთი მდიდარი,
მაგრამ ძუნწი გულითა,
გროშს გროშზე აწებებდა,
ვერ ძღებოდა ფულითა.
ოქრო-ვერცხლის მთა ედგა,
ეპყრა დაბა-სოფლები,
მაგრამ მაინც ცდილობდა —
გაეძარცვა ობლები.
სხვის სუფრაზე თუ იჯდა,
ქეიფობდა გულითა,
შინ კი კმაყოფილობდა
მხოლოდ შავი პურითა.

2

ერთხელ იგი ბაზარში
გამოვიდა დილითა,
ნახა საესე დღუქნები
სანოვაგით, ხილითა.
ხან ამას შეეეაქრა,
ხან იმას ჩაუხველა,
მაგრამ ხმაც არვინ გასცა,
რადგან იცნობდა ყველა.
ეწყინა. გულნატკენი
შეირხა, აიწურა,
მაგრამ რალას იხამდა?
ისევ სახლოს მიაშურა.



წინ შემოხვდა მეთევზე
ხელში ცოცხალ თევზებით.
პირში ნერწყვი მოადგა,
ჰკითხა სულის კვეთებით:
„როგორ ყიდი მავ თევზებს,
რამდენ უხალთუნათო?
— ერთ მანეთად მოგართმევ,
თუ წაიღებ სრულათო.
— რას ამბობ, ძმევ!?. ძვირია...
ამოდენა ფულითო
მთელ ღღეს გავატარებდი
ქეფ-კრიმანჭულითო!“

4

ამდროს თავს წამოადგათ
მენახშირე ომარა*),
ზურგზე წამოვიტოდა
მას ნახშირით ტომარა.
არც კი შევვაჭრებია,
ხელთ ჩაუღო აბაზი.
„ხომ კი გაგიგონია,
უთხრა, პეტრე ხაბაზი?
მის გვერდით მჭედელია,
ბარ-სახნისის მქნელიო,
აღბათ გენახულება,
ჯმუხა კაცი, სქელიო?—
ამ ნახშირს მას მიუტან,
გამოვართმევ ხედრ ფულსო
და დანარჩენსაც მოგცემ,
არ დაგწყვეტავ მით გულსო“.
და წავიდენ... მათ უკან
გაჰყვა ჩენი მდიდარი,
თან თავს ეკითხებოდა:
„ცხადია, თუ სიხმარი?!
მენახშირე ტკბილ პურს ჰკამს,
მე რა ცოდვა მეწია?!“

და, ამფაქრით მოცული,
ომარს წამოეწია.
უთხრა: „ერთ რამესა ვთხოვ,
მოდო, ამისრულეო,
შემდეგ შენს პატივმცემელ
მოყვრათ მეც მიგულეო:
სადილათ დამპატიე,
რომ ვიხილო თვალითო—
რა ავლა-დიდება გაქვს,
ცხოვრობ რისი ძალითო.
— ბატონი ხარ... მობრძანდი!
მეამება ფრიადო:
ვინც მიკადრებს, მისთვის მეც
კარები მაქვს ღიადო“.
წაიყვანა. გულუხვით
უმასპინძლა, ახარა:
სიღარიბის უფსკრული
პურადობით დაჰფარა.

5

ზის და ხედავს მდიდარი
ქობს უბრალოს, წახრილსა,
ფარღალაღა კედლებსა,
სვეტებს შუა გახრილსა;
ცარიელ ტახტს, ძველ ფარდავს,
ფეხ შიშველა ბაღლებსა,
მაგრამ გულ-მზიარულებს,
დარდის თან არ წამლებსა...
ხედავს და ძალზე უკვირს:
„რატომ ხდება ასეო,
ღარიბი—მზიარულობს,
მე—ჯავრით ვარ სავსეო?!“
იმას კი ვერ მიმხდარა
მისი ჭკუა-გონება,
რომ მიზეზი ამისი—
არის ოქროს მონება.

*) სახელია კაცის.

6

როცა გამოეთხოვა,
 უთხრა: „მეგობარო,
 ყური მიგდე, მწადია
 რამე დაგიბარო:
 ხვალ სადილათ მეწვიე,
 ერთად ვკამოთ პურიო,
 თუ გინდა, რომ არ დარჩე
 ბედის უმადურიო.“
 და წავიდა, ნახულით
 მეტათ გაკვირვებული.
 თავში უტრიალებდა
 აზრი ახირებული:
 „სიღარიბე, სიმდიდრე
 სულ სხვადასხვა ხიღია,
 კაცის ბედნიერება
 რომელ მათგანს ჰკიღია?!“

7

მეორე დღეს ომარა
 მიადგა მდიდრის კარსა,
 კრძალვით და მორიდებით
 ჩამოჰკრა ნელა ზარსა.
 მიიღო მეგობრულათ,
 უმასპინძლა გულითა,
 პური პურათ აქამა,
 ღვინოც ასეა კულითა...
 და, როცა გადიხარა,
 საღამომ მოატანა,
 ერთი ტოვისკა *) ოქროც
 თანვე გამოატანა.

8

შინ მივიდა სირბილით,
 ეს თავის ცოლს ახარა;

მანც დაუდგა ბათმანი **)
 და ოქრო შიგ ჩაჰყარა.
 ორი თითი დააკლდა,
 პირამდე არ აივსო:
 იმ დღის შემდეგ მათ გულში
 შეგების ცეცხლი დაივსო.
 სთქვეს: „თავამდე მოგყაროთ,
 ნუ დავეტოვებთ ნაკლულსო,
 რომ გულს ჰქეკათ არ ქონდეს,
 სიღარიბით ჩაგრულსო“.
 მუშაობდენ... სულისთვის
 ვერაფერს იმეტებდენ,
 გროშს გროშზე აწებებდენ
 და იმას უმატებდენ.
 ძარცვა-გლეჯის სურვილიც
 ნელ-ნელ შემოეპარათ:
 მუდმ იმას ფიქრობდენ —
 ვისთვის რა მოეპარათ.
 და ამგვარათ დღე ღამეს
 და ღამე დღეს მისდევდა, —
 ის კი არ იცნებოდა,
 თითქო დაბლა იწევდა.
 ითმინა მენახშირემ,
 ბოლოს ვერ აიტანა, —
 დაავლო ოქროს ხელი,
 ძველ პატრონს მიუტანა.
 უთხრა: „რა შინ წავიღე
 ეს ლითონი, კრულიო,
 შემდეგ სიხარბის გველმა
 გამომიხრა გულიო.“
 და გაშორდა... ნახშირით
 მოიკიდა ტომარა
 და ისევ ძველ ცხოვრებას
 დაუბრუნდა ომარა.

*) ტოვისკას იმერეთში პატარა ტოპარს ეძახიან.

**) სიმინდის სარწყავია.

ს ა წ ჩ ე ვ ი

დაუსრულებელი ძიება	3	ხარება	38
დე იტანჯე, ჩემო სულო.	4	მე სიკოცხლე ვარ	—
ქალაქი	5	ბესო	39
მგოსანი და მზე	10	და ეს სიკვდილი არაა განა	40
ბარათი	13	მაშ კრულომც იყოს	41
სიმღერები	14	ზეშთაგონებავ შენ საღ	
ანდერძი	16	ხარ, სადა	42
მომეცით ფრთები	17	ამონაკენესი	43
ტყვე არწივი	—	ტყის სტუმარი	44
ქუჩის სურათები	18	ჩემი ლოცვა	45
ოხ, საღ არის გაზაფხული	20	ტბა	46
ჩემ მუზას	—	ორი სურათი ,	47
არიან წამნი	22	გამოვქედოთ ჩვენი ბედი	49
ფერია	24	შენს მოლოდინში.	50
მიყვარს დილა.	25	შენ ჩემთან მოდი	—
მეც ვნახე ზეცა	26	მშვიდობით წადი	51
სახრჩობელასთან	27	სატრფოს	—
მეც მყავს სატრფო გულის	28	ამონაკენესი	52
ჰერკულესი.	29	შემოდგომა სოფლათ	53
მკვდრების სიცილი	30	სიმღერა	54
მუსიკის ძალა	31	ღღეს დაკრძალეს	55
ოცნების ფერიას	32	მეოცნებეს	56
ხარება	33	დიდება ქუჩას	57
მთაწმინდის ქარი	34	არ ავიწყდება	58
უპასუხო კითხვები	—	უმისოთ რაა სიკოცხლე	
მოციქული	35	ჩემი	59
მზე იცინოდა	36	მეზღვაურთა სიმღერა	60
მზესუმზირა	—	ღღეს ჩვენთან არის	62
სოფლის სურათი	37	დიდება შენდა	—

ასე რად ხდება	63	სულის დაეუფლა წითელი ფიქრი	—
როდის ამოხვალ	—	მე მტერს ვეძებდი	89
ეჰ, ძნელია	64	დე მასვე დარჩეს.	90
ახ, ნუ მკითხავთ	65	წითელი განცდა.	91
რათა?!	66	სიმღერა	—
აჯანყდა სული	—	მოწოდება.	92
პოეტს	67	გურიას.	94
როდის ჩაკედება	68	საქართველოს მზეს	95
ახლა სხვა მეიყვარს	69	ბაკურიანში	96
ორი დრო	70	ზეიმი	97
ქარშოშინია	71	1 მაისი	98
ბაქოს	—	თფილისი 1 მაისს	—
სოფლის სურათი	72	ჰაუ! ჰაუ!	99
სულ ვერ ზიდავს	74	ქუჩებში	—
დილა	75	დამწვარი სული	100
უწერის მწვერვალზე	76	თავისუფალ საქართველოს	101
შემომალამდა	77	უხილავი მხარე	102
პირველ მაისს	—	დაქრილმა გულმა	103
ჩემი სიმღერა	78	საქართველოს არწივი	104
განცდა.	—	26 მაისი	—
შენ მღეროდი.	79	ახ, ერთხელ მაინც	105
მომაკვდავი არწივი	—	ნატვრის თვალი	107
და ქვითინებდა სული მწუხარე	80	ოქროს კერპი	122
ეი, მიხედეთ	83	მზეთამზე	127
ბორჯომს	84	ერის სულის მეფე	128
ჩემს ჩანგს	85	ფულის ძალა	134
წალვერს.	86	გლები	135
გონს მოდით	87	გაუმაძლარი	138
სალამო ბათუმში	88	მდიდარი და მენახშირე	139



შეცდომის გასწორება

გვერდი	სტრიქონი	დაბეჭდილია	უნდა იყოს
19	ზევიდან 17	შვეშ	ქვეშ
—	" 18	ელვრებოდა	ილვრებოდა
22	" 8	სიცოცხლს	სიცოცხლეს
26	" 18	გაღს	გულს
30	" 6	გიღრღნის	გვიღრღნის
31	ქვევიდან 16	გადმაფრენს	გადამაფრენს
34	" 6	გაიშალა	გაიშლება
35	" 15	მოქადაგებლათ	მქადაგებლად
—	" 8	მტრიკი	მტერიკ კი
—	" 4	წერას	წერას
—	" 1	ჩანგ სიმღერას	ჩანგის ჟღერას
41	ზევიდან 16	იცილება	იცილება
43	" 1	ახალი	ახალ
—	" 2	შევთხზა	შევთხზა
46	ქვევიდან 16	ადგილის	ადგილს
47	" 8	აღმსაღვლეთი	აღმოსაღვლეთი
59	ზევიდან 19	იმასკ	იმასაკ
76	" 20	ტყვიამ	ტყვიამ
93	" 15	ისმინე	ისმინეთ



1953

საქართველოს
საბჭოთაო კავშირი



ჯანსი 25 მან.

